


SSH
Current
Shelves
DU
740
A2
W3
v. 1559



WANT

Wantok
SSH Current Shelves
UC San Diego
Received on: 06-28-04

Wan Wik, Jun 3 - 9, 2004

NIUSPEPA BILONG OL PNG STRET

Namba 1559

K1 tasol

INSAIT

PES 2...

Toktok bilong sik
AIDS i go long ples

PES 3 ...

Nupela memba bilong
Yangoru Saussia

PES 10 ...

Bisop tok strong
long lo na oda hevi

LUKIM NRL

RIPOT LONG PES
28 - 29

Papagraun laikim tinpis kampani long lusim ples

Neville Choi i raitim

OL PAPAGRAUN bilong Seg insait long Madang provins i laikim bai bikpela tinpis kampani i wok long hap, RD Tuna Cannery i mas lusim Madang.

Dispela toktok i kamaut long Idawad Asosiesen, wanpela papagraun grup i makim maus bilong faivpela klen insait long hap we kampani i sindaun long en.

Oi dispela papagraun i bin autim belhevi bilong ol long ol nius ripota i sindaun long wanpela kibung we i bin kamap long Madang long dispela wik.

Francis Gem bilong Gevanen Klen long Seg em i Siaman bilong Idawad Asosiesen we i makim ol papagraun husat i no wanbel long wok bilong RD. Oi i tok bihain long kampani i kamap long ples bilong ol, solwara bilong ol i wok long bagarap na dispela i kamapim bikpela hevi long ol pipel.

"As bilong dispela kros em mipela i laikim bai dispela tinpis kampani i mas lusim ples bilong mipela. Mipela i kisim bikpela pen. Rip i dai na nau i nogat pis. Taim RD i no bin kam yet, mipela inap long go klostu tasol na pulim pis. Nau mipela i go huk, i nogat pis. Bai mipela i go we? Solwara i bagarap, husat nau bai stretim? Bipo, mipela i save lukim olsem pis we mipela i save painim bilong kaikai em i planti. Mipela i save gat ol pasin tumbuna long lukau-



Biutiful Madang.. Solwara em bikpela samting long laip bilong ol pipel bilong Madang. Planti long ol manmeri i stap long nambis olsem ol dispela lain meri asples i save olsem sapos solwara i bagarap, laip bilong ol bai bagarap. *Poto: JESSICA BROWN - SEAWEB*

tim solwara i stap. Tasol nau, i nogat moa. Planti hap bilong solwara bilong mipela i wok long bagarap. I nogat moa pis i stap. Na taim ol pikinini bilong mipela i waswas long solwara, ol i save

kisim sik.
"Dispela em i no liklik samting. Laip bilong mipela ol as ples i wok long bagarap. Mipela i no save husat tru bai helpim mipela nau," Mista Gem i tokim ol niusman.

"Solwara i bagarap. Mipela yet i lukim dispela i kamap. Mipela i bin mekim bikpela askim i go long provinsel gavman. Ol lain bilong dipatmen bilong envairomen na konsavesen bin kam, Nesenel

Fiseries Atoriti i bin kam, na Dipatmen bilong Agrikalsa na Laipstok tu i bin kam long las yia long glasim ol hevi bilong mipela. Tasol inap long nau yet, mipela i

I go long pes 3

Niupela!

Smel bilong Apple!

AXION
THE GREASE STRIPPER

POLIS RIPOT

MOSBI: Polis i givim strongpela tok lukaut long ol manmeri i ron long ka long lukaut gut taim ol i ron long nait o stop long baim buai long rot.

Mosbi polis i givim dispela tok lukaut bihain long ol raskol i stilim ol kar na tu bagarapim wanpela liklik meri las wik.

Bos bilong Mosbi na Sentrel Polis Komanda Tony Wagambie i tok pašin bilong stilim ka i bikipela nau long Mosbi siti olsem na ol manmeri wantaim kar bilong ol i mas lukluk gut na ron taim ol i raun long siti o kam stop long ol buai maket nabaut.

MOSBI: Sampela man nogut i bin bilas gut tru na go insait long bikipela hotel long Mosbi ol i kolim Holiday Inn na stilim bikipela mani bilong hotel. Polis ripot i tok ol dispela man i bin go insait long hotel long Mande moning na sindaun gut tru olsem ol ges bilong hotel o ol lain i laik mekim bisnis long hotel. Bihain ol i kirap hensapim wokman wantaim mani na kisim bikipela mani we ol i no tokaut yet long namba bilong en. Long nau yet menesmen bilong hotel na polis i wok long sekim yet ol piksa we kamera bilong hotel i bin kisim long dispela taim.

MADANG: Wanpela man i dai long birua bilong kar long Madang long las wiken taim wanpela bikipela kar i bam wantaim wanpela liklik kar long rot. Draiva bilong dispela liklik kar i dai hariap tru taim narapela pasindia i kisim bikipela bagarap long bodi bilong em. Polis i tok ol lain long dispela kar i bin dring na draiv.

Long wankain taim tu wanpela man i kilim dai meri bilong em bihain long tupela i bin kros. Kros bilong tupela i go strong moa na man i paitim meri bilong em. Bihain em i go long haus sik na dai. Polis i tok man bilong meri ya i ronawe na hait i stap.

Toktok bilong sik AIDS go long ol ples

Joe Ivaharia i raitim AWEANES bilong sik HIV/AIDS i wok long go aut long ol pipel i stap long ol asples insait long kantri. Dispela i wok long kamap bihain long Nesanel Brodkasting Kopresen (NBC) wantaim Nesanel AIDS Kaunsil i mekim wanpela tok promis long kamapim dispela

aweanes wok long redio. Wanpela program we i save kamap long redio em "Lukautim yu long AIDS" na dispela program i bin stat las yia we wanpela wokmeri anaunsa bilong NBC Raka Hera i save go pas long en. Mis Hera bai i resis long wanpela awod bilong Nesanel AIDS Kaunsel long luk-

save long painim manmeri husat i save mekim gutpela wok long ripot long sik AIDS insait long PNG. Long ronim wankain program gen long dispela yia Nesanel AIDS Kaunsil i bin givim wanpela sek mani mak olsem K27,390.00 i go long NBC long mekim dispela wok.

Maladina i kamap nupela Plening Minista

PRAIM Minista Sir Michael Somare long Tundé dispela wik i bin mekim sampela senis long Gavman bilong em taim em i makim olpela Deputi Praim Minista na bipo Minista bilong Agrikalsa Moses Maladina long kamap Minista bilong Nesanel Plening na Monitaring we pati memba bilong em long Nesanel Alaiens Sinai Brown i bin stap long en. Mista Maladina i bin kamap lida bilong Pipels Eksen Pati (PAP).



Moses Maladina.

Mista Brown nau i kamap nupela Minista bilong Pablik Sevis.

Long wankain taim tu Sir Michael i makim Francis Kunai- memba bilong Jimi ilektoret na James Togel- memba bilong Not Bogenvil long kamap nupela vais minista we ol i bin kisim luksave

long ekting Gavana Jenerol Jeffery Nape long Gavman Haus.

Ol arapela kabinet minista wantaim ol wok manmeri, ol sapota na ol niusman husat i bin stap long witesim.

Sir Michael i bin toktok wantaim ol niusman bihain we em i tok em bai i no inap long makim husat long

kamap Deputi Praim Minista inap olgeta rot long stretim ol politikal pati husat i stap long Gavman bilong em i kamap orait bikos nau yet i gat bruk i stap namel long sampela ol pati na dispela ol i mas stretim pastaim. Taim ol politikal grup husat i stap long gavman i stretim ol yet em bai mi sindaun wantaim ol na makim nupela Deputi Praim Minista bilong kantri.

Planti toktok i wok long sut i kam long gavman bilong mi tasol mi yet na pati bilong mi i sanap strong i stap wantaim sapot i kam long ol arapela politikal pati i stap wantaim mi long Gavman na mi bai no inap wari tumas long wanem kain toktok ol lain long oposisen i wok long mekim istap long kamapim dispela vot i nogat bilip long taim palamen i bung gen long Jun 29, Praim

Minista i tok. Nau yumi ken lukim na bilip long wok we dispela gavman i wok long mekim insait long kantri nau bihain long tupela yia long opis.

Long sapotim tok bilong Praim Minista, Minista bilong Fainens na Treseri Bart Philemon i tok planti hevi na toktok nau long palamen i wok long kamap long wanem mipela ol memba yet i nogat kain stretpela pasin na luksave long mekim wok we ol pipel i bin makim mipela long mekim na givim ol sevis i go long ol.

Planti wok projek long ol ilektoret bilong ol memba i no kamap long wanem ol i no save yusim mani gut long kamapim dispela ol projek we planti mani i save paul nabaut long arapela samting, Tresera Philemon i tok.

TRAIN FOR SUCCESS!

Gain professional skills and accredited qualifications with expert British Training, for a great career. Fees include all you need to succeed!

Your own CIC Diploma - your path to success!

Accredited British Training approved by the Papua New Guinea Ministry of Labour & Employment

Certificates & Diplomas (£130 or US\$260)

- * Accounts, Hotels, Tourism, Computers
* Administration, Office, Insurance, Marketing
* English, Secretarial, Purchasing, Stores
* Business, Management, Personnel, Trade

Advanced, Honours and MBA Diplomas

* Business, Finance, Marketing, Personnel

For a FREE Information Book contact:

CAMBRIDGE INTERNATIONAL

Box 53, Southampton, SO14 0JY, Britain

Email: info@cambridgegetraining.com

Web: www.cambridgecollege.co.uk

Fax: + 44 2380337200

Name: _____

Address: _____

Age: _____

Cambridge - your KEY to success!

Operesen opim lewa i kam bek gen

Joe Ivaharia i raitim

BIKPELA wok bilong katim lewa bai kam bek gen long dispela yia. Dispela wok bai i kamap namel long Ogas 5 na 13 we olgeta wok bilong katim lewa bai i stap long Pot Mosbi jenerel haus sik.

Moa long 30 voluntia dokta, nes na ol sapot wok manmeri bilong Australia bai kam long karimaut dispela operesen.

Dispela operesen bilong katim lewa bai namba 11 taim we ol dokta bilong Australia i kam long PNG long helpim ol lokol dokta na nes long mekim dispela wok.

Bod siaman bilong PMGH, Sir Brian Bell i tok em i amamas tru long ol sapot bilong komyuniti long dispela

wok bipo na i kam nau.

Em i tok tu olsem sampela mani mak olsem K156,943.00 i bin stap bek bihainim wankain operesen long las yia na ol i bin putim i go insait long Treseri Bils we bai ol i ken yusim long dispela yia.

Sir Brian i tok tu olsem ol i opim pinis wanpela spesol projek tras akaun long BSP benk long kisim ol donesen bilong mekim dispela wok bilong dispela yia.

Akaun namba bilong operesen opim lewa em (OOH - Spesol Tras Akaun No: 10000977652).

Bikipela singaut i go nau long ol bisnis haus na komyuniti long givim sapot bilong ol long dispela bikipela wok we planti pipel bilong yumi i save dai long sik bilong lewa.

Tsiamalili go long ranim Bogenvil

PRAIM Minista Sir Michael Somare long aste i toksave long gavman i makim Sief Seketeri Joshua Kalinoe husat bai i kamap ekting seketeri bilong dipatmen ov Pesenol Menesmen.

Mista Kalinoe bai mekim wok em bipo seketeri Peter Tsiamalili i bin mekim

na husat gavman i bin makim olsem edministreta bilong Bogenvil.

Mista Tsiamalili i bin lusim olpela posisen bilong em long wanpela opisel bung aste

na givim i go long han bilong Mista Kalinoe.

Sir Michael i tok Mista Tsiamalili i statim wok long pablik sevis taim krismas bilong em i 19 na i kam nau em i bin sevim kantri klostu long 33 yia olgeta.

"Gavman bilong mi i luksave long wok bilong Mista Tsiamalili i go long pablik sevis na mi ting long nupela wok bilong em long Bogenvil em bai givim gutpela sevis i go long ol," Praim Minista i tok.



Peter Wararu i winim Yangoru Saussia sit

NESENEL Alaiens pati i strongim namba bilong em taim kendidet bilong ol Peter Wararu i winim bai ileksen bilong Yangoru Saussia long preferensol vot sistem long Is Sepik long Tunde moning.

Wararu i kisim 7,073 vot we em i winim narapela strongpela kendidet Gabriel Dusa-va husat i kisim tasol 6683 vot.

Nesanel Alains i gat 22 memba tasol nau i gat 23 memba long Paliamen bihain long win bilong Wararu.

Long taim bilong givim luksave long ol nupela Minista long Gavman Haus long Tunde apinun Praim Minista Sir Michael Somare i

tok em i save olsem NA bai win.

"Long pinisim olgeta toktok mi laik toksave olsem Nesanel Alains i winim Yangoru-Saussia ilektoret," Praim Minista Sir Michael i tok.

Wararu i win namel long 18 kendidet lain we wanpela bilong dispela kendidet em meri, Monica Hasimani. Hasimani i bipo hai skul tisa.


Wararu i bilong Karapia ples we em i mekim skul bilong em long Yangoru Hai Skul long 1982 inap 1984 na go moa yet long mekim Gret 11 na 12 long Aiyura Nesanel Hai Skul. Bihain long dispela em i mekim Ats Digri long Yunivesiti ov Papua Niugini we em i greduet

wantaim digri bilong Politikol Saiens.

Bihain long dispela Air Niugini i kisim em na em i go long sinia menesmen trening program.

Em i wok wantaim ol i go inap long 1992 we em i risain na go sanap long jenerol ileksen. Ilekse bilong 1997 na 2002 i wankain tasol bihain long kot i painim aut olsem bipo memba Bernard Hagoria i mekim asua taim em i stap memba.

Kot i rausim em olsem memba bilong palamen na olsem dispela bai ileksen i kamap na lukim Mista Wararu i sanap gen na win long dispela taim.



TOK WIN

Tunde 8 Jun bai *Wantok Niuspepa* i opim nupela opis bilong em long Mosbi. Sapos yu no save yet, olpela opis bilong *Wantok* em paia i kukim na ol wokman i surik i go long nupela opis nau arere tasol long **BSP Benk long Waigani**. Bisop Dambui Cherubim bai opim dispela opis.

Ol niusman husat i bin go long wanpela kibung bilong ol save manmeri bilong solwara long Madang long wik i go pinis i bin kirap nogut tru long planti hevi i wok long kamap long solwara bilong yumi. Ol i luksave olsem pasin bilong yusim danamait bilong bomim ol pis i save kilim ol sel kambang we i stap planti tausenyia i go pinis. Ol dispela samting i no save groa hariap, na sapos yumi bagarapim olsem, em bai ol pikinini bilong mipela bai i no inap long luksave long en olsem mipela i gat tude.

Dispela kibung tu i bin opim ai bilong ol niusman long ol lo bilong lukautim envaromen i no strong tumas. Planti long ol dispela save manmeri bilong solwara i tok i mas i gat senis long ol dispela lo sapos mipela i laik lukautim gut ol samting aninit long solwara. Tasol i kamap klia tu olsem ol lain insait long bikpela Haus Tambaran i no save luksave long ol samting bilong lukautim mipela long taim bihain. Nogat. Mani em i bikpela samting. Ating i moabeta olsem ol dispela memba bilong palamen i mas go galas ol yet bai ol i lukim hevi bilong solwara. Husat bai namba wan memba long go mekim dispela? Mipela putim iau i

Papagraun laik rausim RD

no lukim wanpela ripot long wok painimaut bilong ol," Mista Gem i tok.

Augustine Lalo, narapela papagraun tu, i tok olsem solwara i bagarap, na tu, ol pipel i nogat graun nau long sindaun long en long painim kaikai.

Em i tok olsem ol i bin save wok bung wantaim RD bipo aninit long wanpela papagraun grup ol i kolim Seg Samalang Dun, tasol ol i lukim olsem ol man i go pas long dispela asosiesen i no tingting long sindaun bilong ol pipel.

"Mipela i bin stap wantaim RD bipo, tasol mipela i lukim olsem ol i no tingting long sindaun bilong mipela na ol pipel bilong mipela, olsem na mipela i lusim.

"Nau mipela i nogat moa graun bilong wanem provinsel gavman i salim long dispela tinpis kampani. Na bai mipela i go we nau? Mipela i nogat graun, na solwara tu i bagarap nau. Mipela i nogat hap moa long kisim kaikai."

Pete Celso, Menesing Dairekta bilong RD Tuna Cannery Ltd, i bin toktok long ol nius ripota tu long faktori bilong ol long Seg.

Em i tok olsem i gat planti tok kros i kamap long ol papagraun, tasol ol i wok long givim bikpela helpim long sait

bilong ol spin op bisnis.

"Mipela i givim moa samting i go long ol papagraun we i winim mak bilong ol samting ol arapela bikpela kampani i stap long Madang i save givim," Mista Celso i tok.

Em i tok tu, olsem pastaim long RD i bin kam stat wok, Papua Niugini i bin lusim bikpela hap mani long ol arapela pis kampani.

Long sait bilong kros long graun, em i tok olsem RD i bin baim dispela graun long Madang provinsel gavman long wanpela oksen. Em i tok olsem sapos ol papagraun i laikim bek graun bilong ol, ol i mas toktok wantaim Katolik Sios na provinsel gavman.

Bikpela hap kros tu i bin kamap long bagarap long solwara long Seg.

Mista Celso i tok olsem RD Tuna Limited i save karimaut bikpela wok tru long ol i mas wok bihainim rot bilong gutpela wok bisnis i bihainim lo bilong kantri.

"Bipo long mipela i kam, i gat samting olsem 205 pising laisens i go aut, tasol kantri i no save mekim mani long ol. Tasol inap long tude, mipela i givim bikpela hap mani i kam long PNG."

Ol papagraun i tokim *Wantok Niuspepa* olsem ol bai pait hat long painim helpim bai ol inap long kisim bek graun na solwara bilong ol.

Kaunim bilong Simbu Rijinel sia bai stat sampela taim tete

BAI-ilekesen bilong Simbu Rijinel sit i pinis na ol opisa i stat pinis kaunim ol ballot pepa.

Long taim *Wantok Nius* i ringim ilektoret opis long Kundiawa, ritening opisa i no kamap long tok klia sapos kaunim i stat aste o bai stat tude.

Tasol long ol nius i kamap poling i kamap gut na ol polis bilong narapela

hap bilong kantri husat i kamap long lukautim ples na taim bilong vot i kisim gutpela tok gutbai long ekting Gavana bilong Simbu Yaldrua Kelaga long gutpela wok ol mekim.

Em i tokim ol olsem tru ol i lusim Simbu tasol ol i larim bihain ol gutpela wok ol i kamapim na soim long taim bilong ileksen.

Roimb i go pas long Anglimp Saut Waghi ilektoret

YUNAITED Risoses Pati kendidet William Roimb i go pas long kaunim bilong Anglimp Saut Waghi ilektoret.

Long Tunde apinun Roimb i go pas wantaim 9,696 vot na bihain long em em bipo bos bilong Eda Ranu Jamie Maxtone Graham husat i ron wantaim 8,447 vot. Ron long namba tri ples em Pawa Wai. Pawa em i brata bilong bipo memba Paul Wai husat i dai na dispela bai ileksen i kamap.

Jimmy Tina i gat 7,071 vot, pastaim

memba William Ekip husat i gat 5,411 na Indipenden kendidet Jonathan Kumba husat i ron wantaim 5,119 vot.

Andrew Mangi i ron wantaim 4,734 vot na Yu Minimbi ron wantaim 4,407 vot.

Pipels Eksen Pati kendidet Tombe Mukap i ron wantaim 4,380 vot.

Kaunim bilong dispela ol vot i gat luksave olsem i bin stat long aste o bai stat tede we ol bai stat rausim nem bilong ol man husat i kisim liklik namba na i kam antap.



Lukim na lainim

• Ol niusman i lukim hap solwara long Seg long Madang we ol papagraun i tok rip i dai na namba bilong ol pis i go daun olgeta.

Foto: DOKTA PATTY DEBENHAM /SEAWEB

K110 milien long stretim Hailans Haiwe

GAVMAN bilong Australia bai givim K110 milien long Papua Niugini long narapela faipela yia long stretim Hailans Haiwe.

Dispela mani aninit long Australia PNG helpim program bai lukim 340 kilomita Hailans Haiwe rot bai kisim dispela mani stat long Morobe provins na go olgeta long Isten Hailans provins.

Het man bilong AusAID long kantri John Davidson i mekim dispela toktok i no long taim i go pinis taim em i tokaut long plen bilong stretim dispela haiwe. Davidson i tok dispela helpim i laik lukim olsem dispela rot i mas op long moa long 2 milien pipel bilong PNG.

"Hailans Haiwe i bikpela bris namel long hap bilong ol na kam long nambis we ol samting bilong sip i kam sua i ken go tasol long ol pipel bihainim dispela haiwe. Gutpela rot bai surukim yet gut-

pela sindaun na developmen long Hailans rijon na tu long Lae we em i bikpela getwei bilong Papua Niugini," Mista Davidson i tok.

"Australia i putim tingting long stretim ol rot we i ken bringim gutpela ikonmik developmen long Papua Niugini we ol pipel bai i isi long kisim ol bikpela sevis olsem marasin na skul na i ken salim samting bilong ol long maket," em i tok.

Em i dispela wok bung bilong PNG Gavman na Australia i lukim Australia i givim helpim long stretim moa long 2,600 kilomita rural rot long 14 provins.

"Dispela i olsem 25 pesen nesanel rot bilong PNG we planti bilong dispela ol wok kamap na stretim ol samting em ol kampani bilong Papua Niugini yet i kamapim.

Long bekim maus bilong em

Nesanel Woks Minista, Gabriel Kapis i tok dispela nupela plen bilong stretim Hailans Haiwe bai lukim ol manmeri i lukim tru ol wok kamap long bisnis na ol pipel.

"Dispela nupela mani long stretim Hailans Haiwe i bai givim bikpela sapot long rijon na i strongim ikonmik laip bilong ol pipel husat i save stap long strong bilong dispela rot long kisim ol sevis na salim samting bilong ol long maket," Mista Kapis i tok.

"Na dispela bai kamapim bikpela senis long laip bilong ol Papua Niugini na mi tenkim ol pipel na Gavman bilong Australia long dispela helpim.

Wantaim dispela PNG Ki Rot bilong Gro Prosek, Mista Davidson i tok AusAID i givim tu helpim

i go long stretim ol samting olsem:

• Graveling na siling bilong Nesanel Rot- K283m long 10-pela yia;

• Nesanel Rot na Bris Meintensens prosek- K120m long faipela yia we mak mani bilong nau i surik i moa long narapela tupela yia, em long 2006 we bai kisim narapela K114m;

• Gazelle Rot Rikonstraksen Prosek- K22m long wanpela yia;

• Rot Meintensens na Riabilitesen- i go antap long K15m na

• Bougainville Kos Trank Rot Meintensens Rot Prosek- K52m long tripela yia.

Mista Davidson i tok dispela program namel long Australia na PNG i lukim Australia i givim moa long K700m long helpim na stretim ol rot na bris.

Dispela wok bai helpim ol pipel gut tru.

Hap Hap Nius

Takubar skul kisim dabel klasrum

TAKUBAR top ap skul long Kokopo, Is Nu Briten i kisim helpim wantaim nupela dabel stori klasrum bilong ol Gret 8 sumatin.

Dispela skul i save pas pas bikos em i gat planti sumatin tumas na i nogat inap klasrum. Dispela i bihainim bagarap bilong maunten paia long 1994 we i bin bagarapim ol skul long Rabaul taun na nau, ol skul insait long Kokopo i pulap stret.

Em bin kostim K60,000 long bildim dispela nupela dabel stori klasrum we bai kisim samting olsem 370 sumatin. Foren Afeas Minista na memba bilong Kokopo Sir Rabbie Namaliu i bin prisenim dabel klasrum i go long Takubar Praimeri skul insait long wanpela seremoni las Sarere.

Lait insait long solwara kamapim pret long Bogenvil

SINGAUT i go long ol gavman atoriti long Bogenvil bilong mekim wok painimaut long wanpela strongpela lair ol i lukim i lair i kam aninit long solwara long Teop Ailan long Not Bogenvil. Ol bin lukim dispela lair long Sande Me 9 long i kos bilong Teop Ailan long Tinputz.

Australia bai kisim las Manus refuji

LASPELA na wanpela refuji bilong Midel Is i bin stap long Manus refuji senta bihain long klostu 300 wanlain bilong em i bin lusim Manus refuji kem i kisim tok orait long stap long Australia.

Aladdin Sisalem husat i gat 26 krismas i bilong Palestain long Midel Is. Taim hevi long Afghanistan na Midel Is i bin go nogut, planti pipel i bin ronawe lusim ples bilong ol. Ol bin kisim sip na ol liklik bot na ol i bihainim solwara long Krismas Ailan i kam olsem long Indonesia long go sua long Australia.

Tasol ol nevi sip bilong Australia i bin stopim ol na bihainim ol toktok namel long gavman bilong Australia na sampela Pasifik Ailan kantri olsem Nauru na PNG, ol bin sindaunim ol refuji long Lorengau insait long Manus provins na long Nauru. Taim ol arapela manmeri na pikinini i bin go long ol kantri we ol bin tok orait long kisim ol refuji olsem Nu Silan na Australia bihain long ol i glasim ol gut tru, ol bin lusim Mista Sisalem na nau em i kisim nius olsem Australia i tok orait long kisim em.

Gavana Ling-Stuckey redi long wokim bel isi wantaim Byron Chan

GAVANA bilong Nu Ailan lan Ling-Stuckey i sambai tasol long wokim bel isi na sekan wantaim Namatanai memba long Palamen Byron Chan

Sir Peter laikim tupela i mas stretim hevi long sait bilong politiks we tupela i gat namel long ol bihainim 2000 nesanel ileksen

na wok wantaim long kamapim devel-opmen na sevis long provins.

Em i tok em i laikim bai tupela i stretim hevi long sait bilong politiks we tupela i gat namel long ol bihainim 2000 nesanel ileksen.

Inta gavman Minista Sir Peter Barter i bin givim tingting long tupela i mas wanbel na sekan taim em i

raitim pas long tupela na tok em bai amamas long sapotim ol long dispela samting.

Sir Peter i bin autim dispela tingting bihain long em i bin go long provins long stap insait long taim bilong planim leit Mista Tohian long tupela wik i go pinis.

Long pas, Sir Peter i bin tok em i toktok pinis wantaim Mista Chan husat i laikim wankain wok long sevim ol pipel insait long ilektoret bilong em na em i pilim olsem em i taim nau long tupela i mas sekan na kamapim bel isi namel long ol.

Sir Peter i bin tok ol pipel bilong Nu Ailan bai amamas tru long bel isi na sekan pasin i kamap namel long tupela bikman na em bin autim laik bilong sapotim tupela bikman ya long kampim gutpela bel.

Em i tok em i laikim bai tupela bikman i wok bung wantaim na bringim sevis i go long ol pipel bilong ol.

Sirambat bai givim gutpela sevis long ol pipel

NU AILAN Provins i gat nupela Provinsel Edministreta. Em long Robinson Sirambat husat i bin holim wok olsem Ekting Edministreta stat yet long Desemba 2003.

Bihain long ol i rausim pastaim edministreta Moses Makis long sas bilong paulim publik mani.

Nesanel Eksekutyutiv Kaunsil (NEC) i bin givim tok orait long makim Mista Sirambat husat i wanpela sinia publik sevan long dispela bikpela wok long provins.

Gavana lan Ling - Stuckey taim em i

autim tok amamas bilong em i bin tok.

Makim bilong Mista Sirambat long wok edministreta i bin kamap long taim stret, bihain long em (Mista Sirambat) i bin ekting long dispela wok long tupela yia.

Mista Ling-Stuckey i tok Mista Sirambat em wanpela ekspiriens publik sevan na em bai givim gutpela stia long bosim gut ol publik sevan long provins.

Em i tok em (Mista Sirambat) bai skruim wok long helpim provin-sel gavman i givim gutpela sevis i go long ol pipel bilong Nu Ailan.



Mobail telipon wina! Anthony Nangore (raithan) i kisim prais long han bilong Patrick Likei bilong Lae Bisket kampani. Em i bin winim wanpela mobail telipon. Mista Nangore em namba tu wina bilong dispela promosen we Lae Bisket i kamapim long kantri. Bikos mobail telipon sevis i no go yet long Bogenvil, Mista Likei i tok em bai holim ol prais bilong ol i stap inap long sevis i kam long provins. Mista Nangore husat i wok wantaim Buka Haus sik i tok em bai yusim mobail telipon bilong em taim em i kam long Mosbi. Foto: ALOYSIUS LAUKAI.

Tsiamalili i kamap nupela edministreta bilong Bogenvil

Aloysius Laukai na Veronica Hatutasi i raitim

BOGENVIL bai i gat nupela edministreta.

Em long Peter Tsiamalili husat nau i holim wok olsem sekeri bilong Dipatrim bilong Pesenel Menesmen long Waigani, Pot Mosbi.

Mista Tsiamalili i no nupela man long dispela wok bikos bipo long Bogenvil hevi, em bin holim wok olsem Edministretiv Seketeri wantaim Bogenvil Provinsel Gavman.

Posisen bilong Provinsel Edministreta long Bogenvil Gavman i stap nating bihain long man i holim dispela posisen em Simon Pentanu i bin risain long mun Epril long dispela yia.

Ol bin edvataisim posisen na ol man i bin resis long em. Sampela long ol biknem husat i bin resis wantaim Mista Tsiamalili em long foma Bogenvil Edministreta George Lessi, John

Sania husat i bin wok wantaim Bogenvil Pis na Restoresen opis long Mosbi na Simon Sipiaw husat i bin wok wantaim Dipatmen bilong Fainens na Plening long Waigani.

Presiden bilong Publik Employis Asosiesen (PEA) long Buka em Joseph Noro i bin tok amamas long Mista Tsiamalili i kamap olsem nupela Provinsel Seketeri bilong Bogenvil. Tasol Mista Noro i tok PEA long Buka i laikim bai gutpela wok i kamap wantaim stia bilong nupela bos bilong ol Bogenvil publik sevan.

Em i tok dispela em bikos ol publik sevan long Bogenvil i bungim ol kain hevi na ol atoriti long nesanel na provin-sel gavman i no stretim yet sampela long ol. Na ol i laikim bai nupela edministreta i lukluk long en na stretim. Na em bai raus na ol i ken go het na karimaut ol narapela wok insait long nupela Bogenvil gavman.

"Mipela i laikim bai nupela edministreta i etresim ol wari bilong mipela bilong pastaim na bilong nau. Tupela bikpela wari we ol bikman i no stretim insait long las 10-pela yia em long senis insait long publik sevis long provins na tu, hatsip na hai risk alauwens," Mista Noro i tok.

Hai risk alauwens em Gavman i bin tok long peim i go long ol publik seven i bin skruim wok long ailan long taim bikpela hevi i bin stap. Na ol i givim laip bilong ol long sevim ol pipel long taim bilong pait na tu, long taim sevis i kam bek na stap long ailan i no gutpela yet. Mak long dispela risk alauwens i bin abrusim K10 milien na tru, gavman i bin tok bai em i peim aut dispela mani, em i no wokim yet bikos long mani i sot hevi kantri i gat long en.

"Mipela i laikim bai ol dispela samting i stret pastaim bipo nupela Bogenvil otonomi gavman i kirap.

Sirambat i no wanbel

EDMINISTRETA bilong Nu Ailan provins, Robinson Sirambat, i no wanbel long ol toktok olsem edministresen bilong em i no bin givim gutpela luksave long leit lida na gavana Paul Tohian bihainim long dai bilong em wanpela wik i go pinis.

Mista Sirambat i tok em i kirap nogut long ol tok sut sampela bikman bilong Nu Ailan i stap long Mosbi i wokim olsem edministresen i no bin stap long ol wok bilong redim funere bilong leit Mista Tohian.

Foma PNG Difens Fos Komanda Rochus Lokinap na foma dipatmen sekeri Stephen Mokis i bin wokim dispela tok, Mista Sirambat i tok.

Tasol Mista Sirambat i tok dispela em i no trupela toktok bikos ol publik

sevan i bin bungim kesmani inap long K800 na tu baim wanpela pik na givim i go long famili bilong leit Mista Tohian. Antap long em tu, ol bin baim ol stoa kaikai wantaim mani inap long K2,000 na givim long famili bipo long ol i planim bikman ya.

Em i tok tu olsem Deputi Gavana Gerson Rabana na ol arapela memba bilong Provinsel Eksekutyutiv Kaunsil i bin makim Nu Ailan gavman long taim bilong funere lotu na planim bikman ya. Moa yet, em i tok, long givim luksave long dai bilong bikman, ol skul na publik sevan i pinis skul na wok long wanbela.

Olsem na em i no wanbel long ol dispela toktok we i daunim gavman na ol woklain bilong em.

BIABIA SANAP LONG OPOSIEN LONG WINIM VOT OF NO KONFIDENS NA BAI EM I GAT SANS LONG KISIM WANPELA POSISEN LONG GAVMAN...



TASOL EM SINGAUTIM NEM BILONG BIABIA KRANGI... BIABIA SANAP NA WET LONG KLAK I SINGAUTIM NEM TASOL NOGAT, EM STAT LONG KOMPLEN NAU...



NAU KLAK I SINGAUTIM OL NEM BILONG OL MEMBAS HUSAT I SANAP LONG OPOSIEN SAIT...



BIABIA I GO SEKIM NEM NA LUKIM OLSEM OL RAITIM KRANGI NA EM I BELHAT NOGUT TRU...



Hap Hap Nius

Wewak polis rausim turis long strongpela drak

POLIS long Wewak i bin holim pasim wanpela man Filipino na wanpela man Australia na salim ol i go bek long kantri bilong ol bihain long ol i yusim ol strongpela drak.

Wantok Niuspepa i bin stap long Jackson ples balus long aste moning taim ol polis man bilong Pot Mosbi i bin wetim balus i stap long kisim dispela tupela man na salim ol i go bek long ples bilong ol.

Wantok Niuspepa i kisim toktok long ol imigresen na polis opisa olsem dispela tupela man i bin yusim ol strongpela drak taim polis i kisim ripot na holim ol.

Man Australia i tokaut olsem em i bin raun wantaim poromeri bilong em taim ol i bungim dispela man Filipino wantaim meri bilong em.

Ol i bin kamap poroman bihain ol i bin yusim dispela strongpela drak na polis i holim ol.

Ol soldia long Igam stretim rot

OL SOLDIA bilong Igam Bareks long Lae i mekim wok long stretim rot i go insait long bareks bilong ol.

Longpela bilong dispela rot em 2 kilomita na nau ol i wok long silim namba tu hap bilong rot.

Dispela wok em i kamap bihain long Australia gavman i givim sampela helpim mani long PNG Difens Fos aninit long Difens Koporesen Progrem long helpim ol soldia long kisim skul long mekim na silim ol rot.

Wok i bin stat long namba 10 de bilong mun Mei na pinis long las wik Fraide. Tasol bikpela ren i pundaun na nau ol bai pinisim dispela wok long Fraide long dispela wik.

Ol soldia bilong Igam i bin go pastaim long wanpela kos na bihain ol i go aut long mekim wok long stretim rot bilong ol.

Nawae Konstraksen bai stretim Markham Bris

NAWAE Konstraksen, wanpela bisnis insait long Milen Be provins bai go het long stretim Markham Bris.

Em bai go het long karimaut dispela wok sapos Fainens Dipatmen i givim K2.5 milien long go long dispela wok.

Sampela wik i go pinis, Nesenel Eksekyutiv Kaunsol i bin givim tok orait long dispela hap mani long go long dispela wok.

Kampani nau i wet tasol long statim wok.

Woks Menesa bilong Madang, John Wakma i tokaut pinis olsem Sentrel Saplai na Tendas Bod bai givim dispela kontrak i go long dispela bisnis.

Narapela bikpela bris kampani bilong Ingran, Mabey na Johnson i rausim bek toktok em i bin tok long sanapim wanpela Bailey Bris long hap.

Bihain long Nawae Konstraksen i stretim Markham Bris, bai ol i mas skelim gut hevi bilong ol kar bai i ron antap long bris.

Neville Choi i raitim

WANPELA ten foa saveman na meri bilong ol non gavman ogenaisesen husat i save lukautim na wok long solwara i bin kisim skul long wok midia long wanpela kibung long Madang we i bin pinis long dispela wik.

Ol dispela save manmeri bilong wok solwara i bin kisim tok stia i kam long ol biknem niusman bilong Papua Niugini, Fiji na wanpela bilong Amerika.

Biknem redio niusman bilong PNGFM na siaman bilong trening komiti bilong Papua Niugini Midia Kaunsol, Justin Kili i bin wok bung wantaim biknem redio na TV niusman bilong Fiji, Yaminiasi Gaunavou na George Lewinski, wanpela arapela redio niusman bilong Amerika.

Dispela kibung em wanpela bikpela non gavman ogenaisesen we i save wok long lukautim solwara ol i kolim SeaWeb i go pas long en.

Ol lain save manmeri i kisim skul long dispela kibung em ol NGO husat i save wok aninit long PNG Marin Konsavesen Netwok, wanpela grup we i save bungim save long lukautim solwara bilong PNG.

Bikmeri husat i go pas long dispela woksop, Dokta Patty



• Ol save manmeri bilong solwara i sanap wantaim ol lain bilong SeaWeb. Ol foto: JESSICA BROWN/SEAWEB

Debenham bilong SeaWeb em wanpela marin baiologis o savemeri bilong glasim ol animol insait long solwara, i tok olsem ol dispela save manmeri i kam long kisim skul em ol lain i gat bikpela save long solwara.

"Olgeta de, ol i save lukim bikpela wok bilong solwara long laip bilong planti manmeri insait long PNG. Treening ol i kisim long hia bai helpim ol long givim dispela save i go long ol pipel bilong PNG," em i tok.

ol pis bilong rip, ol Lokol Menesmen Marin Erias o ples tambu bilong lukautim solwara, ol ples we i gat tambu long en na bikpela as tingting long lukautim ol animol long solwara olsem ol trausel.

Ol i bin lukluk tu long ol loa i stap long lukautim envaromen o long lukautim solwara.

Bihain, ol i kisim skul long wok redio.

Mista Kili, husat i makim Midia Kaunsol bilong PNG, i tok olsem em i amamas long wok bung wantaim SeaWeb.

"Dispela em i namba wan taim Midia Kaunsol bilong PNG i wok bung wantaim long givim trening long ol nius manmeri bai ol i ken klia long bikpela wok bilong lukautim envaromen o ol samting bilong graun, bus na solwara. Mipela i laikim bai i mas go bikpela moa yet, na mipela i luksave long bikpela helpim bilong SeaWeb long givim mani bilong dispela kibung," Mista Kili i tok.

Ol dispela kain kibung i bin kamap pinis long Fiji, Samoa, Bali na Cook Ailans.



John Aini (raithan), wanpela saveman bilong solwara i soim skul ol i kisim long wok redio taim em i tromoi ol askim i go long Ruby Yamuna bilong World Wide Fund for Nature na Damien Ase bilong CELCOR.



Cat® 428D Backhoe Loader

Raising the standards for performance, versatility operator comfort.

More than a machine. A Partner.
The 428D benefits from increased hydraulic performance and operator comfort, whilst maintaining the high levels of visibility, durability and reliability that Caterpillar® Backhoe Loaders have long established in the industry.

- Engine and Hydraulics - The Caterpillar® 3054 turbocharged engine is designed for strength, performance and versatility. The load sensing, closed centre hydraulics system provides power where you need it, when you need it.
- Operator Station - Style, comfort, superb visibility and ease of operation maximise operator comfort and productivity.
- Serviceability - Excellent access and fewer maintenance requirements add up to unparalleled ease of service.

Hastings Deering  

PORT MORESBY Phone: 300 8300 Fax: 325 0141	LAE Phone: 472 2355 Fax: 472 1477	TABUBIL Phone: 548 9045 Fax: 548 9155	RABAU Phone: 932 1244 Fax: 932 1129
---	--	--	--

Hap Hap Nius

Hevi long Hailans Haiwe stap yet

HEVI long ol rot i bagarap long Hailans Haiwe i stap yet. Planti toktok i kamap pinis long stretim dispela haiwe tasol liklik wok stret i wok long kamap long strongim ol dispela toktok.

Ol pipel husat i save yusim dispela rot long i go kam na ol bisnis i wok long painim laip i hat tru long dispela taim bikos long dispela hevi.

Sumatin tok AusAID pasim maus bilong PNG

Wanpela sumatin husat i no laik long putim nem bilong em long niuspepa i tok, "AusAID program em i no namba wan tingting bilong Australia gavaman long helpim PNG long mekim wok developmen. Em pasin bilong pasim maus bilong pipel bilong Papua Niugini.

Sumatin ya i tok tu olsem ol pipel bilong Papua Niugini i noken sindaun na amamas long Australia long dispela AID program bilong ol na tok 'saplai bilong Australia ya em sans ya'. Ol i mas askim olsem: Sapos olgeta gol, ges, kopa na oil bilong PNG i pinis orait Australia bai i helpim PNG yet o nogat?

Sapos Australia i givim K21 milien long wanwan yia long PNG na i tok olsem dispela mani i kam long hatwok bilong ol pipel bilong Australia long takis mani bilong ol. Orait hamas mani Australia i save wokim long ges na oil bilong PNG em i kam long Sauten Hailans provins we i nogat developmen i kamap na hap we lo na oda i no i stap gut? Dispela em i gutpela pasin Australia i wokim long PNG. Em pasin bilong wokim pren wantaim Papua Niugini ol lain bilong givim bel na tok 'yes masta yu tok tru na yu wokim samting em i rait.

Viles kot long Ambullua i ron gut tru

Aaron Gunbi i raitim

VILES kot sistem i ron gut long ples Ambullua long Apa Jimi em i stap long not is bilong Jimi long Westen Hailans. Ambullua em i stap aninit long Maunten. Wilhelm na i gat namba olsem 4500 pipel i stap. Olsem 200 bilong ol dispela lain manmeri i pinisim skul olsem gret 10.

Rot bilong kar i stap long Kol em 45km longwe long Ambullua. Sampela bilong ol pipel i go long Waghi veli na kisim blok. Long ol lain i stap long ples, em ol i stap long

wok gaden, kaikai long gaden na kisim ol abus long bus nambaut.

Wanpela bikpela samting long ol em ol i save gut tru long wanwan bilong ol yet. Olsem na taim ol hevi i kamap namel long ol yet, ol i save daunim na pinisim hariap.

Viles kot em bikpela samting ol i save yusim long pinisim na daunim ol hevi bilong ol i kamap long ples.

Ol kot opisa bilong Ambullua i save bringim sampela pasin tumbuna i kam insait long sistem bilong viles kot long dau-

nim hevi. Bikpela tingting na driman bilong ol lida manmeri long Ambullua em long larim bel isi na gutpela sindaun i stap oltaim long ples.

Olsem na kopensesin em i bikpela samting ol i save yusim long daunim ol hevi bilong ol.

"Sios i tok nogat long kisim pe long ol i bagarapim yu. Yu mas marimari long husait i bagarapim yu. Tasol nogat polis manmeri long Jimi na tu planti gan i wok long kam insait long hap orait yumi mas sakim tok bilong lotu liklik.

Mipela i laikim gutpela sindaun. Ol lain pipel hia i save harim gut tok. Ol i save rispektim ol disisen mipela i save mekim long kot.

"Ol i save olsem nogat ol bikpela kot i stap long Jimi nau long wanem olgeta lain long distrik i no moa i stap long wok," Simbil Tobias em wapela opisa bilong Ambullua viles kot i tok.

Mista Tobias i tok olsem taim ol i rispektim disisen bilong ol kot opisa, ol i rispektim ol lain bilong ol yet olsem meri, pikinini na ol lapun.

Fri edukesen mani i no go long ol skul yet

Yakam Kelo i raitim

FRI Edukesen mani we gavana bilong Sauten Hailans provins Hami Yawari i bin promisim ol pipel bilong provins i mas go hariap nau bikos ol skul i wok long sot long mani na pasim skul nau. Minista bilong Inta Gavman Rilesens Sir Peter Peter na Minista bilong Edukesen Michael Laimo i mekim dispela singaut i go long gavana Yawari.

Long dispela wik Sir Peter i salim pas i go long gavana Yawari olsem em i mas hariap givim dispela mani em i promisim bilong fri edukesen subsidi. Sapos nogat

orait em i mas hariap tokim ol papamama long peim skul fi bilong ol pikinini bilong ol.

Ol papamama i bin kisim toksave i kam long edministresen long noken peim skul fi bikos gavman bilong Hami Yawari bai peim ol skul fi bilong ol pikinini aninit long Fri Edukesen Polisi.

Sir Peter i tok em i prèt bai ol skul pikinini i bungim hevi long skul bilong ol bikos planti skul nau i sot long mani bilong lukautim na ranim skul bikos ol i wetim yet dispela promis mani bai i kam long gavman bilong Sauten Hailans provins.

Minista i singautim seketeri bilong em

Gei Ilagi long hariap kolim wanpela miting wantaim gavana Yawari na Edukesen Minista long ol i mas sindaun na hariap toktok na stretim dispela hevi bai ol skul i noken pasim dua.

Sir Peter i mekim dispela toktok bihain long Katolik Bisop long Mendi Bisop Reichert i salim pas na toksave olsem ol skul i bungim hevi long ranim skul nau na ol bodong skul i sot long kaikai nau.

Bisop Reichert i tok long tupela wik samting bai Sen Joseph Tari Hai Skul bai pasim skul long dispela hevi bikos mani bilong ranim skul i no kam yet.



Intellectual Property Office of Papua New Guinea

Copyright and Neighboring Rights Act 2000 and Patents and Industrial Designs Act 2000

Intellectual Property Office of PNG (IPOPNG), Investment Promotion Authority, i laik toksave long pablik olsem ol taitel na wok long sait bilong Patents and Industrial Designs Act 2000 and the Copyright and Neighboring Rights 2000 i bin senis long Jastis Ministri i go long Ministri bilong Treid na Industri long Novemba 12, 2003. Dispela disisen i strongim gen wanpela bipo NEC disisen long 1999 we i bin tok orait olsem Investment Promotion Authority, long Intellectual Property Office bilong en, i opis we bai lukautim na mekim wok bilong olgeta intellectual property lo. Dispela senis bilong ol taitel na wok i bin gazetted long National Gazette No. 148 of Novemba 17, 2003.

Dispela ol senis i nau min olsem Intellectual Property Office i bai mekim olgeta wok bilong edministresen bilong ol intellectual property lo long sait bilong patents (protection of inventions), industrial designs, trade marks and copyrights.

I luk olsem pablik i paul liklik long wanem opis i bosim wok bilong ol intellectual property lo. Moa yet ol researcher/inventors na copyright owners ating i paul long painim helpim long lukautim ol wok bilong ol. IPA, long Intellectual Property Office nau i bosim olgeta dispela wok na i tok strong long pablik long kisim helpim long IPOPNG long lukautim ol intellectual property rights.

Moa yet, pablik i mas save olsem National Cultural Commission (NCC) i no bosim wok bilong edministresen bilong Copyright lo. Ol han aninit long Part V bilong Copyright Act tasol, (long sait bilong Protection of Traditional Knowledge and Expressions of Folklore) bai senis i go na kamap hap bilong wanpela legislesen we i gat tingting long kamapim long Protection of Traditional Knowledge and Expressions of Culture long NCC long lukautim.

IPOPNG bai kamapim wanpela aweanes program long ol intellectual property lo long ol bikpela senta long kantri stat long namel bilong yia.

Long moa toksave, rait i kam long:

The Registrar
Intellectual Property Office of PNG
Investment Promotion Authority
P.O.Box 1281
Port Moresby, NCD
Phone: 321 3900
Fax: 321 5155
Email: ipo@ipa.gov.pg

Hap Hap Nius

Balimo amamasim kalsarel so

OL SUMATIN long Gogodala hap long Midel Fly long Westen provins i mas lainim kalsa bilong ol taim ol i stap yet long skul.

Gavana bilong Westen provins, Dokta Bob Danaya, i bin mekim dispela toktok long ol pipel husat i bin bung long Balimo Kalsarel So we i bin ron long tupela de las Sarere.

Ol Gogodala i gat biknem long Papua Niugini na ovasis long ol longpela kanu ol i save mekim na go kam long en na stail bilas ol i save putim.

Lokel minista bilong palamen (MP) na Minista bilong Leba na Industri Rilesens, Roy Biyama, i tok strong long ol Nomad na Bamu pipel long kam na helpim na soim stail bilong ol tu long ol so we bai kamap long bihain taim.

Em i tok tenk yu long Dokta Danaya na provin-sel gavman long sapot ol i givim long so.

Moa long 25 grup bilong Gogodala hap, ol narapela bilong Saut Fly hap na wanpela liklik grup bilong Sauten Hailans provins i bin samsam long dispela bung.

Ol dispela kain so i gutpela long wanem ol i save helpim long strongim kalsa bilong ol pipel, lainim ol yangpela long ol dispela pasin bilong ol tumbuna na tu givim sans long ol manmeri bilong ovasis na bilong ol narapela hap long PNG long lukim sampela ol stail bilas na danis bilong ol narapela ples.

Misima Mains i pas

MAINING Minista, Sam Akoitai, i pasim ol bikpela masin long Misima Mains las Fonde long stopim wok bilong rausim gol long Misima Ailan long Milen Be provins bihain long 15 ya.

Long 1989 i kam inap las Fonde, Misima Mains i wok long rausim gol, nogat stop bilong en, long graun.

"Mi kisim maus bilong gavman na ol pipel bilong Papua Niugini long tok tenk yu long ol pipel bilong Misima long larim developmen bilong dispela nesanel projek long kamap long graun bilong ol.

"Mi laik tok tenk yu tu long developa, Placer Dome PNG, long kamapim wanpela gutpela projek we i givim bikpela helpim long developmen bilong kantri," Mista Akoitai i tok.

Misima Mains i bin stat wok long wankain ya we wok long ol main long Bogenville i bin stop.

Liklik taim bihain long dispela Placer Dome i bin opim tu Porgera main.

"Long taim Misima Mains i bin stat wok i kam inap nau, ol papagraun na ol pipel bilong Papua Niugini i kisim bikpela helpim long sait bilong mani we i kam insait long nesanel na lokel sait, sans long wok bilong ol man na meri, ol narapela bisnis we i kirap bikos long dispela main, infra-straakta developmen na ol sosel sevises.

"Mi save olsem ol pipel i gat ol gutpela rot, bris, wof, nupela hai skul, haus sik, helt na arapela sosel sevis na gutpela rot long toktok i go kam nau," Mista Akoitai i tok.

Tromoi pipia nabaut, spetim buai, baim K50

TAIM Nesanel Kapitel Distrik (NCD) i wok long traim yet long stopim hevi bilong tromoi pipia, Alotau Eben Lokel Level Gavman (ULLG) i redi long kamapim ol spot fain o fi ol pipel i mas baim sapos ol i tromoi pipia long Alotau, kapitel bilong Milen Be provins.

Alotau ULLG i kamap namba wan eben atoriti long kantri long kamapim ol spot

fain long stopim hevi bilong tromoi pipi aninit long Ogenik Lo bilong ol Provinsel na Lokel Level Gavman.

Ol spot fain long Alotau i sut long ol pipel husat i no save putim rabis gut long rabis dram na i save tromoi nating nabaut.

Ol fain em olsem, K20 i go long K50 long tromoi pipia, salim ol guds long pab-

lik wantaim nogat laisens, na spetim buai nabaut.

Ol pipel husat i save kaikai buai bai i mas baim K50 sapos ol i spet i go insait long ol pablik rabis bin, rot o ol narapela pablik hap.

Alotau ULLG menesa, Sanori Elliot i tok ol pipel husat i save kaikai buai i mas daunim o haitim na bihain tromoi gut.

Stail na pen bilong Kokoda



• Sampela turis i wokabaut long wanpela diwai bris long kalapim wara na i go long hapsait graun long Kokoda Trek long Oro provins. Planti ol turis nau i wok long kam long Papua Niugini long wokabaut long dispela trek o rot we ol soldia bilong Japan, Australia na Nu Silan i bin pait namel long en long taim bilong-bikpela pait ol i kolim Wol Woa II. Sampela turis husat i save wokabaut long dispela rot i save laik pilim wanem ol soldia i bin pilim.

Polis bai sut long kilim

Yu tingting tasol long brukim lo, em yu dai man pinis - Komanda Wagambie

POLIS i tok ol bai sutim na kilim husat ol i painim i wok long brukim lo long Pot Mosbi.

Nesanel Kapitel Distrik (NCD)/Sentrel Polis Komanda, Tony Wagambie, i mekim dispela strongpela toktok bihain long polis i kilim 3-pela raskol taim ol i bin pait wantaim gan las Fraide long tupela wanwan hevi we i bin kamap long Bautama. Ol ripot i tok 6-pela arapela raskol i kisim bikpela bagarap.

Komanda Wagambie i tok ol raskol em ol dai man pinis.

"Yu raskol, na yu laik traim brukim lo, yu no mekim yet, tasol yu wok long tingting long en stap, em yu dai man pinis.

"Polis bai pinisim tasol dai

bilong yu taim ol i holim pasim yu," em i tok.

Komanda Wagambie i tok polis i bin pait wantaim gan wantaim ol raskol husat i bin gat gan tu na husat, polis i bilip, i bin ron long tupela kar ol i bin stilim, long tupela wanwan hevi long Bautama, 15 kilomita ausait long Pot Mosbi, long 1 kilok long apinun las Fraide.

"Long hevi we i bin kamap pas, ol polis i bin lukim 6-pela raskol long wanpela kar, mipela i bilip ol i bin stilim, long 6 Mail hap.

"Tasol polis i bin putim wanpela rotblok pinis long Bautama.

"Mipela toksave long ol man

bilong mipela long rot blok was long dispela kar long wanem nogut ol i traim long lusim siti na go long ol ples long Sentrel provins.

"I no longtaim, ol polisman i lukim dispela kar i wok long ron i go long rot blok bilong ol.

"Ol raskol i kam klostu long rot blok na stat long sut long gan long ol polis.

"Ol polis i sut go bek long ol na kilim 2-pela bilong ol na bagarapim ol narapela," Komanda Wagambie i tok.

Wanpela aua bihain, 3-pela raskol long narapela kar ol polis i bilip ol i bin stilim, i ron i go long dispela rotblok, em i tok.

"Ol raskol i sut long polis

long ronawe, tasol polis i sut i go bek.

"Draiva i paul, i no draiv gut na bamim kar long sampela ol diwai.

"Taim dispela birua i bin kamap draiva i bin dai stret na ol narapela i bin kisim bikpela bagarap na nau i stap long haus sik," em i tok.

Long narapela birua las Fraide apinun, 6-pela raskol long wanpela kar ol i bin stilim i holdap long ol wok manmeri bilong Brian Bell stua long Godens na ronawe wantaim bikpela mani.

Dispela ol raskol em i no ol dispela husat i bin pait wantaim ol polis long gan long dispela Bautama rotblok.

DAIHATSU

DELTA TRUCKS

Powerful, Rugged and Ready for Business

Built Tough... Powered by Toyota Diesel Engine

FROM

K74,659

Drive Away!

HURRY WHILE STOCKS LAST

Offer Expires: 30/06/2004.



Available for immediate delivery

Ela Motors TRUCKS

TOYOTA TSUSHO (PNG) LTD. www.elamotors.com.pg



McKinnon salensim ol Bogenvil long strongim wok mani

**Aloysius Laukai na
Veronica Hatutasi i raitim**

KOMONWEL Jenerel Seketeri Don McKinnon i salensim ol Bogenvil pipel long kirapim strong ol wok bilong pulim mani long en na apim ikonomi bilong provins.

Mista McKinnon i bin wokim dispela salens long Buka las Fonde taim em bin go wokim wanpela de lukluk raun bilong em long Bogenvil.

Long wok bilong em nau olsem Jenerel Seketeri, em i bosim 53 Komonwel memba kantri.

Mista McKinnon em i no wan-

pela nupela man long Bogenvil, nogat. Em i wanpela olupela poroman bilong ol pipel na lida long Bogenvil bikos em bin wokim plan-ti kontribusen long wok bilong kamapim

Gutpela sindaun long ailan taim em bin stap olsem Foren Afeas na Tred Minista bilong Nu Silan long ol yia long 1990's.

Na raun bilong em las wik em long bungim gen ol olupela poroman na lukim long ai bilong em yet ol wok long stretim Bogenvil i go olsem wanem.

Inta gavman Riiesens na Bogenvil Afeas Minista Sir Peter

Barter tasim em i tok amamas long bikman ya i go lukluk raun gen long Bogenvil i tok "tru Mista McKinnon em i holim bikpela wok long Komonwel na em i beis long London, em i gat bikpela laik yet long Bogenvil na PNG na wanem helpim em i ken givim, em i wokim.

Na long makim PNG gavman na olgeta grup i stap insait long wok bilong stretim Bogenvil, mi welkamim Mista McKinnon husat i gutpela pren-bilong Bogenvil, PNG na pis, Sir Peter i tok.

Long toktok bilong em long Buka, Mista McKinnon i bin sapotim toktok bilong Theresa Jaintong

em wanpela meri lida long ailan husat i bin singaut long ol save-man long givim teknikel etvais na

Wok bilong painim gutpela sindaun em ol pipel yet papa long en.

helpim long developim ol agrikalsa projek na ol arapela naturel risos na maski long askim long mani olgeta taim.

Em i bin tok Komonwel Seketeriet i wok long lukluk long ol rot bilong helpim salim ol saveman

long sait bilong Agrikalsa tasol ol pipel yet i mas kisim save na mekim samting i wok.

Long wankain taim tu, Mista McKinnon i bin tok wok bilong painim gutpela sindaun em ol pipel yet i papa long en na em i stap long han bilong ol long mekim em i wok.

Em i bin tok ol pipel yet i mas menesim na stiaim sip inap em i kamap long gutpela na seif hap.

Mista McKinnon i tok olsem ol pipel i mas stap isi tasol na wok long kamap long gol bilong ol.

Tru tumas, gutpela sindaun i stap long han bilong ol yet.



Papua New Guinea National Parliament

Post Office, Parliament House, WAIGANI, NCD
Telephone: 327 7377 Facsimile: 327 7480

OFFICE OF THE MEMBER FOR HENGANOFI

Siaman na JDP & PBC Komiti i laik tok welkam long Agrikalsa Minista Hon. Mathew Siune, Intenel Sekyuriti Minista Hon. Bire Kimisopa, Polis Komisina Mista Sam Inguba na ol Edukesen opisal i kam long Henganofi.

Bilong givim bilong:

Wanpela rais mil wantaim ol sid bilong rais
na

Wanpela nupela Polis kar
na

K100,000 skul fi subsidi

Long Fraide June 4, 2004 long 10 kilok long moning.

Long nupela Henganofi District Services bilding hap.

Olgeta i welkam!

Hon. Dr Banare Bun M.P
Memba bilong Henganofi
Na
Siaman, JDP & PBC

Wok i go het long namba tri Bogenvil Mama Lo ripot

WOK i go het nau long namba tri draf ripot bilong Mama Lo long nupela Bogenvil Gavman.

Draf ripot i gat long en olgeta ripot long nupela Bogenvil Mama Lo we bai redi taim Bogenvil Konstitusenel Komiti (BCC) i bung long dispela wik. Sapos dispela namba tri na laspela draf i redi, em bai stretim rot long karimaut ileksen bilong kirapim nupela Bogenvil otonomi gavman.

Siaman bilong BCC Joseph Kabui i tok olgeta komiti memba bai bung long dispela wik long Buka long glasim namba tri draf ripot long nupela Mama Lo we ol i wok long en na tu ful ripot bilong komiti long ol samting i sut long Bogenvil na kirap bilong nupela gavman.

Em i tok Nesenel Gavman loya bilong Mama Lo em James Fraser i stat pinis long ol senis long namba tu draf ripot.

Em i tok em i wok long mekim ol senis bihainim disisen bilong BCC husat i makim ol pipel bilong Bogenvil.

Em i tok ol teknikel opisa long Bogenvil i mekim wok long sait bilong ol long ripot. Ol i glasim gut ol samting na mekim klia ol samting i stap insait long nupela Mama Lo.

Singaut long ol LLG long sapotim infomol sekta

*... Lo long salim samting
long strit stap pinis*

INFOMOL Sekta long infomol sekta Komiti (ISC) bilong husat i save mekim ol Konsaltativ na dispela liklik wok bilong Monitaring Kaunsil salim ol samting long (CIMC) i singaut long ol kisim mani long dispela Lokol Level Gavman taim bilong hevi bilong (LLG) insait long kantri lukautim laip na sindaun bilong ol na famili.

Em i tok nupela loya taim em i promotim developmen bilong infomol sekta i lukluk tu

Infomol Sekta em hap we i karamapim ol maket, salim samting long strit, salim ol kaikai, buai, sekon hen klos na ol arapela bisnis we ol liklik pipel i save mekim mani long en.

Dispela i bihainim ripot i bin kamap long nius olsem Alotau Eben LLG na Popondetta Eben LLG i wok long rausim ol lain i maket long strit na tol ol i wokim dispela bikos ol i klinim taun.

Siameri bilong ISC Priscilla Kare i tok publik na ol LLG i mas save olsem nau i gat nupela lo we palamen i bin tok oraitim long stat bilong dispela yia long promotim infomol sekta na ol i mas go hetim.

Mis Kare i tok Infomol Sekta na Developmen Kontrol Lo 2004 bai lukautim na luksave long ol lain i stap insait

*Lo em i
klia na i luk-
save long
rait na wok
bilong info-
mol sekta na
ol lain i stap
insait long
en.*

long sait bilong helt na haijin we Popondetta Eben LLG i fokus long en. Lo em i klia na i luksave long rait na wok bilong infomol sekta na ol lain i stap insait long em wantaim tu ol lain i go hetim dispela lo na dispela em ol LLG, em i tok.

Kalinoe singaut long wok bung

... Ol man mas senisim pasin long ol meri

Veronica Hatutasi i raitim

SIAMAN bilong Famili na Seksuel Vailens Eksen Komiti (FSVAC) Lawrence Kalinoe i bin tok strong long kantri na olgeta manmeri na ol grup long wok bung wantaim na daunim vailens o pasin bilong paitim, bagarapim na mekim nogut long ol meri (violence against women) bikos em i kamapim hevi long ikonmik na sosel developmen o wok go het bilong PNG.

Na em i askim strong ol man long senisim pasin na glasim na skelim dispela pasin ol i save wokim long ol meri na tingting gut long kibek bilong em long famili, komyuniti na kantri.

Em bin wokim dispela toktok long taim bilong opim Famili sapot senta long Mosbi tupela wik i go pinis.

Mista Kalinoe i bin serim wanpela ripot i bin kamap long niuspepa las yia we i sut long dispela pipia pasin we i kamap olsem bikpela hevi nau. Na em i laikim bai pablik i mas mekim samting long daunim hevi ya.

"Wife bashing o pasin bilong paitim nogut meri i kamap planti long PNG na em i kamapim hevi. Olpela bilip long pasin kastom we meri ol i baim i bilong man nau na man i ken wokim wanem samting em i laikim long en.

"Dispela pasin i no moa gutpela long bihainim. Ol man i yusim dispela bilip long wokim domestic violence o pasin bilong paitim na bagarapim ol meri na tu, ol i skruim i go moa yet long lukautim pasin ol i mekim long

nem bilong kastom. "Tasol dispela kriminel pasin i bagarapim nem bilong ol PNG man na em i mas raus nau.

"Ol man i save paitim nogut na bagarapim ol meri i save sindaun na tingting liklik tu long nem bilong ol na sapos ol i amamas long ol narapela i lukim ol olsem ol monsta o tewel? O sosel na ikonmik hevi em i kamapim long en. Mipela i mas daunim olgeta dispela hevi i go daun long zero level," Mista Kalinoe i tok.

Em i tok FSVAC i sapotim singaut bilong Praim Minista Sir Michael Somare long kantri i mas putim han wantaim long egesim vailens, olgeta kain tasol moa yet, pasin bilong paitim nogut na bagarapim meri.

"Mi tokim yupela olsem pasin bilong paitim meri i wari bilong yumi olgeta na i no bilong ol meri na ol meri grup tasol. Ol i kamapim hevi long sosel na ikonmik sait na olsem, em i nesanel hevi na wari," Mista Kalinoe i tok.

Ol bin kirapim Famili na Seksuel Vailens Komiti (FSVAC) long yia 2000 aninit long ambrela bilong Konsaltativ Implimentesen na Monitoring Kaunsil (CIMC) long etresim ol famili na seksuel vailens hevi i kamap bikpela long PNG. Ol hevi long dispela eria i kamap planti taim insait long PNG em long paitim meri, man i bagarapim meri bilong em (marital rape), bagarapim ol pikinini long ausait na tu, wokim pasin nogut long ol olsem papa ol arapela famili memba i slip wa:taim na givim bel long pikinini meri. Ausait long famili, ol meri na pikinini na tu, sampela taim ol man, i save bungim hevi long reip, vailens na ol arapela samting nogut moa olsem.

YWCA meri i mekim plen



• Sonia Kamaya bilong Tabubil YWCA i raitim ol plen bilong grup bilong em long we Nesanel YWCA i mas mekim wok.

OL BIK meri bilong YWCA i bin bung long Pot Mosbi tupela wik i go pinis long plenim ol wok bilong ol i go long narapela 3 yia bipo long 2007 Nesanel Konvensen.

Ol meri ya i bin makim wanwan asosiesen bilong YWCA long olgeta hap bilong kantri na ol bung long Canosa Skul ov Laip long Bomana inap wan wik long kamap wantaim ol olprojek ol i laik lukim i kamap, we long painim mani long sapotim dispela program, husat bai ronim na bai winim hamas taim na tu

kamapim polisi long Nesanel YWCA i ken bihainim long mekim ol dispela plen i karim kaikai.

Dispela em namba wan taim long ol meri long ol wanwan brens bilong YWCA long kam bung na givim tingting bilong ol long we nesanel bodi i mas wok.

Ekting Presiden long tupela yia nau Pawan Maliaki bilong Lae i tok as bilong kisim ol memba bilong ol lokal asosiesen i kam bung wantaim long sindaun long dispela woksop em bilong ol long lainim na kisim

save long ol isu we YWCA i save laik strongim na go bek long ol asples bilong ol na plenim ron bilong asosiesen bilong ol yet tu.

Em i tok em i amamas long wanem samting ol i kamapim long plen bilong ol na nau olgeta i save long wanem samting ol i mas mekim long mekim dispela plen bilong ol karim kaikai. Bikpela wok nau em long painim mani long mekim dispela wok i kamap na savelain long kari-maut.

Ol dispela projek em Laip Projek long Litresi em Ministri bilong Komyuniti Developmen i go pas long en na narapela em Laip Skills projek bilong ol yangpela wantaim helpim mani i kam long Wol Visen.


Dispela bung bilong ol YWCA memba i bin kamap long helpim bilong Komyuniti Developmen Sevis (CDS) wanpela han bilong AusAID.

Mausmeri bilong CDS Jenny Clement i tok CDS i amamas long lukim olsem oganaisesen olsem YWCA i laik daunim ol sampela hevi i wok long kamap olsem na ol i kamapim dispela bung long paitim tok na kamapim ol plen bilong ol. Dispela i soim laik bilong ol tru long kamapim ol rilesensip olsem na CDS i givim ol sapot.

Em i tok long dispela rot YWCA i soim laik bilong ol na CDS i luksave long dispela na ating bai traim long helpim ol sapos ol i singaut long CDS gen.

Nau Misis Maliaki na ol lain bilong em i go bek long asples bilong ol we bikpela wok i wetim ol, dispela em long kamapim Nesanel Konvensen long Lae.

Kisim save long SKUL BILONG LAIP



Save long ol Raits bilong yu

Namba 11 Hap
Ol meri inap mekim wanem wantaim CEDAW? Planti gutpela samting long helpim ol meri i bin kamap long ol meri long olgeta hap bilong graun bikos long CEDAW. Na em i stat pinis tu long Pasifik rijen wantaim sampela bikpela senis i kamap long sait bilong ol meri. Sampela long ol em long:
□ Fiji: Kot i kisim i go (CEDAW)
□ Vanuatu: Kot i kisim CEDAW long mekim ol ni Vanuatu meri na ol pikinini

Konvensen long kamapim strongpela mekimsave long ol lain i wokim reip o pasin bilong bagarapim meri na tu kamapim vailens o paitim na wokim nogut long meri. Na tu, ol i kisim Konvensen long senisim ol samting i stap insait long Mama Lo bilong Fiji we i sut long ol meri Fiji i marit ausait.
□ Vanuatu: Kot i kisim CEDAW long mekim ol ni Vanuatu meri na ol pikinini

bilong ol i gat rait long tum-buna graun.
□ Kiribati: Prosekyuta i yusim CEDAW long difendim ol keis long ol meri husat ol i repim o bagarapim ol. Maski dispela keis i no bin win, em i opim dua long Kiribati olsem kain samting i kamap gen, ol bai yusim CEDAW.
Skruim i go moa neks wik.



BANANA KEIK

Yu mas i gat:
Banana mau hap kap majarin o bata hap kap suga
2-pela kiau
1-pela tispun vanilla esens
1-pela tispun bicarbonate of soda
1 na hap kap self raising flaua

We bilong Kuk:
Hatim aven long 180 dignis Miksim bata, suga na vanilla wantaim inap em i kamap olsem krim
Putim kiau na banana mau na tanim wantaim.
Miksim susu na bicarbonate soda na putim long namel bilong banana na flaua miks. Tingim skelim susu gut na noken mekim miks i malumalu o wara wara olgeta.
Kapsaitim miks i go insait long wanpela raunpela beiking trei na putim long aven.
Larim ikuk inap 45 o 50 minit olgeta.

Meri Wantok i laik save sapos yupela i save laikim ol stori mipela i save printim. Rait i kam long Meri Wantok, Word Publishing Company, PO Box 1982, Boroko, NCD o ring i kam long telipon 325 2500 na toktok long Veronica Hatutasi o Barbara Tomi. Yu ken salim ol stori tu long email: word@global.net.pg.

Tok Tok Nating
Wantaim Fr Paul
Liwun SVD



LAS Sande Me 30, 2004 yumi bin amamasim Pestode bilong Pentekos, long tingim de bilong Holi Spirit i bin kam daun long ol Aposel. Long Erima Peris insait long NCD, mipela i bin selebretim tupela misa. Long namba tu misa, Archbishop Brian Barnes OFM, bilong Port Moresby Archdiocese i bin kam na selebretim misa wantaim mipela. Long dispela taim Archbishop i bin givim Sakramen bilong Konfemasio long 63 manmeri, 54 bilong ol i kam long St. Peter Chanel Praimari Skul long Erima, na narapela i kam long narapela skul insait long Erima peris.

Long taim bilong pestode bilong pentekos, mi bin tingim bek namba wan taim bilong mi long selebretim Pentekos bilong mi long PNG, long yia 1991. Long dispela taim mi bin stap long wangepela paris insait long Wabag Daiosis, long Enga provins.

Long Pentekos Sande mi bin go na wokim lotu wantaim sampela Kristen manmeri long wangepela aut stesen. Olgeta taim mi kamap long ples bilong ol, olgeta manmeri na pikinini i save tok **YONGKAME**, mining bilong em, gut moning long tok ples Enga. Tasol long taim mi kamap long ples bilong ol long Pentekos de, ol i no tok *Yongkame* long mi, tasol ol i bin tok long narapela kain tok, mi no save mining bilong ol.

Wan wan bilong ol i bin tok gut moning long mi long narapela kain tok ples stret. Mi yet i no save. Olsem na mi askim narapela manmeri, na ol i bin bekim askim bilong mi olsem, "long olgeta yia, long taim bilong Pentekos de, mipela i save tok tok long narapela kain tok ples stret".

Na mi askim ol; Dispela kain tok ples em wanem mining bilong em?

Ol i tokim mi, mipela yet tu i no save., Tasol planti manmeri i save mekim kain kain tok ples long de bilong Pentekos, olsem ol Disaipel i bin mekim bipo. Bikos mipela i bilip olsem Holi Spirit i kam daun long mipela long dispela de bilong Pentekos.

Mi bin kirap nogut tru taim mi harim dispela bekim. Bikos bilip bilong mipela i tok olsem, Holi Spirit i kam daun long yumi i no long taim bilong Pentekos tasol. Nogat. Holi Spirit i bin kam daun long yumi long taim yumi kisim Baptais. Baptais bilong yumi em i no wankain olsem Baptais bilong John long wara Jordan. John i bin baptaisim manmeri long wara tasol. Tasol yumi i bin kisim baptais long WARA na HOLI SPIRIT. Dispela i soim olsem, Holi Spirit i bin kam long yumi wan wan taim yumi kisim Baptais bilong strongim bilip bilong yumi.

Taim yumi kamap bikpela pinis, yumi kisim Holi Spirit gen long Sakramen bilong Konfemasio. Em i wankain Holi Spirit tasol olsem Holi Spirit i bin kam daun long Jisas long Wara Jordan, o long ol aposel long Jerusalem long taim bilong Pentekos, ol long yumi long taim yumi kisim Baptais. Bilip bilong yumi i tokim yumi olsem, HOLI SPIRIT yumi kisim long Konfemasio bilong strongim gen bilip na givim strong long yumi long mekim wok bilong Sios (Jisas).

Holi Spirit i stap pinis na wok insait long yumi olgeta taim. Tasol sampela taim yumi i no luk-save long pawa na strong bilong em olsem na yumi ting Holi Spirit i kam daun long yumi long taim bilong Pentekos tasol. Em i no tru. Pentekos em i DE bilong tingim Holi Spirit i kam daun long ol Aposel na tu bilong helpim yumi tingim bek long pawa na strong bilong Holi Spirit insait long yumi.



"Ol lotu long God long Heven"

Orait dispela 24 hetman ol i save brukim skru long pes bilong dispela Man i sindaun i stap long sia king. Na ol i save lotu long em, em Man bilong i stap oltaim oltaim. Ol i save kisimol hat gol bilong ol na tromoi ol i go pundaun klostu long pes bilong sia king, na ol i save singim song olsem, "Bikpela, yu God bilong mipela. Yu tasol yu stap antap tru na inap tru long olgeta man i ken amamas long yu na litimapim nem bilong yu na i stap aninit long strong bilong yu.

Kamapim Tok Halt 4: 10-11

Asbisop autim tok bilong pis

Veronica Hatutasi i raitim

TOKTOK bilong pis o bel isi na gutpela sindaun i wangepela strongpela tok we Asbisop Sir Brian Barnes i bin mekim long Pentekos Sande lotu long Sen Peter Sanel Erima Katolik Peris.

Olsem long ol Pentekos Sande, peris i save askim Asbisop long givim Sakramen bilong Konfemasio i go long ol skul pikinini na ol arapela perisina husat i redi long kisim sakramen ya.

Pestode bilong Pentekos em i dispela de tu we Sios i bin kirap strong wantaim paia bilong Holi Spirit.

Long toktok bilong pis, Asbisop i tok

taim Jisa i bin kamap long ol Aposel bihain long em i kirap long dai na tu, taim em i laik go bek long ples antap, em bin winim na lusim wantaim ol Aposel ya tok tok bilong pis.

Na Asbisop i bin tok moa yet tude, wol i nidim o laikim pis.

"Wol na ol kantri na pipel i laikim pis. Planti kantri i no sindaun gut, ol i stap insait long woa. Ol kantri olsem Iraq, Midel Is na ol arapela kantri i laikim pis na gutpela sindaun.

"Jisas i bin winim mesej bilong pis taim ol Aposel i stap insait long rum i pas na ol

Wol i laikim pis moa yet nau

i pret i stap. Dispela i wankain long stap bilong yumi tude na piksa em long Mosbi siti. Planti pipel insait long siti i stap wantaim pret bikos long sosel na lo na oda hevi we i wok long kamap na go bikpela long dispela taim. Long taim bilong ol Aposel, Jisas i bin salim Holi Spirit long strongim ol.

"Long tude tu moa long 2,000 yia i go pinis, mipela i luksave olsem dispela wankain paia bilong Holi Spirit i stap yet wantaim long yumi na i lukautim sios i stap. Na em i stiaim Santu Papa Pop John Paul 2 long Rom husat i maus bilong pis long stiaim ol kantri na pipel long wol. Santu Spiritu i wok long strongim na stiaim em na ol Kristen pipel long bihainim tok bilong Jisas," Asbisop i bin tok.

Long ol sumatin na perisina i bin kisim Sakramen bilong Konfemasio na kamap olsem soldia bilong Krai, Asbisop i bin askim ol sios memba long prea long ol na ol i ken strong long karimaut wok bilong Bikpela olsem ol nupela soldia long Katolik Sios.

"Tude, yumi witnesim bikpela grup i kisim sakramen bilong Konfemasio. Yumi askim Santu Spirit long strongim bilip na stiaim ol long stretpela rot taim hevi i kamap. Yumi selebretim na witnesim dispela de wantaim amamas na prea olsem bilip ol bin kisim long Baptismo bai go strongpela moa wantaim paia bilong Konfemasio," Asbisop i bin tok.

Lotu bilong Pentekos na Konfemasio long Erima Peris i bin go gut tru wantaim ol Momase na Hailans liteji grup i wokim proseso na singsing long taim bilong ol Gospel riding na Ofa. Ol Niugini Ailan grup i bin go pas long liteji.

Bihain long lotu, i bin gat kaikai long sios Hal we ol Konfemasio lain na ol papamama i bin serim kaikai wantaim Asbisop na peris pris pater Paul Liwun SVD.



• Asbisop Sir Brian Barnes i givim sakramen bilong Konfemasio long sumatin, Newman Oki. Peris Pris Pater Paul i lukluk i stap. Foto: VERONICA HATUTASI

Stretim lo na oda hevi

Asbisop Brian Barnes i askim ol lida long putim bikpela wok long dispela

Veronica Hatutasi i raitim

SINGAUT i go long Nesenel Gavman na ol politikel lida long lukluk long hevi bilong kraitim o pasin we ol raskol i henspaim man na wokim stil pasin, kilim dai narapela, bagarapim meri na ol arapela sosel na kamap wantaim rot long daunim ol.

Asbisop Sir Brian Barnes bilong Katolik Asdaosis bilong Pot Mosbi i bin wokim dispela singaut las Sande long pestode bilong Pentekos long St Peter Chanel Erima Peris we em bin givim Sakramen bilong Konfemasio i go long klostu 70 sumatin na perisina.

Long wankain taim tu, Asbisop i bin singaut long ol politikel lida long lukluk hevi ya olsem bikpela samting na i

bagarapim sosel na ikonmik developmen na gutpela stap na sindaun bilong ol pipel, komyuniti na kantri na givim bikpela tingting na wok long daunim na stretim ol.

"Kantri bilong yumi i wok long bungim bikpela wari na hevi long kraitim, stil pasin na kilim dai narapela. Dispela i kamap long olgeta hap bilong PNG tasol em i bikpela moa yet insait long Pot Mosbi siti. Ol pipel long Mosbi siti i stap wantaim bikpela pret.

"I luk olsem gavman i wok long lukluk long ol narapela samting na i no bisilong ol hevi we kantri i wok long lusim blut long en na mekim (kantri) i no strong."

Ol dispela i wok long kamap long ol institusen we bipo ol man nogut

"Stil pasin, brukim haus na stil, holim draiva na stilim kar

i kamap strong moa yet nau. Long givim tok piksa, insait long laspela tupela mun i kam inap nau, ol raskol i wokim planti stil pasin na holap long Katolik Sios.

Ol raskol i bin henspaim ol Fransekan misinari, Marianvil Hai skul, SVD misinari na seketeri bilong Katolik Bisops Konfrens na stilim ka long ol.

Long tupela taim tu, ol raskol i bin laik henspaim mi long Morata na Tokarara.

I no Katolik Sios tasol i bungim hevi long lo na oda, sosel na kraitim tasol olgeta grup na pipel insait long kantri.

Gavman i mas givim bikpela tingting long dispela hevi na wokim samting kwik-taim bipo kantri i lusim moa blut na go nogut, Asbisop Sir Brian i tok.

Supaminist a bung lukluk long ol

YUT na rot we sios inap long strongim ministri bilong ol na givim gutpela stia long laip na stap bilong tude em wangepela eria we ol Supaminista bilong Yunaitet Sios i lukluk long en insait long wangepela wik bung bilong ol long Pot Mosbi long dispela wik.

Samting olsem 30 Supaminista bilong 8-pela Yunaitet Sios rijen long PNG i bin bung long Sione Kami Memoriel Sios long wangepela wik na toktok long ol bikpela samting we i karamapim eria long wok bilong ol.

Level bilong ol Supaminista long sios em i olsem ol peris pris na ol i lukautim dispela eria olsem ol peris minista. Ol i lukautim 10-pela kongriksen long seket bilong ol. Na ol i stap olsem ol midel o namel developmen menesmen lain long sios.

Modereta Samson Lowa bilong Yunaitet Sios i tok mak bilong ol yut long sios bilong em inap long 68.5 pesen na dispela i winim hap mak bilong ol arapela sios memba.

Na em i tok bikos planti hevi i wok long kamap we i karamapim ol yut olsem HIV/AIDS, bung ya i putim bikpela taim long toktok na lukluk long ol rot we sios inap long helpim ol.

Minista Pep i tok "Nogat" long smok

Paul Zuvani i raitim

I NOGAT marasin insait long kantri we gavman i ken kisim long oraitim ol manmeri husat i gat sik i pas long smok.

Na long Pot Mosbi Jenerol Haus Sik klostu 80 pesen long ol manmeri husat i gat sik long lewa em ol lain bilong smok.

Minista bilong Helt Melchoir Pep i mekim dispela toktok long Tabari ples Boroko Nesenel Kapitel Distrik long Mande long taim bilong makim "Wol No Tobako De" na "Poverty" o Tarangu Sindaun de.

Em i tok em i wari long lukim na harim olsem namba bilong manmeri husat i smok insait long kantri i wok long go antap yet long wan wan yia.

"Olsem na long tok strong long dispela bikpela de bilong pait egensim pasin bilong smok mi tok Nogat long Tobako," em i tok.

"Yupela i mas rausim dispela han nogut we i holim pasim yupela na tok nogat long em.

"Smok i gat strongpela marasin we i ken isi long bagarapim bodi bilong yupela na i ken kamapim kainkain hevi.

"Long dispela de mi laik bai yupela i mas kam na luksave long wanem kain bagarap em smok i ken kamapim long yupela.

Em i tok Papua Niugini i wanpela bilong ol kantri we namba bilong ol manmeri i smok i bikpela.

"Bikpela sori em i olsem planti ol yangpela, ol lain husat i stap long skul na ol

lain husat i wok em ol i smok," Minista Pep i tok.

"Husat ol manmeri we ol bai wok na lukim kantri i go het i pas long pasin bilong smok. Na sapos bodi bilong ol i pas pinis em bai sotim laip bilong ol na olsem ol bai i no inap stap longpela taim.

"Ol sik olsem kensa long lewa, hat atek na hevi bilong pulim win i save kamap long pasin bilong smok.

"Taim ol i sik olsem ol i lusim wok, nogat mani na ol i stap krangki" em i tok.

Pe bilong smok nau i stap olsem K1 long wanpela spear rol, 50 toea long wanpela Benson & Hedges na K7 long wanpela 20 peket B&H.

"Dispela K7 inap long baim wanpela 1 kilo grem rais na abus tasol nau bai go long smok na famili i nogat mani bilong baim kaikai.

"Dispela kain pasin em i nogut na i no stret.

"Mi laik tok strong long olgeta manmeri na ol pikinini we ol i kisim smok long tok 'Nogat long smok' na stapim pasin bilong smok.

Em i tok amamas long ol grup olsem NGO, PNG Hat Sosaiti, Nesenel Hat Faundesen, Sir Buri Kidu Faundesen na ASH long gutpela wok bilong ol long tok pait egensim yus bilong tobako.

Long wankain taim mausman bilong Wol Helt Oganaisesen (WHO) long kantri Dr Yves Renault i tok olsem nau long wol 5 milien-

....80 pesen sik lewa em ol smok lain



• Lucy Kapi Poria bilong Pangia, Sauten Hailans provins i tok "nogat" long smok na olsem em i tromoi smok i go. I gutpela mipela i bihainim tingting bilong Poria na tok nogat long smok. Foto: PAUL ZUVANI

manmeri husat i dai long wan wan yia i dai long hevi bilong smok na 20 pesen em ol i bilong Westen Pasifik. Na Papua Niugini i wanpela bilong ol dispela Westen Pasifik kantri.

"Westen Pasifik rijon i gat bikpela namba bilong manmeri husat i save smok we planti bilong ol em ol man.

"Na namba we i gro hariap namel long ol lain husat i

smok em ol meri na ol yangpela," em i tok.

Em i tok WHO i tok giaman long ol toktok bilong ol kampani we i save mekim ol smok olsem tobako industri i helpim kantri long sait bilong mani na long helpim ol man long kensa sik o ol manmeri i gat mani bilong baim kaikai.

Ripot bilong ol i tok moa olsem industri i no save bagarapim ples graun.

Daunim pasin bilong smokim tabak, WHO

WOL Helt Ogenaisesen (WHO) i askim strong ol kantri long wol long sainim na go hetim Wol helt Ogenaisesen (WHO) Fremwok Konvensen long Tobako Kontrol (FCTC) em namba wan ripot agrimen ol bin kamapim long traim kontrolim tobak na rot bilong daunim pasin bilong smokim tobak na ol arapela smok moa.

WHO i tok sapos ol kantri i no etresim hevi long tobak na smok, em bai kamapim moa hevi long pasin bilong kamap trangu long ol lain i save smokim tobak, ol lain i save groim, ol woklain na ol kantri long wol.

WHO i no wanbel long toktok we ol tobak bisnis i tok bisnis ya i save kamapim bikpela mani long gavman long ol takis em i save kisim na tu long givim wok long ol pipel. WHO i tok ol hevi i kamap long kos o mani we ol pipel, pablik helt, envaironmen na nesenel ikonomi i peim long hevi we smok i kamapim i daunim toktok ol tobak bisnis i wokim long strongim ikonomi bilong kantri.

WHO i tok long nesenel level, ol kantri i save bungim hevi long wok mani bikos long bikpela mani ol i tromoi long givim helt kea o lukautim ol pipel i kisim sik we smok i save kamapim na dai bilong planti ol yangpela pikinini. Em i tok tu olsem ol kantri we i save baim tobak i save lusim bikpela mani long olgeta yia long sait bilong foren eksens na tu, planim tobak i save bagarapim envaironmen.

WHO i tok tu olsem tabak i save helpim long kamapim hevi

bilong kamap trangu i go moa yet bikos ol man i yusim mani long baim smok na i no ol arapela samting ol i laikim stret long laip na sindaun, kamapim sik na dai long ol sik i sut long lewa olsem TB, kensa, hat atek, ol sik bilong lang na ol arapela sik moa.

WHO i tok long ol trangu lain husat i save smok, em mani ol i no yusim long ol samting ol i nidim stret olsem haus, kaikai, edukesen na helt kea. Na tobak i save helpim long kamapim poveti o pasin bilong sot long ol samting, sik na dai long taim ol i stap yangpela yet na ol arapela sik we mani ol famili inap long yusim long ol gutpela samting long sapotim ol em ol i yusim long baim marasin na haus sik.

WHO i tok moa olsem tobak bisnis na ol kampani i save helpim long kamapim ol trangu pipel i sot long samting long rot we ol yangpela pipel i no kisim sans long skul. Dispela em ol pikinini we ol i kisim ol long wok long ol tobak fil long sapotim famili bilong ol. WHO i tok dispela i save helpim ol famili long liklik taim tasol ol pikinini i abrusim sans long skul na ol i save gro wantaim nogat gutpela save long rit, rait na save na gutpela wok ol inap long kisim sapos ol i bin go long skul.

WHO i tok long planti bikpela na liklik kantri long wol, mak bilong ol trangu lain i save smok i winim ol arapela.

Na long 1.3 bilien pipel long wol i save smok, 84 pesen i stap long ol liklik kantri na ol kantri we wok mani bilong ol i stap daunbilolo.

WHO ripot long tabak na hevi tobak i kamapim long wol na rijen

WOL Helt ogenaisesen (WHO) i autim ol sampela mak bilong ol hevi samting we tabak na smok i kamapim:

*Samting olsem 5 milien pipel long wol i save dai long smokim tabak, sigaret na ol arapela smok ol i wokim long tabak.

Planti bilong ol em long ol puo o kantri we wok mani bilong ol i no gutpela. Na planti long ol smoka em ol trangu lain.

Mak long ol manmeri i save dai long tabak insait long Westen Pasifik rijen we PNG i stap long en em 20 pesen.

*Ol wok kamap na ripot long ol samting i go long en i soim olsem sapos level bilong smokim tabak long wol i no senis o i go daun, long yia 2025, mak bilong ol pipel i smok bai go antap long 1.7 bilien. Nau mak long ol pipel i save smok long wol i stap long 1.3 bilien.

*Sapos mak bilong ol lain i smok i go het olsem, tabak bai kilim dai 650 milien pipel. Hap long ol em ol strongpela woklain na ol i stap yangpela yet.

*Long ol bikpela na liklik kantri insait long Westen Pasifik rijen, smokim tabak i save skruim ol sik bilong lewa we 18 pesen bilong ol i no moa wok na ol i stap nating wantaim sik.

Ol yangpela bilong PNG na Solomon Ailan go long Japan

Veronica Hatutasi i raitim

TETI siks (36) yangpela pipel i bin lusim PNG las Fonde na go long Japan long tripela wik "Frensi o poroman Progreim". Long dispela, 30 yangpela em ol bilong PNG na 6-pela em ol bilong Solomon Ailan.

Gavman bilong Japan aninit long JICA Dvelopmen progrem bilong em i save karimaut dispela progrem insait long 120 kantri long wol.

Aninit long progrem, ol yangpela man na meri i save go long ol ples ol i makim long ol na stap insait long ol semina, lainim tok ples Japan, serim aidia na kalsa wantaim ol arapela yangpela pipel bilong Japan, go stap wantaim ol wan wan famili long lukim na ekspiensim ol yet kalsa na laipstail bilong ol Japan famili na pipel. Na taim ol i kam bek, ol bai strongim wok pren na tu, kisim moa save long wok eria bilong ol we bai helpim developmen bilong PNG.

Ol lain i go long trip ya em ol woklain bilong Vokesenel sekta na Rurel Helt Kea wantaim Helt Dipatmen. Planti bilong ol em ol i kam long ol skul na helt senta insait long ol rurel eria long ol wan wan provins.

Tupela nius ripota em wanpela bilong PNG na narapela bilong Solomon Ailan i go wantaim grup long dispela wokabaut.



• Sampela long ol yangpela vokesenel tisa meri na long baksait (rait) em wanpela nius ripota long bung bilong tok gutbai long ol Embasi bilong Japan i bin redim las wik Trinde. Foto: VERONICA HATUTASI

TOLUKUMA GOLD MINE

**CENTRAL PROVINCE
PAPUA NEW GUINEA**

Committed to safety, community and growth

Tolukuma Gold Mine, i stap 160km not long Pot Mosbi, na i wanpela bilong ol bilas long kraun bilong Durban Roodepoort Deep (DRD) - namba foa bikpela gol maining kampani bilong Saut Afrika.

Tolukuma i stap insait long misin bilong DRD olsem wanpela indipenden gol produsa we i mas sukurim laip bilong main gut na mekim win mani.

DRD i statim pinis wanpela eksploresen na developmen program long Tolukuma long luksave long ol nupela risos, surukim laip bilong main na kamapim moa prodaksen.

Long taim main i lukluk long kamap bikpela, Tolukuma bai oltaim:

- Tok strong long wok klostu wantaim ol lokel komyuniti;
- Givim sans long ol lokel pipel long kisim wok;
- Holim strong yet tok promis bilong en long surukim laip bilong main gut.

Tolukuma Gold Mines Limited

(Wanpela memba bilong Durban Roodepoort Deep Group -www.durbans.com)

P.O. Box 5043, Boroko, Papua Niugini.

Mine Site



Tel: (675) 329 9277

Fax: (675) 329 9262

Port Moresby Office

Tel: (675) 311 2899

Fax: (675) 311 2806



• Kwinslen i gat kainkain ol enimol. Long poto em tupela kain pukuk we Kwinslen i gat.



Kwinslen, Sunshine Stet bilong Australia

Queensland (Kwinslen) long Australia em wanpela bikpela stet bilong Australia na em wanpela bikpela taun bilong em ol i kolim Cape York i stap klostu long Papua Niugini. Kwinslen em i no nupela nem long PNG long wanem yumi save harim olgeta taim long nius na sapotim wanpela bikpela ragbi lig tim bilong em ol i kolim Kwinslen Maroons long bikpela ragbi lig resis ol i kolim State of Origin.

Emblem o plak bilong Kwinslen

Aninit long lo bilong Kwinslen em i tambu tru long yusim Beds o plak piksa bilong stet bilong Kwinslen long ol wok olsem:

- Ol treid o bisnis;
- Ol klap o asosiesen grup nabaut; o
- Ol prin o piksa nabaut.

Ol i mas kisim toksave bilong atoriti long yusim beds o piksa bilong stet pastaim. Ol sumatin tasol i ken yusim dispela long stadi wok bilong ol long skul.

Save long Kwinslen

Kwinslen i welkam long ol manmeri insait long Australia yet na tu long narapela kantri husat i gat ol kainkain save na gutpela tingting bilong bungim wantaim na mekim wok kamap bilong kirapim Kwinslen.

Kwinslen i gat ol gutpela hap na ol gutpela samting i stap bilong mekim yu pilim gut na sindaun gut na mekim gut wok bilong yu.

Wantaim ol nupela sevis na ol nupela samting bilong mekim wok wantaim long tude, takis i daunim tru planti spes bilong mekim ol wok na bisnis long olgeta yia.

Planti pipel bilong Kwinslen i save laik go aut na kisim win long nambis, arere long wara, raun lukluk long ol samting long bus na wara o long solwara na kisim gutpela win. Kwinslen i no kol tumas na ples i orait tasol long ol manmeri i stap long en na amamas long stap bilong ol.

Kwinslen nau i gat moa long tri milien manmeri i stap long dispela hap sait bilong Australia.

Paks na Fores

Hap bilong raun na kisim win na lukim ol bus na abus i stap

Kwinslen i gat sampela naispela bus na ol hap bilong raun na lukim ol samting bilong bus, wara na ol wel abus nabaut. Sampela hap i save kamap olsem haus o asples bilong ol abus na pisin bilong bus na ol i stap gut long lukaut na banis bilong ol pasin tumbuna na kalsa bilong ol. Planti bilong ol dispela hap bilong raun lukluk na kisim win long ol em ol i stretim gut bilong pablik i ken raun lukluk na amamas long wanem samting i stap long hap. The Queensland Parks and Wildlife Service i save makim wanem hap em nesenel pak o hap bilong ol bus na abus i stap long en na lo i banisim ol.

Liklik Histori



Ol diwai na bus bilong Kwinslen i stail tu.

Ol Aborijini pipel na ol pipel long Tores Treit Ailan i gat narakain pasin na stori bilong ol yet. I nogat man i save gut tru wanem taim tru ol tumbuna bilong Aborijini i bin kamap na sindaun long Australia.

Tasol ol tumbuna stori na ol pasin i soim ol tumbuna bilong Aborijini i bin stap bipo tru long Kwinslen pastaim long ol waitman i bin kamap na bungim ol. Ol pipel bilong Tores Treit i stap namel long bikples Australia na Papua Niugini na tumbuna bilong ol i kam long sait bilong Melanesia long yia 1606.40,000 yia i go pinis Kwinslen i bin kol tru. Ples i bin kol tru na i pulap long ol bikpela bus na ol graslen olsem kunai ples.

I gat luksave olsem bipo long ol waitman i kamap long Australia, ol Aborijin i gat moa long 90 tok ples.

Ol waitman i bin lukim Kwinslen namba wan taim long 1600. Ol lain bilong Dats Willem Jansz na Jan Carstens i bin kamap long Galf bilong Kapenteria na Kep Yok Peninsula long 1606 na 1623. Na bihain Lutener James Cook bilong Englen long 1770.

Long dispela taim em Briten i go lukautim Kwinslen. Namba wan ileksen bilong Kwinslen i bin kamap long 1860 na ol i bin makim Robert George Wyndham Herbert olsem namba wan primia bilong Kwinslen.



• Wara i kapsait i kam daun long ol traipela ston na i soim tru stail bilong Kwinslen.



• Brisbane, kapitel siti bilong Kwinslen, i wanpela siti we planti manmeri i save laikim.

WANTOK KOMENTRI

Bisnis noken mekim pipia tumas

LUKAUTIM gut bus, graun na wara em bikpela samting long gutpela sindaun bilong yumi long ples na long wanem hap yumi stap long en.

Long ples yumi save kisim strong long bus na graun na wara long olgeta de. Wara o solwara em bilong yumi waswas na dring na painim abus olsem pis. Graun bilong wokim gaden bai yumi planim kaikai bilong lukautim laip bilong yumi. Graun i stap gut na gutpela gris bilong em bai mekim ol kaikai i groa gut tru na yumi bai gat planti kaikai bilong yumi yet na tu salim long maket na kisim mani.

Bus i mas stap gut long yumi gat ol diwai bilong wokim haus na kanu, painim abus na kisim ol samting yumi laikim we i save groa na stap long bus.

Tude yumi larim ol bikpela bisnis i kam na mekimsave long bus graun na wara bilong mipela. Ol timba kampani i kam na katim diwai i go daun na brukim bus. Ol maining kampani i kamap na brukim ol graun na mekim bikpela doti long wara na bus. Ol doti bilong ol tu i go daun long solwara na kilim dai ol abus bilong wara na solwara. Taim ol manmeri i kaikai ol dispela pis o dring ol wara, sik i kisim ol.

I gat planti komplek o wari bilong ol papagraun i save kamap olsem kampani i no lukautim gut ol pipia bilong wok bilong ol.

Sampela bikpela faktori long PNG i wok long kisim ol tok kros i kam long ol pipel olsem pipia bilong ol i mekim ples i sting na pulim planti lang na tu pipia bilong ol i go daun long wara na solwara na kilim ol abus na mangro.

Sampela bikpela kampani i gat ol skel bilong glasim wanem kain pipia ol i tromoi na ol dispela pipia bai i go long we. Ol i save gat hap bilong lukautim pipia bilong ol. Na dispela i mas bihainim lo bilong kantri long pasin bilong lukautim gut ol bus, graun na wara.

Papua Niugini em i wanpela kantri insait long wol we planti samting bilong mipela long bus i stap gut yet. Na planti kantri long ovasis i save aigris long dispela. Olsem na mipela i mas was gut long dispela.

Kirapim bisnis em gutpela samting long helpim sindaun bilong yumi long ples na tu bringim sevis na developmen i kam long yumi. Tasol yumi mas wok poroman wantaim ol dispela kampani long ol i ken mekim gut wok bilong ol bihainim lo bilong lukautim gut ol pipia o noken mekim kainkain bagarap nabaut.



Ol lida wari long kamap Praim Minista, i no gan

DISPELA wik i bin gat planti toktok long gan. Dispela toktok i bin kamap bihain long biknem bos bilong PNG Difens Fos bipo, Meja Jenerel Jerry Singirok, i tok olsem planti gan i stap nabaut long han bilong ol man.

Jenerel Singirok i tok moa olsem i tru i gat ol gan i stap long han bilong ol man na gavman i mas mekim sampela samting long stretim dispela hevi. Em i tok sapos i nogat bai kantri bilong yumi bai stap aninit long ol man nogut i gat gan.

Tasol Polis Komisina, Sam Inguba i bekim tok olsem i no tru long tok olsem planti gan i stap long han bilong ol man husat i nogat laisens long holim. Komisina Inguba i tok i mas olsem 100 gan i stap long ol rong han na polis i strongim wok bilong em long kisim ol dispela gan bek.

Las Fraide wanpela liklik meri husat i gat 6-pela krismas long Sentrel provins i bin dai long katres bilong gan. Ripot i tok em i kisim dispela katres taim sampela lain i stap long tupela kar i bin sut gan namel long ol yet.

Dispela birua i bin kamap long 6 mail maket long Pot Mosbi.

Las Fraide tu, tupela stil man i bin dai long han bilong polis long Magi Haiwe long Sentrel provins. Polis i ripot olsem ol i bin sutim ol taim tupela man ya wantaim ol pren bilong ol i ron long tupela stil kar na bin sut gan wantaim ol polis.

Dispela wik Mande 4-pela man i bin bilas gut tru na wokabaut i go long Holiday Inn Hotel na hansapim wanpela woklain wantaim pistol na ronowe wantaim mani ol i bin kisim long wiken. Wankain stil pasin i bin kamap long Gemini Jewellery, Ang Resturant na Crowne



TOK PISIN wantaim PETER MAIME

Plaza Hotel long sampela taim i go pinis. Ol dispela birua i bin kamap long Pot Mosbi.

Nesanel Kapitel Distrik na Sentrel Polis Komanda, Tony Wagambie i bin tok strong olsem polis bai sut long kilim sapos ol man i yusim gan long mekim ol raskol pasin.

I no long taim i go pinis, tripela man i bin yusim pistol na sutim wanpela Australia pailot, Alan Mourilyan, wantaim pistol long Mount Hagen.

Hailans Polis Komanda, Asisten Komisina, Alfred Freu i tok long las Fraide olsem lo bilong gan long PNG i no strong long

mekim save long ol man husat i nogat laisens long holim gan o pistol.

Wanpela stadi ol save man i mekim long kantri Switzerland i tok olsem sampela long gan ol i bin yusim long Vietnam pait na ol gan faktori bilong Philippines i nogat luksave aninit long lo i stap pinis long PNG.

Dispela stadi tu i tok olsem sampela ol kago sip bilong Asia i save hanga long ol sip bris olsem Madang i save karim ol dispela gan na save painim rot bilong ol i go long hailans.

Dispela ripot tu i tok olsem ol gan na drak i save sensim han long boda bilong PNG na sait bilong West Papua long

Indonesia.

Tupela saveman husat i mekim dispela ripot em Philip Alpers na Connor Twyford bilong 'Graduate Institute of International Studies' long Geneva long Switzerland.

Tupela tu i luksave long ripot bilong ol olsem planti gan na katres i lus long amory (lokap bilong gan) bilong polis na ami i bin go lus olgeta.

Nu Silan gavman i tok lukaut pinis long ol sitisen bilong em i wok na stap long PNG i mas lukautim ol yet.

Em i tok lo na oda long Mount Hagen na ol narapela hailans senta na long Lae na Pot Mosbi i bagarap pinis.

Taim ol liklik manmeri long PNG i singaut i go long ol lida long mekim sampela samting long stretim dispela hevi, ol lida bilong kantri i kros pait i go i kam long husat tru bai senisim gavman na kamap praim minista,

WANTOK

Published Weekly, Wednesday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: 325 2500
Fax: 325 2579
Email: word@global.net.pg

Pe bilong wanpela yia
52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Jeremy Burgess

Editor
Yakam Kelo

Word Publishing Company Limited is owned by the four major churches of Papua New Guinea: Catholics 50%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Published by Jeremy Burgess and printed by Pacific Star P.O. Box 6817 Boroko NCD at allotment 13 section 38 Waigani drive, Port Moresby

Em wok bilong tupela lida long stretim ples balus

Dia Edita,

Mi yet bilong Derim eria long Deyamos LLG hap long Kabwum distrik na mi rait i kam bihainim toktok bilong tupela lida Mista Bob Dadae na Luther Wenge i kamap long Mei 20, 2004 long *Wantok Niuspepa*.

Tupela lida i askim Praim Minista long opim ken olupela Lae ples balus bai ol liklik balus kampani bai yusim bilong sevim ol manmeri bilong ples.

Dispela askim bilong opim olupela Lae eapot em wanpela olupela askim, askim bilong aipasman, lesman, maus wara man na westim taim man. Mipela kanaka bilong ples i ken askim tasol yupela man ronim provins na save pinis i gat hevi na noken askim gen.

Samting inap long yutupela yet mekim pastaim na bihain askim trenspot o Woks minista long luksave na sapot tasol yutupela askim Praim Minista bilong kantri long samting bilong wanpela provins em yutupela ting wanem?

Bekim bilong Praim Minista em i

stret.

Em samting bilong Provisol Gavman.

Yu tupela wantaim i stap long provinsol asembli na kabinet stat long 1997 i kam inap 2002 na nau yu tupela i stap yet.

Bihainim olsem Praim Minista i bekim askim bilong yutupela na bekim dispela askim bilong mipela ples lain.

1. Derim ples balus em ples balus bilong Mista Bob Dadae klostu bai bus karamapim na balus i no inap pundaun. Wankain tu long arapela ples balus long Kabwum distrik bai yutupela mekim wanem?

2. Bipo yet yutupela i go i kam long helikopta long Derim inap yupela yusim balus na hap mani i go long stretim ples balus?

3. Olsem wanem long nupela Busu /Malahang nupela ples balus Gavana bin tok bai kamap? Mipela i laik save.

**PAPA DERIM
KABWUM**

Lida na pipel i bagarap long politiks bilong Simbu

Dia Edita,

Mi wanpela komyuniti memba bilong Wawi Kongo Coffee long Chuave distrik insait long Simbu provins. Tasol nau mi kam stap long Pot Mosbi, NCD long Gerehu stage 1. Na mi laik autim sampela wari na belhevi bilong mi long dispela bai ileksen laik kamap long Simbu Gavana sit em olsem.

1. Mi laik yupela pipel bilong Simbu mas save long dispela kandidate. Kandidate em ol husat? Simbu nau yumi gat 31 kandidate olgeta, insait long ol em bai wanpela tasol bai win. Tasol win bilong dispela man mitupela i mas skelim gut bipo long givim win long em. Mi laik apil long yupela i go long pablik olsem, lus tingting long tambu, kandre, wantok o wan famili bis-

nis na westim vot bilong yu nating.

Skelim kandidate bilong yu gut, em i gat lidasip na stap wantaim yu long ples o nogat? Em gat graun, gaden, enimol, haus, wanpela meri na wantaim famili na komyuniti i gat tras long en, kain lida em moa gut. Wanpela kandidate i nogat dispela taitel yu mas save, em no bilong hia (Simbu) em bilong narapela hap. Taim em win, em bai go pinis long siti na bai yu wet 5-pela yia long votim nupela man gen.

2. Kempen eria em wanem samting? Kempen eria em i no ples bilong pamuk o pulim nek/ raun long painim kaikai o painim mani long han bilong kandidate o painim lak bilong yu. Pasin bilong ileksen i kam long taim

na olgeta manmeri ol klia pinis.

Ol kandidate yu mas save olsem pasin bilong Simbu em stap yet. Kandidate yu laik sanap yu mas sanap ples klia na wokim kempen long dei taim na stap long ples klia we ol Simbu i ken lukim yu gut. Maski long pulim ol pipel i go kam long nait tumas. Nait kempen i mekim na planti haus tambaran i kamap long olgeta hap long Simbu na insait long dispela pasin nogut i go bikipela tru.

Sapos yu kandidate wokim kempen bilong yu long dei taim, em bai yu luksave tru tru long namba bilong yu.

Na tu bai ol pipel i gat tras long yu na sem taim em bai yu helpim ol pipel bai gat gutpela luksave long ol ileksen i kam bihain tu. Na tingt-

ing bilong pasin nogut na pulim nek raun em bai pinis tu.

Na komyuniti laip em bai luksave long gutpela rot bilong ileksen kam bihain. Mi wanpela komyuniti memba i save stap oltaim long provins na distrik bilong mi na i save lukim pasin bilong ronim ileksen long Simbu na kempen bilong ol kandidate i no save ron stret olsem na mi raitim dispela pas i go long *Wantok Niuspepa* long yumi ken traim senisim sampela pasin long ileksen.

**BURO KUMUNO
GEREHU
NCD**

**Bilong wanem
na ol i laik
rausim Somare
Gavman**

Dia Edita

Mi ting olsem Gavman bilong Praim Minista Sir Michael Somare i ron gut na bilong wanem na ol oposisen na lida i hangre long pawa i laik senisim gavman?

Dispela vot bilong seksin 145 long senisim dispela konstitusen na larim Gavman istap 36 mun em i gutpela bikos ol pablik bai sekim ol wok bilong dispela gavman.

Mi hop Somare Gavman bai winim taim na kisim kantri i go long 2007 we yumi bai nogat hevi long mani.

**JOHN KRISAKI
WEWAK
IS SEPIK PROVINS**

PMV pei i antap tru long Wewak Angoram haiwe

Dia Edita,

Mi wanpela manki bilong bikbus ol i kolim Kongei Popileisin Wod, insait long distrik bilong Angoram, Is Sepik provins.

Mi laik autim belhevi bilong mi long *Wantok Niuspepa*. Belhevi bilong mi em olsem.

Mi no wanbel long harim ol man i save toktok long apim pei bilong PMV i go anap long K20. Em long Wewak Angoram Haiwe.

Dispela kain pasin bilong PMV Asosiesen Atoriti i wok long mekim bai i no inap stretim laik na tingting bilong ol manmeri insait long Angoram distrik.

Bikos planti manmeri i save kam long wara transpot we em i longwe long painim Angoram. Long kisim kar gen long painim Wewak. Dispela 2-weis expens bilong wokim wanpela raun soping em bai kostim olsem K1 - K2,000. Dispela kain mani em i bilong bisnis man na pablik seven na mipela manmeri long ples i nogat kain mani olsem.

Tingim sapos mipela ol manmeri bilong ples i laikim kain mani olsem, tru tru olsem mipela bai brukim bun tru long 1 - 2 yia long sevim K1- K2,000.

Dispela em i wanpela bikipela hevi tru insait long living stended bilong ol manmeri bilong ples.

Olsem na mi salensim yupela ol distrik edministresen atoriti olsem noken paulim ol pablik isu samting wei i save kam aninit long distrik bajet bilong gavman. Ol dispela kain pasin bilong yupela tu i save mekim mipela manmeri bilong ples i save painim hat taim.

Husat bilong sapot o agensim rait i kam long *Wantok Niuspepa* na bai mi lukim. Sapos yu husat bilong Angoram i save olsem em i tru plis sapotim mi.

**HENRY GANJA
ANGORAM
IS SEPIK PROVINS**

CLTC i no tingim papagraun

Dia Edita,

Mi no amamas long we CLTC i save mekim na lukim na skelim ol hevi ol papagraun i save gat. CLTC i bin givim sampela makmak na wanpela kau olsem peimen bilong graun.

Dispela koles i stap klostu 40 yia. Tasol i nogat wanpela kain peimen i kamap gen long dispela taim. Planti taim koles save tok

long givim ol sevis na ol narapela helpim.

Plis koles i gro long bisnis olsem kau, kakaruk, na ol gaden kaikai, nabaut tasol yet koles kansol i save lus tingting long ol papagraun ol i kolim ol Siko (Ngenduka) bilong Banz.

**MATT DEDEBOH
HOLEYAH
BANZ, WHP**

God i makim Anderson Agiru lida bilong SHP

Dia Edita,

Mipela pipel bilong Sauten Hailans i bin prea long gutpela lida long 199. God i bin bekim prea bilong mipela na em i givim mipela Mista Anderson Agiru.

Mipela olgeta pipel bilong Sauten Hailans i amamas tru long Mista Anderson Agiru em i wanpela kalaful lida tru bilong mipela pipel bilong Sauten Hailans.

Kain kain giaman kot i rausim em long Gavana sit, tasol em i stap yet olsem lida bilong mipela. Long yia 2007em bai i go bek long Gavana sit.

Taim Mista Agiru i go bek long Gavana wok, Sauten Hailans provins bai senis tru tru. Olgeta pipel bilong Sauten Hailans bai i kisim gutpela sevis.

Pawa bilong makim gutpela Gavana o lida em i stap long han bilong God na Pipel. Wanpela yia tasol taim em i stap Gavana em i wokim seven stori o haus man bilong mipela pipel bilong Sauten Hailans long bik-taun bilong mipela long Mendi.

Dispela em i mak tru bilong gutpela strongpela lida tru bilong provins wantaim kantri. Malumalu lida i no inap tru long mekim olsem.

Mipela pipel bilong Sauten Hailans i bilip tru, taim em i go bek long Gavana, em bai inapim ol kempein promis bilong em.

**DAI LABIYA
KAINANTU
ISTEN HAILANS PROVINS**

Ol meri no ken hangamap long kastam bilong waitman

Dia Edita,

Mi wanpela manki bilong ples Nindukum tasol nau mi stap long Kasmin No. 2 ples insait long Angoram Distrik, Wewak, Is Sepik provins.

Yes mi laik bekim pas bilong yu susa Marie Isophyllia bilong Bulolo, Morobe provins we i bin kamap long Mei 6-12, 2004.

Yes sista Marie, mi ridim pas bilong yu pinis, taim yu rait na agensim brata Winibe bilong Lae long noken bagarapim ol meri long putim trausis.

Yes, ok sista mi manki Sepik i laik sapotim Mista Winibe na agensim yu pes nogut long pas bilong yu we yu bin rait na agensim Winibe. Dispela toktok bilong yu em i no tru.

Mi yet mi olsem manki long ples na mi save olsem yu laik traim long haitim pasin tumbuna na ol kalsa long ples bilong yu. Em stret a...! Orait mi gat 3-pela askim bai yu bekim bihain.

Namba wan - mama i karim

yu long we, ples o haus sik o yu pundaun silip long wanem samting, bet limbum o trei? Namba tu - bilong wanem na gavman i save givim mani aut long wanwan provins long putim kamap ol kalsarel so insait long Papua Niugini?

Namba tri - Mi laik asim yu gen, yu wanem kain meri? Yu meri long ples o yu meri we i gat hai ministri antap long top level we gavman i save long yu.

Sapos yu meri long ples, mi laik tokim yu stret olsem yu noken pairap nating olsem emti dram. Na noken toktok-nating tu long dispela maus i nogat gris long em.

Yu mas pinis olgeta noken strongim sait nating long werim jin na 6-poket em i no trausis bilong yupela ol meri.

Dispela pasin bilong strongim sait i save pulumapim AIDS long 6-poket.

Orait narapela samting tu yu bin tok olsem PNG em i fri kantri.

Yes em i tru tasol yu go ova long mak. Bihainim mak bilong edukesen bilong yu, na bihainim mak bilong living stended bilong yu. Dispela bai soim klia olsem yu PNG tru tru.

Yes kantri i gat demokrasi sistem i stap, em i stret. Fridom na raits em i stap long yumi wanwan we yumi gat rait long mekim wanem samting yumi i gat laik long mekim.

Orait wanem samting mi laik tokim yupela em i olsem.

Dispela samting mipela i wok long tok pait i go kam long pepa i no mipela ol PNG save wokim, nogat em i save kam yet long save bilong waitman hia.

Waitman em i no longlong, em i save na wokim samting trausis na siot i nogat tambu long yupela long putim o werim i stap. Em bai yupela lukim olsem jipa bilong em bai i stap long lep han. Siot tu i wankain. I gat baten long lep han na yupela i save wokim nating tru long ol samting.

Harim yupela i no save long

wanem samting. Maski bihainim nating kastam bilong narapela man yu save waitman em i no save long sem, em i wanem samting.

Maski pens bilong gelpren bilong em em bai werim, ol tais bilong gelpren em ken werim o tupela i ken senisim nem bilong tupela olsem. Mak i ken i go long nem bilong gelpren na Anna i ken i go long nem bilong boi pren bilong em.

Dispela i soim olsem em i sistem o em i kastam bilong em.

Yu husat PNG man o meri i laik bihainim nating dispela kain sistem, bai yu luk olsem nogut.

Sista mi no wanbel tru long toktok bilong yu long brata Winibe.

Husat bilong agensim o sapotim, rait tasol long *Wantok Niuspepa*.

**HENRY GANJA
ANGORAM
IS SEPIK PROVINS**

Kisim was

Basra, Irak:

WANPELA soldia bilong ami bilong Briten i lukluk raun long taim em raun long was long ol rot bilong Basra, wanpela siti long sauten Irak. Briten i tokaut olsem em bai salim 370 moa soldia i go long sauten Irak.

Poto: AFP/HANI AL-OBEIDI



Bagarap

Lebenon:

OL PROTESTA bilong Lebenon i helpim wanpela poro bilong ol husat i kisim bagarap taim ol i wok long singaut na tromoi ol ston.

long ol soldia bilong ami long soim kros bilong ol long prais bilong bensin i go antap. Ol soldia i bin sut long gan i go bek long ol na i bin bagarapim sampela, olsem man long poto, na kilim 3-pela.


Poto: AFP/HAITHAM MUSSAWI

Lukim pinga bilong Buddha

Hong Kong:

OL PIPEL i pulim lain long lukim wanpela bilong ol pinga bilong Buddha, god bilong lotu

ol i save kolim Buddhism. Pinga i stap insait long wanpela glas boks we bulet bilong gan i no inap brukim long konvensen senta bilong Hong Kong.



Helpim mipela peim skul fi

Nicaragua:

PLANTI tausen sumatin long olgeta hap bilong kantri i wokabaut long fran bilong Nesenel Asembli long Managua, Nicaragua, na askim gavman long helpim peim 6 pesen bilong skul fi bilong ol.

Poto: AP/MARIO LOPEZ




Pait na dai kamap yet

Baghdad, Irak:



OL SOLDIA bilong Yunaited Stets ov Amerika i sanap was klostu long dai bodi bilong wanpela man Irak we ol i karamapim wantaim laplap. Dispela birua i bin kamap bihain long ol soldia i bin pait wantaim gan wantaim ol paitman bihain long wanpela bom klostu long rot we ol paitman i bin putim, i bin pairap na klostu bagarapim sampela trak na kar bilong ol soldia husat i wok long ron long Baghdad haiwe. Dispela birua i bin kisim laip bilong dispela man Irak long poto na bagarapim 7-pela arapela.

Poto: CEERWAN AZIZ/REUTERS



Helpim ol Haiti



Haiti:

WANPELA soldia bilong Canada, Sajen Richard Poisson, i karim Wilson Gaspa, husat i gat 14 kismas, i kam daun long wan-

pela helikopta long Port-au-Prince, Haiti las Fonde. Sajen Gaspa i bin kisim bikpela bagarap taim ol taitwara i bin bagarapim Mapou, taun we em i save stap

long en. Ol opisal i bin kisim em i go long Port-au-Prince long ol dokta i ken helpim em long bikpela haus sik long hap. Gaspar i gat 3-pela yangpela brata susa bihain long em, na olgeta i bin dai long dispela taitwara. Papa bilong em, Bienaimé Gaspar i sanap long lephan long poto.

Poto: AP



Praim Minista bilong Englan lukluk long helt sevis

London, Englan: go long lukim wanpela nupela developmen long Yunivesiti Koles Haus Sik long London, Englan. Blair i tok strong long ol vota long lukluk na abrusim ol ripot we i tok olsem helt sevis

long kantri i no gutpela na luk-save olsem long planti hap, helt sevis i wok long kamap gut moa.

Poto: REUTERS/KIRSTY WIGGLESWORTH/POOL



Prins i marit

Jordan:

KRAUN Prins bilong Jordan, Prins Hamzeh an meri bilong em Prinses Noor, i kamap long Zahran Pales long amamasim marit bilong ol long Amman, Jordan las Fonde.

Poto: AP/HUSSEIN MALLA

Amamas long rot bilong bel isi

Kenya:

NAMBA Wan Vais Presiden bilong Sudan, Ali Osman Mohamed Taha (lephan), Foren Minista bilong Kenya, Kofonzo Musvoka (namel) na lida bilong Sudan Pipels Liberesen Muvmen (SPLM), Dokta

John Garang (rait) i amamas bihain long ol i sainim wanpela moa pepa we i strongim wok bilong bel isi namel long ol tupela kantri we pait i wok long stap.

Ol i bin sainim dispela pepa long Naivasha, wanpela taun bilong Kenya, 90 kilomita ausait long kapitel siti Nairobi. Poto: AFP



Ol presiden bung na raun

Antigua, Guatemala:

Presiden bilong Frans, Jacques Chirac (lephan) na Presiden bilong Guatemalan, Oscar Berger (rait), i raun long Antigua, Guatemala las Fonde. Presiden Chirac i mekim tupela de lukluk raun ilong Antigua Guatemala.

Poto: AP/KENT GILBERT



Save gut long CSEC

... Kamapim gutpela na strongpela lo bilong turis

Barbara Tomi i raitim

WOK turisim i ken pulim bikpela mani i kam long kantri sapos i gat gutpela rot long ol turis i kam raun na lukim ol gutpela ples na bilas yumi i gat long kantri.

Long planti kantri tude, ol liklik kantri we i nogat ol gutpela samting long graun olsem gol, silva o kopa i save mekim bikpela mani long pulim ol turis i go insait long kantri bilong ol long lukim ol bilas na ples bilong ol na pasin kalsa ol i save holim.

Yumi hia long Papua Niugini yumi wanpela kantri we i gat gol, silva na kopa, bikbus na ol wel abus na ol maunten na wara na solwara na ol kainkain bilas bilong ol na wok turis i wok long groa isi isi.

Planti savelain i wok long turisim industri ovasis i gat bilip olsem sapos yumi hia long PNG i strongim gut wok turis bilong yumi, bai yu ken pulim bikpela mani tru i kam insait long kantri.

Olsem olgeta samting bilong dispela graun, i gat ol gutpela samting na ol nogut samting.

Bikpela hevi we turis i ken kamapim em long Inglis ol i tok Commercial Sexual Exploitation of Children (CSEC). Dispela em pasin bilong yusim ol pikinini aninit long 16 krismas long mekim ol wok. Planti taim ol i no save mekim gutpela wok. Ol save yusim ol long ol wok nogut olsem yusim bodi bilong ol long kisim mani.

Dispela hevi i ken kamap bikpela tru long PNG sapos yumi i no kamapim strongpela mekimsave na tu kamapim wanpela lo na opis bilong lukautim dispela hevi tasol taim wok turisim i groa strong long kantri.

CSEC em wanem samting?

CSEC (kolim olsem SISEK) em i tok long pasin we ol bikpela manmeri i save yusim ol pikinini long kisim mani long kain wok bilong yusim ol pikinini long pulim ol turis, yusim ol pikinini long pamuk pasin, yusim ol pikinini long mekim piksa nogut (ponografi), na giamanim ol pikinini na salim ol i go long narapela hap o long ol arapela lain long yusim ol long mekim pamuk pasin.

CSEC i min tu olsem pikinini ol i no yusim long mekim pasin pamuk long em tasol. Sapos samting yu mekim long pikinini we yu kisim sampela kain pei (mani o klos samting) dispela i soim olsem yu luksave long pikinini olsem em i samting bilong baim o salim. CSEC em i wanpela rait bilong ol pikinini we i stap aninit long wanpela intanesenel lo ol i kolim Atikel 34 na 35 bilong United Nations Convention on the Rights of the Child (UNCRC). Dispela lo i banisim ol pikinini.

CSEC em wanpela pasin we i bin stap bipo yet long olgeta komyuniti. Tasol dispela pasin i groa hariap o bikpela tru long las 10-pela yia na i wok long kamapim planti hevi long olgeta hap long wol. Em i hat long save tru hamas pikinini i stap insait long CSEC, tasol sampela stadi i soim olsem olsem namba i wok long i go bikpela. Planti ol oganaisesen i wok long i go bikpela na mplanti moa i wok long kamap long ol kantri we ol pipel i wok long kisim hevi bilong mani o sindaun i bagarap olsem long Esia, Afrika, Latin Amerika na nau CSEC i wok long go het long ol kantri long Isten Yurop, Pasifik na Indo-Saina. Planti namba bilong ol yang pipel

long ol liklik kantri tu i wok long kisim taim long pasin bilong pamuk o bagarapim laip bilong ol. Dispela pasin i wok long kamap bikos:

Planti ol bikhet lain i wok long painim ol gutpela hap o ples bilong child sex turisim o yusim ol pikinini long pamuk bisnis;


Planti ol bikhet lain i wok long yusim intanet (kompyuta wallis) long grisim ol pikinini long kisim save na tu soim ol piksa nogut long ol;

Planti ol pikinini nau long ol liklik kantri i wok long givim ol infomesen long ol bikhet lain ya long kisim mani o samting;

Pasin bilong salim ol pikinini i go long narapela i wok long i go bikpela bilong wanem ol lain i baim ol ya i save yusim nupela rot, boda na kantri long karim ol i go.


Ol pikinini man na meri aninit long krismas 10 na 18 em ol i save kisim taim long CSEC (Commercial Sexual Exploitation) tasol planti em ol meri. Aninit long UNCRC ol i luksave long ol pikinini em husat i stap aninit long 18 krismas o dispela em lo long kantri bilong em i tok em i pikinini. Olsem long PNG man meri aninit long 18 krismas em ol pikinini.

Ol as bilong CSEC em i hat na tu planti ol hevi i save bung wantaim long kamapim. Planti ol pikinini i go insait long seks industri em ol i nogat samting (pua) long ol viles o ol i nogat haus na i save stap raun nabaut long rot. Sampela ol famili bilong ol i salim ol i go long narapela husat i grisim ol dispela pikinini wantaim gutpela samting o bilas na kisim ol i go long bik siti we ol i mekim wok pamuk o narapela lain ken i haitim ol dispela pikinini. Sampela ol pikinini i save go insait long seks industri long sapatim ol famili bilong ol, long strongim famili long mani sait, long lukautim ol yet long sait bilong kaikai na samting long wanwan de o ol bik manmeri i yusim ol bilong wanem ol i nogut lukautim bilong ol papamama o i nogat hap long go. Ol narapela samting i save pulim ol pikinini long go insait long seks industri em long ol bagarap ol i bin bungim taim ol i liklik, ol i kisim bagarap long smok nogut o drag, i nogat wok o gutpela rot long kisim mani, famili i bruk o sindaun bagarap, nogat ol gutpela rot (sois) moa istap long bihainim na na nogat gutpela komyuniti sapat.



• Dispela em wanpela edvetismen Child Wise Australia i kamapim long stapim CSEC na seks turisim bilong ol pikinini.

Pikinini seks industri i save ol dispela ol bikhet lain insait long kantri yet o ol lain ausait. Planti ol dispela ol bikhet lain em ol man na liklik namba em ol meri. As bilong mekim ol dispela ol bikhet pasin em planti tasol i gat tupela kain ol bikhet lain. Wanpela em ol i save kolim situesenel ofenda na preferesel ofenda.



• Ol pikinini we mamapapa i lusim ol i save kisim taim long CSEC. Foto: FAIL

Situesenel o opotunistik ofenda em man o meri i nogat laik tru long mekim pamuk pasin wantaim ol pikinini tasol ol i save slip wantaim ol long kainkain as. Dispela preferensel ofenda (pidofail) em man husat i save laik slip na mekim pamuk pasin wantaim ol pikinini tasol. Namba bilong ol dispela lain i liklik tasol ol i save bagarapim planti ol pikinini.

Pikinini Seks Turisim em wanem?

Pikinini seks turisim em salim ol pikinini long ol ovasis man o meri:

a) Husat i lusim kantri bilong em na go long narapela kantri long mekim pamuk o marit pasin wantaim ol pikinini; o

b) I mekim pasin marit wantaim pikinini taim ol i stap ovasis.

Dispela kain pasin i save gat wanpela namel man o meri husat em wok bilong em long painim ol pikinini long ol lokel komyuniti.

Pikinini seks turisim i save kamap long ol

i stap we i ken givim (saplai) na ol i save kamap bikos long CSEC.

Pikinini seks turisim em hevi bilong wok turis

Turisim em i no as bilong pikinini seks turisim tasol em i save opim rot long CSEC long kamap na tu mekim isi long painim ol pikinini i nogat save long dispela birua. Planti ol gavman long wol i save kisim bikpela halivim long wok turis bilong ol na em i olsem bekim long ol hevi bilong ikonomi na ikonomi. Taim turisim i stat long kisim ples bilong ol wok olsem wok didiman, salim kaikai long maket o wok long opis, planti ol yangpela lusim ol ples na taun na muv i go klostu long ol turis hap we ol i ken kisim wok long sapatim ol yet na famili bilong ol. Long ol hap o kantri we wok turis i go bikpela, CSEC tu i go bikpela. Wok bilong pulim ol ai bilong ol turis long ol kantri long Esia i save yusim piksa bilong ol yanpela meri na ol pikinini we ol i luk nais na smat i soim dispela bilip olsem mekim pasin nogut long ol pikinini em stret na save surukim tingting nogut bilong ol dispela lain husat i save laik mekim marit pasin wantaim ol pikinini. Turisim i save kirapim laik bilong ol manmeri long laikim o aigris long ol samting olsem masin bilong wasim klos o masin bilong mekim kopi we ol i nogat o ol sevis we ol i no save kisim. Gris bilong mani i save pulim ol yangpela pipel na ol pikinini tu long salim bodi bilong ol long kisim siot, wokman (redio) na baisikel o wilwil. Sampela taim ol famili memba i save salim ol pikinini i go long ol pamuk ples we planti ol turis i save i go long en we ol i save wok nating na nogat pe.0

I no ol turis tasol i save lusim ples bilong ol na raun i go long ol arapela kantri long painim ol liklik pamuk man o meri, planti ol asples yet i save laikim ol pikinini. Planti ol dispela turis em ol man bilong narapela kantri na sampela taim ol save raun wantaim ol meri. Sampela bilong ol em ol preferesel ofenda husat i save laik mekim marit pasin wantaim ol pikinini. Ol arapela bai i nogat plen long painim ol pikinini long mekim pasin nogut wantaim tasol taim sans i kamap ol bai kisim tasol. Dispela lain bai i no inap tru mekim wankain pasin long ples bilong ol. Ol i no inap tingim lo bilong dispela kantri ol i raun long en, ol gutpela tingting na sosel na kalsa na ol i ting em bilong amamasim holide bilong ol tasol. Sampela taim ol dispela laik i nogat luksave long ol lain wantaim narapela kala skin o lotu na bilip. Ol pikinini em ol i save kisim long ol haus pamuk, ba o long nambis bilong ol turis. Preferensel ofenda i save prenim ol asples pikinini o save painim ol savelain we em i save askim ol long kisim ol pikinini i go antap long hotel rum bilong ol.

Neks Wik lukim ripot long Wanem samting yu mas mekim long daunim dispela hevi

Sotgan i bagarapim planti manmeri insait long kantri...

Bilong

wanem na

yumi yusim

gan long

stretim wari

bilong yumi?

Peter Maime

i lukluk long

dispela

bagarap...

Sotgan em birua long PNG tude

SOTGAN nau i kama p olsem wanpela bikpela birua samting insait long laip na sindaun bilong ol pipel bilong Papua Niugini.

Insait long ol taun na siti em ol bikhet man i holim ol birua samting olsem sotgan na pistol na pre-tim ol gutpela manmeri na kisim mani na kago bilong ol o ol i hensapim ol bisnis lain na kisim mani na kar bilong ol. Sampela em ol i kilim stret ol gutpela manmeri dai wantaim sotgan.

Dispela hevi bilong sotgan i stap hia long PNG tude na lo na oda i wok long go strong long stopim na daunim dispela pasin bilong holim sotgan.

Planti manmeri i lusim laip bilong ol pinis long sotgan na ol famili i kra i singaut long atoriti long mekim samting long stopim dispela birua pasin.

Gavman i laik lukluk long lo bilong stopim saplai bilong sotgan insait long kantri na tu gavman i laik kamapim lo bilong hangamapim ol raskol husat i kilim dai narapela man o meri. Ol dispela lo i stap yet wetim wanem taim bai gavman i stretim na mekim kamap lo bai i ken wok insait long kantri.

Las mun i bin gat wanpela woksop bilong Pasifik Ailan Forum long Pot Mosbi. Long dispela bung, Ekting bosman bilong Politikel na Ligel Stadis bilong Nesanel Rises Institut, James Laki i tok ol bikman olsem ol politisen na bisnisman i save painim isi long kisim ol pistol na gan. Em i tok long

dispela as na planti traibol pait na raskol pasin i kamap bikpela long Papua Niugini.

James Laki husat em wanpela ami opisa wantaim Papua Niugini Difens Fos i tok tu olsem ol gan amori o ples bilong lokim ol gan bilong plis na ami em isi long ol gan i lus.

Dispela mun wanpela traibol pait i bin bruk namel long tupela hauslain long Apa Bena long Isten Hailans provins.

Dispela raita i bin toktok wantaim Provinsel Polis Komanda, Suprintenden, Philip Solala, na em i tok 11-pela man i bin dai long dispela pait. Wanpela bilong ol husat i dai em wanpela liklik pikinini i pulim susu yet long

mama.

R i p o t Suprintenden Solala i kisim long opis bilong em i tok olsem, ol pait man long dispela ol haus lain i bin yusim ol hom-meid gan na tu ol strongpela gan em ol polis na ami i save yusim long mekim wok bilong ol.

Dispela kain traibel pait wantaim gan em i no kamap long Isten Hailans tasol. Dispela hevi i stap long olgeta hailans rijon. Em i stap long Simbu, Westen Hailans, Enga na Sauten Hailans provins.

Planti man, meri na pikinini i bin dai pinis long maus bilong gan long hailans. Planti bisnis tu i go long paia na ol famili i lusim ples na ronawe i go hait long bus. Ol papa i sikirap

long pait tasol ol mama na pikinini i save bungim hat taim long ren, kolwin na hangre.

Tu ol rot bilong kar, bus i karamapim, i nogat bris, i nogat haus sik na i nogat skul bilong ol pikinini. Pait i save bagarapim ol gutpela sevis bilong ol pipel.

Planti ol Hailans manmeri nau i ronowe i go long ol nambis ples long wokim bisnis, salim ol pikinini i go long skul na painim ol arapela sevis bilong gavman.

I luk olsem dispela hevi bilong pait wantaim gan i no inap pinis.

Planti taim ripot i save kam long niuspepa na redio olsem plis i save holim pasim ol stil gan long haiwe and long ol ples balus. Ripot tu i

save tok olsem ol dispela gan em ol man i laik kisim i go long hailans.

Bilong wanem na ol gan i laik go long hailans olgeta taim? I gat wanem kain gutpela wok bilong ol dispela gan?

Australia gavman i bin tok orait long salim sampela ol sinia polis manmeri bilong em long kam long PNG na wok wantaim PNG Plis Fos.

Tasol Australia i no laikim ol polis manmeri bilong em i kam aninit long lo bilong PNG. Dispela em PNG i no laikim na tupela gavman i tok pait yet.

Yumi no save wanem samting bai kam aut long dispela tok pait.

Tasol tupela gavman wantaim i luk-save olsem lo na

oda em wanpela bikpela hevi long PNG.

Sapos gavman na ol lida bilong yumi i no mekim wanpela samting long stopim ol gan i ron nabaut long kantri, ating PNG bai bungim bikpela bagarap. Na mi no inap kirap nogut sapos em i stat pastaim wantaim hailans rijon.

I gat wanpela bikpela kempen nau i wok long kamap insait long ol niuspepa long egensim dispela birua samting long komyuniti tude.

Dispela kempen i sut long soim birua na bagarap sotgan i ken kamapim insait long laip na sindaun bilong ol pipel na tu dispela i ken bagarapim kantri long planti samting.



Smok i gutpela o nogut samting?

Mande Mei 31 i bin "Wol No Tobako De." Long Papua Niugini sampela samting i bin kamap. Na long Nesenel Kapitel Distrik Helt Dipatmen i bin go pas na mekim ol toktok long pablik long Tabari ples, Boroko long toksave olsem smok em i wanem samting na inap kamapim wanem kain hevi.

Long dispela taim Wantok Niuspepa i raun na askim tingting bilong pablik sapos ol i ting smok i gutpela samting o i no gutpela samting. Planti i tok smok i no gutpela samting na olsem ol i askim ol manmeri na gavman long mekim sampela samting long stopim smok. Hia em tingting bilong ol.




Lorna Paul

LORNA Paul i bilong Goroka na marit long Sauten Hailans provins. Man bilong em Paul i save wok wantaim Nesenel Kapitel Distrik Komisen. Em i sindaun wantaim wantok meri bilong em Demelyn Douglas long Tabari ples we tupela i mekim ol bilum na salim taim Wantok Niuspepa i bungim em. Em i no save smok tasol long sampela taim em i bin bungim hevi na olsem i no save smok. Em i tok em i stop long smok tupela mun nau na i stap nating gen olsem em i save stap bipo. Hia em tingting bilong em: "Mi tok nogat long smok. Smok i no gutpela samting long wanem em i save bagarapim bodi. Taim manki i smuk em i ting em i bikman. Bihain em i kalap long smok nogut we dispela i paulim tingting bilong em na em i mekim trabel. Papamama i kisim hevi. Taim dispela ol manki o meri i marit na kamapim pikinini planti taim pikinini i no inap long kamap gut" em i tok. "Ol man i lusim planti mani taim ol i baim smok. Dispela i mekim na famili i save sot long mani na olsem ol i save go hangre.

Demelyn Douglas

Demelyn Douglas em singel meri na i bilong Goroka, Isten Hailans provins. Em i wanpela SDA meri na olsem em i no save smok. Em i save mekim bilum, salim kisim mani na sapatim em yet. Em i tok olsem long smok na pasin bilong smok: "Mi tok nogat long smok. Mi no laikim smok na mi no laikim ol manmeri long smok. Planti ol yangpela i mekim trabel taim ol i simokim smok nogut. Tasol pastaim long ol i smok ol i save lain long smok nating. Mi no laikim trabel pasin. Smok i no gutpela long bodi. Em i save bagarapim bodi. Taim manmeri i kisim smok laip bilong ol i sot. Ol i no inap stap longpela taim. Nau pe bilong smok i antap tumas. Planti mani i lus long dispela famili i sot long mani long baim kaikai na i save hangre. Ol manmeri i no ken smok. Ol i mas stop long smok."




Andrew Feta

Andrew Feta i singel na bilong Okapa long Isten Hailans provins. Em i yangpela manki na i save stap tasol wantaim famili bilong em long Pot Mosbi. Em i tok olsem long smok: "Smok i no gutpela samting. Ol manmeri i mas stopim smok. Gavman i mas stopim faktori bilong smok. Sapos gavman i stopim smok bai i nogat smok na olsem ol manmeri i no inap long smok long wanem i nogat smok moa bilong ol long smok. Sapos em i larim smok faktori long Madang na ol narapela hap bilong smok i mekim smok yet orait ol manmeri bai smok yet long wanem smok i stap klostu long ol," em i tok. Mi singaut long ol yangpela long stopim smok.

Elliot Joseph

Elliot Joseph i wantok bilong Feta na i bilong Okapa, Isten Hailans provins. Dispela singel manki i save smuk tasol em i tok olsem: "Yes papamama i save tokim mipela olsem smok i no gutpela samting tasol mipela i save smok yet. Na taim bilong skul ol manki i save yusim lans mani bilong baim kaikai. Bihain ol i go hangre," Joseph i tok. "Mi tok strong long ol manki long stopim smok. Smok i ken bagarapim bodi bilong mipela na givim sik long ol manmeri. Mi laik ol manmeri na gavman wantaim i mas lusim smok.



Joash Kokoti

Joash Kokoti i bilong Okapa, Isten Hailans provins. Em i no wok na olsem em i save stap salim buai na smok long painim mani na helpim em yet. Em i tok olsem long smok: "Smok i no gutpela samting. Mi tok nogat long smok. Mipela i mas stopim, stopim, stopim olgeta. Gavman i mas pasim ol faktori we i save mekim smok. Sapos em i no stopim ol manmeri bai smok yet," em i tok. "Mi save salim smok na kisim mani long dispela tasol mi askim gavman long em i mas stopim ol kampani long stopim smok. I gat planti ol narapela wei bilong painim mani. Smok i no gutpela long bodi. Taim ol manki i lain long smok em i isi long ol i smokim spak brus. Spak brus em i nogut samting. Em i no inap bagarapim bodi tasol, nogat. Em i save bagarapim tingting tu. Na taim ol manmeri i kisim



dispela smok em i ken bagarapim pikinini we ol bai kamapim bihain. Manmeri i lusim nating planti mani long smok. Mi tok nogat long smok na mi laik gavman na ol manmeri i mas stopim smok.

Faith Pisam

Faith Pisam i bilong Wabag, Enga provins na i stap long Pot Mosbi wantaim ankel bilong em. Ankel bilong em i wanpela bisnis man na Pisam i save samapim ol klos na salim long Tabari ples. Em i bilong AOG sios. Em i no save smok. Em i tok: "Mi tok nogat long smok. Smok i no gutpela long bodi. Em i save bagaraim lewa bilong man. Mi laik bai ol manmeri i mas stop long smok. Planti manmeri i lusim nating mani long smok na i no save baim kaikai. Smok em i kamap bikman bilong ol," em i tok. "Nau mi askim gavman na manmeri long stopim smok. Mi laikim olgeta manmeri tasol taim ol i smok smel bilong smok i save mekim mi i stap longwe long ol. Smel na kain samting marasin bilong smok i save kamapim long bodi bilong man tasol i no gutpela olsem

na mi tok nogat long smok.

Serah Jim

Serah Jim i bilong Pangia long Sauten Hailans provins. Em i marit na man bilong em Jim i save wok wantaim Curtain Brothers long Pot Mosbi. Serah i save lotu long AOG na em i no save smok. Em i save samapim klos na salim long Tabari ples, Boroko. Hia em tingting bilong em. "Mi tok nogat long smok. Mi no smok na mi askim ol manmeri long ol tu i no-ken smok," em i tok. Smok i save bagarapim laip. Em i givim kensa na ol i ken kisim asma (sik win sot).

Mi askim sampela famili memba bilong mi husat i wok long smok yet long ol i mas stopim. Narapela samting em mi ting ol manmeri i so op tasol long kisim smok. Ol i laik soim ol arapela manmeri olsem ol i ken smok. I no bikos em i painim sampela samting we i givim amamas long ol. Narapela samting em ol i save lusim nating planti mani long smok. Mani bilong kaikai i save lus nating long smok. Long ol spotmanmeri ol i ken win sot na kisim bagarap hariap.

Lucy Kapi Poria

Lucy Kapi Poria i bilong Pangia long Sauten Hailans provins. Em i meri bilong wanpela AOG pasto tasol man bilong em i dai pinis. Wankain olsem Serah em i save samapim laplap na salim long Tabari ples, Boroko.

Tingting bilong em long smok i go olsem: "Mi tok nogat long smok. Smok i no gutpela. Em i no gutpela long bodi na spirit wantaim. Buk Baibel i tok bodi bilong mipela i tempel bilong God na olsem mipela i mas oltaim lukautim dispela bodi em God Papa i givim long mipela.

Taim mipela i smok mipela i save bagarapim dispela tempel bilong God. Manmeri taim ol i smuk ol i save win sot na i no inap stap gut long laip. Ol i save lusim planti mani long em. Taim ol yangpela manki i kisim smuk ol i kalap long spak brus we spak brus i paulim het bilong ol.

Ol i go mekim bikhet pasin na mekim trabel long komyniti na givim hevi long komyniti, long famili bilong ol na ol yet. Na sapos spak brus i nogut tru, em i bagarapim tingting bilong olgeta. Mi tok nogat long smok na mi askim ol manmeri long stopim smok.

CATHOLIC RADIO schedule

Table with columns for 'Fonde', 'Mande', 'Fraide', 'Sarere', and 'Sande'. Each column lists radio programs and their corresponding times throughout the day.

Ol man baksait long musik bilong CHM



• John Toea i sindaun na setim musik i stap long CHM Rekoding Studio.

Alf na Neville Choi i raitim

KPLANTI long yumi i save laikim tru musik bilong ol wantok musik atis bilong yumi yet long Papua Niugini.

Mipela i save putim iau long musik bilong ol long olgeta de. Mipela i save harim long PMV bas taim mipela i save go long wok, mipela i save harim long haus long ples, o long klab.

Planti long mipela i save apim pairap bilong em taim mipela i harim save ol namba wan musik atis mipela i save laikim. Maski em namba wan singsing mipela i save laikim bilong Leonard Kania long radio o nupela musik vidio klip bilong Oshen long EMTV, mipela olgeta i save laikim musik stret.

Tasol taim mipela i save idai kirap long harim ol musik, mipela i save tingim ol man husat i save wok hat long kamapim ol stail pairap bilong wan wan singsing o nogat?

Long wan wan kaset, wan wan singsing, yu bai inap painim wanpela man husat ol musik atis i save laikim tru - dispela man em Saun Enjinia.

Chin Hoi Meen (CHM) Supersound i gat 10-pela Saun Enjinia. Wan wan long ol i save

wok wantaim wanpela musik atis long helpim ol long komposim o raitim ol musik, skelim strong bilong olgeta liklik hap saun o pairap bilong musik, makim kwolati o strong bilong saun na spit bilong ridim bilong wan wan singsing. Sampela taim, ol i save raitim ol singsing bilong ol musik atis.

Oshen, K-Dumen na Moses Tau tu i gat ol enjinia i save wok wantaim ol. Olgeta wan wan musik album i mas i gat wanpela enjinia husat i gat ekspiriens na save bilong stretim musik long stail bilong ol.

Ol Saun Enjinia bilong CHM em ol saveman bilong musik bilong bipo yet olsem Dika Dai (Chief), Lista Laka, George Luff, Wamsi Ilau, John Toea, Douglas Llamo, Chris Sassimis, Steven Ani, na tupela brata Radlee na Baine Lavaiamat.

Olgeta i kisim trening na sans long wok wantaim ol gutpela rekoding masin we bosman bilong CHM, Raymond Chin yet i save apredim o putim ol nupela stail samting i go insait long en.

Dispela kain gutpela masin tasol i save givim gutpela pairap long ol kaset na CD bilong CHM.

Bikpela bilip na tok stia

bilong Mista Chin i go long ol arapela musik studio insait long kantri em long kamapim na strongim musik stail bilong ol yet bai ol manmeri husat i save laikim musik tumas bai inap long harim save long stail bilong wan wan studio na laikim.

Ol wan wan bikpela studio husat i save wok wantaim CHM i gat wan wan kain stail pairap bilong musik bilong ol,



• (Chief) Dika Dai na Wamsi Ilau (sindaun) i putim stail bilong ol i go insait long musik bilong ol arapela musik atis long studio bilong CHM.

na ol saun enjinia bilong ol dispela studio tu i stat long mekim nem bilong ol yet tu. Dispela i wok long apim nem bilong studio bilong ol tu.

Emmanuel Mugaawa bilong Cyclone Studio na Demas Saul bilong Tumbuna Tracks em tupela saun senjinia bilong ol arapela studio insait long kantri husat i kamapim na strongim kain musik stail bilong ol yet long makim nem bilong studio bilong ol.

Nau ol ben na musik atis i rekod aninit long dispela tupela man i wok long soim strong bilong ol musik bilong ol tu.

Planti musik atis aninit long nem bilong CHM i bin stat olsem ol man nating long PNG musik indastri. Na yu bai lukim olsem planti long ol musik ben o atis i rekod wantaim ol em planti manmeri i save laikim musik bilong ol. Dispela em i save kam bek long save bilong saun enjinia.

Olsem na neks taim yu putim iau long radio, o lukluk TV na yu harim fevret musik bilong yu i pairap, yu bai i no inap tingim nem bilong em, tasol noken lus tingting long man i sindaun baksait long ol 38-trek musik miksa insait long studio. Sapos ol i no stap, ating musik bilong ol PNG musik atis bilong mipela bai i no inap long kamap gut.

EMTV GAID

Fonde 03/06/04

- 5.30 JOYCE MEYER MINISTRY
- 6.00 TODAY SHOW
- Special live coverage on the arrival and start of the Athens 2004 Olympic Torch Relay in Sydney.
- 9.00 CREFFLO DOLLAR
- 9.30 DR PHIL
- 10.20 GRADE 7 SCIENCE
- 11.10 GRADE 7 SOCIAL SCIENCE
- 12.00 GRADE 11 MATHS
- 12.50 GRADE 11 PHYSICS
- 1.30 GRADE 11 GEOGRAPHY
- 2.30 HERE'S HUMPHREY
- 3.00 BLUES CLUES
- 3.30 JUSTICE LEAGUE
- 4.00 HOT SOURCE
- 4.30 Y-Kids favourite
- 4.57 EMTV TOKSAVE
- 5.00 I DREAM OF JEANNIE
- 5.29 NEWS BREAK
- 5.30 THE PRICE IS RIGHT
- 6.00 NATIONAL EMTV NEWS
- 6.30 A CURRENT AFFAIR
- 6.57 TOK PISIN NEWS UPDATE
- 6.59 LOTTO DRAW
- 7.00 CHM SUPERSOUND
- 7.57 EMTV TOKSAVE
- 8.00 SPORT SCENE
- 9.30 THE FOOTY SHOW
- 11.00 AFL FOOTY SHOW
- 1.30 NIGHTLINE
- 2.00 EMTV CLASSIFIEDS

- 10.20 CHIT CHAT
- 10.27 EMTV TOKSAVE
- 11.00 CHURCHES MAGAZINE
- 11.30 PRAISE
- 12.00 EMTV CLASSIFIEDS
- 5.30 JOYCE MEYER

Mande 07/06/04

- 6.00 TODAY SHOW
- 9.00 CREFFLO DOLLAR
- 9.30 DR PHIL
- 10.20 GRADE 7 SCIENCE
- 11.10 GRADE 7 SOCIAL SCIENCE
- 12.00 GRADE 11 MATHS
- 12.50 GRADE 11 PHYSICS
- 1.30 GRADE 11 GEOGRAPHY
- 2.30 HERE'S HUMPHREY
- 3.00 BLUES CLUES
- 3.30 COURAGE THE COWARDLY DOG
- 4.00 HOT SOURCE
- 4.30 Y
- 4.57 EMTV TOKSAVE
- 5.00 I DREAM OF JEANNIE
- 5.29 NEWS BREAK
- 5.30 THE PRICE IS RIGHT
- 6.00 NATIONAL EMTV NEWS
- 6.30 A CURRENT AFFAIR
- 6.58 TOK PISIN NEWS UPDATE
- 6.59 LOTTO DRAW
- 7.00 PRAISE
- 8.00 INSAT PNG
- 8.27 EMTV TOKSAVE
- 8.30 WHO WANTS TO BE A MILLIONAIRE

Fraide 04/06/04

- 5.30 JOYCE MEYER MINISTRY
- 6.00 TODAY SHOW
- 9.00 CREFFLO DOLLAR
- 9.30 DR PHIL
- 12.00 GRADE 11 MATHS
- 12.50 GRADE 11 PHYSICS
- 1.30 GRADE 11 GEOGRAPHY
- 2.30 HERE'S HUMPHREY
- 3.00 BLUES CLUES
- 3.30 JUSTICE LEAGUE
- 4.00 HOT SOURCE
- 4.30 Y
- 4.57 EMTV TOKSAVE
- 5.00 I DREAM OF JEANNIE
- 5.29 NEWS BREAK
- 5.30 THE PRICE IS RIGHT
- 6.00 NATIONAL EMTV NEWS
- 6.30 A CURRENT AFFAIR
- 6.58 NEWS UPDATE
- 6.59 LOTTO DRAW
- 7.00 TOK PIKSA
- 7.30 BURKE'S BACKYARD
- 8.30 FRIDAY NIGHT FOOTBALL Round 12-Bulldogs v Roosters
- 10.57 EMTV TOKSAVE
- 11.00 FRIDAY NIGHT AFL LATE Collingwood v West Coast
- 2.00 EMTV NEWS REPLAY
- 2.30 NIGHTLINE
- 3.00 EMTV CLASSIFIEDS

- 10.30 CHM SUPER SOUND
- 11.30 NEWS REPLAY
- 0.00 NIGHTLINE
- 0.30 EMTV CLASSIFIEDS
- 5.30 JOYCE MEYER MINISTRY

Tunde 08/06/04

- 6.00 TODAY SHOW
- 9.00 CREFFLO DOLLAR
- 9.30 DR PHIL
- 10.20 GRADE 7 SCIENCE
- 11.10 GRADE 7 SOCIAL SCIENCE
- 12.00 GRADE 11 MATHS
- 12.50 GRADE 11 PHYSICS
- 1.30 GRADE 11 GEOGRAPHY
- 2.30 HERE'S HUMPHREY
- 3.00 BLUES CLUES
- 3.30 COURAGE THE COWARDLY DOG
- 4.00 HOT SOURCE
- 4.30 Y
- 4.57 EMTV TOKSAVE
- 5.00 I DREAM OF JEANNIE
- 5.29 NEWS BREAK
- 5.30 THE PRICE IS RIGHT
- 6.00 NATIONAL EMTV NEWS
- 6.30 A CURRENT AFFAIR
- 6.57 TOK PISIN NEWS UPDATE
- 6.59 LOTTO DRAW
- 7.00 HAUS & HOME
- 8.00 CROCODILE HUNTER DAIRIES
- 8.57 EMTV TOKSAVE
- 9.00 KING OF QUEENS
- 9.30 STINGERS
- 10.30 ER
- 11.30 EMTV NEWS REPLAY
- 12.00 NIGHTLINE
- 12.30 EMTV CLASSIFIEDS
- 5.30 JOYCE MEYER MINISTRY

Sarare 05/06/04

- 7.00 BARNEY
- 7.30 AROUND THE WORLD IN 80 DAYS
- 8.00 PLANET FANTA
- 9.30 DOWNLOAD
- 10.00 SO FRESH
- 11.30 XTREME SPORT
- 1.30 THE CAR SHOW
- 2.00 SATURDAY AFTERNOON AFL
- 5.00 ESCAPE WITH ET
- 5.30 THE BOAT SHOW
- 6.00 NATIONAL EMTV NEWS
- 6.30 AUSTRALIA FUNNIEST HOME VIDEO SHOW
- 7.30 NCDC NEWS
- 8.30 SOUTH PACIFIC MUSIC
- 9.27 EMTV TOKSAVE
- 9.30 XENA: WARRIOR PRINCESS
- 10.30 HERCULES
- 11.30 BABYLON 5
- 12.30 NEWS REPLAY
- 1.00 EMTV CLASSIFIED

Trinde 09/06/04

- 6.00 TODAY SHOW
- 9.00 CREFFLO DOLLAR
- 9.30 DR PHIL
- 10.20 GRADE 7 SCIENCE
- 11.10 GRADE 7 SOCIAL SCIENCE
- 12.00 GRADE 11 MATHS
- 12.50 GRADE 11 PHYSICS
- 1.30 GRADE 11 GEOGRAPHY
- 2.30 HERE'S HUMPHREY
- 3.00 BLUES CLUES
- 3.30 EDD N EDDY
- 4.00 HOT SOURCE
- 4.30 Y
- 4.57 EMTV TOKSAVE
- 5.00 I DREAM OF JEANNIE
- 5.29 NEWS BREAK
- 5.30 THE PRICE IS RIGHT
- 6.00 NATIONAL EMTV NEWS
- 6.30 A CURRENT AFFAIR
- 6.58 TOK PISIN NEWS UPDATE
- 7.59 LOTTO DRAW
- 7.00 ANIMAL HOSPITAL
- 7.30 XTREME MAKEOVER
- 8.27 EMTV TOKSAVE
- 8.30 WEDNESDAY NIGHT MOVIE: SWANN Rose Hindmarsh finds herself at the centre of a contro very when she meets author Sarah Maloney.

Sande 06/06/04

- 6.20 CHITCHAT
- 6.27 EMTV TOKSAVE
- 6.30 THE TEACHING MINISTRY OF CHARLES STANLEY
- 7.00 IT IS WRITTEN
- 7.30 WORLD OF WILDLIFE
- 8.00 BUSINESS SUNDAY
- 9.00 SUNDAY
- 11.00 SIGNS OF THE TIMES
- 12.00 NRL FOOTY SHOW
- 1.00 SUNDAY AFTERNOON AFL Sydney v St Kilda
- 4.00 SUNDAY FOOTBALL
- 6.00 NATIONAL EMTV NEWS
- 6.30 SEVENTH HEAVEN
- 7.30 SIXTY MINUTES
- 8.30 SUNDAY NIGHT MOVIE: RUSH HOUR 2

- 10.30 SOUTH PACIFIC MUSIC
- 11.30 EMTV NEWS REPLAY
- 12.00 NIGHTLINE
- 12.30 EMTV CLASSIFIEDS

Sande Nait Muvi: Rush Hour 2

Em taim bilong maiolo na Ditektiv Carter (Chris Tucker) na Lee (Jackie Chan) i go long Hong Kong. Carter i laik pati na painim ol meri. Tasol Lee em i laik painim wanpela biknem raskol man husat em i bilip long kilim idai tupela man long Embasi bilong Amerika long Hong Kong. Tupela bungim kain kain hevi taim ol i traim long painim ol birua lain na ol i mas go bek long Amerika long pinisim wok painim bilong ol.




Jackie Chan na Chris Tucker bung gen long mekim Rush Hour 2.

NATIONAL WEEKLY HIT PARADE

Sarare Jun 05, 2004
Twisties i sponsa

Singsing	Musik Atis	Las Wik	Dispela Wik
Nellien	Uralom/Moses Tau	1	1(7)
ToBes	Westall feat. Patti Doi	4	2(4)
Aroma	Hobby Mates	5	3(5)
704 (a loklok NCR)	Jnr Insects	3	3(4)
Lewa	Phi-Jay	2	5(19)
Mr Bombastic	Slim Buda	2	2(6)
Bucket	Doggies	11	7(10)
Kalivuvur	Patti Potts Doi	8	8(6)
Buimo Road	Camp 7	7	9(7)
Golden	Westall	9	10(9)
TTB	Moses Tau	20	11(16)
Natute	Westall	6	12(6)
Malra Pawa	Zong Hits	14	13(12)
Hanua Maurina	O-Shen	14	14(4)
Street Mangi	X-Azzimbah	10	15(11)
Lusim Ples	Camp 7	13	16(13)
Raitman	Nlu Age Band	18	18(18)
Sunshine	O-Shen	18	18(18)
Gungun Yeo	Slums of Simbu	0	19(0)
Gasoro	Pasiwa Boys	0	20(0)



Nem: Sony Ngahan
Krismas: 33 (man)
Adres: P.O. Box 2211, Lae, Morobe Provins
Save laikim: Pilai soka, hoki, saikling, raun raun long ol ples, pilai kompyuta gems na planti moa.

Nem: Henry Abaka Yawson
Krismas: 19 (man)
Adres: P.O.Box 292, Kasoa-Centrel Region, Ghana, West Africa
Save laikim: Go long lotu, pilai soka, tebol tenis na ron na tu raidim baik, ridim buk na raitim pas.

Nem: Rachel Salop
Krismas: 23 (meri)
Adres: Provincial Code Centre, P.O.Box 154, Buka, Bougainville Island
Save laikim: Ridim Holi Baibel, harim gospel musik, lukim T.V, tok pilai, pilai ragbi tas, soka na wok long gaden.

Nem: Elizah Nepe
Krismas: 16 (man)
Adres: Kaupena Hai Skul, P.O.Box 1092, Mt Hagen, Westen Hailans Provins
Save laikim: Pilai kibod, pilai gita, harim musik na raitim pas.

Nem: Merolyn Kinoria
Krismas: 16 (meri)
Adres: Mercy Sekenderi Skul, P.O.Box 580, Wewak, Is Sepik Provins.
Save laikim: Pilai basketbol, kukim kaikai, harim musik, ridim buk na raitim pas.

Nem: Josephine Anis
Krismas: 16 (meri)
Adres: Mercy Sekenderi Skul, P.O.Box 580, Wewak, Is Sepik Provins.
Save laikim: Pilai spot, harim musik, danis, go long lotu na bungim ol nupela pren.

Nem: Lisa Kambaki
Krismas: 15 (meri)
Adres: Mercy Sekenderi Skul, P.O.Box 580, Wewak, Is Sepik Provins.
Save laikim: Pilai ol gem, harim musik, danis, tok pilai, go long lotu, waswas na bungim ol nupela pren.

Nem: Nikita Killie
Krismas: 17 (meri)
Adres: Mercy Sekenderi Skul, P.O.Box 580, Wewak, Is Sepik Provins.
Save laikim: Pilai volibol, basketbol, na harim pop musik.

Nem: Mina Konge
Krismas: 18 (meri)
Adres: Mercy Sekenderi Skul, P.O.Box 580, Wewak, Is Sepik Provins.
Save laikim: Pilai soka, tok pilai, ridim buk na go long lotu.

Tewel paulim susa



STORI TUMBUNA

TUPELA brata na susa i bin save stap long ples Gulipyanda. Nem bilong brata bilong en em Lyailleya. Na nem bilong susa bilong em long stap long haus. Tasol susa i tok em wanpela i no laik stap long haus. Em i laik kam wantaim em. Brata i tokim susa, "yu pret long husat? Yu mas stap long haus." Em i tokim susa olsem na brata i go painim abus long bus.

Wanpela taim man ya i tokim susa bilong em olsem, nau i gutpela taim na em i mas go painim abus long bus. Na em i tokim susa bilong em long stap long haus. Tasol susa i tok em wanpela i no laik stap long haus. Em i laik kam wantaim em. Brata i tokim susa, "yu pret long husat? Yu mas stap long haus." Em i tokim susa olsem na brata i go painim abus long bus.

Yanpela meri ya i stap long haus bilong tupela.

Wanpela tewel man i tanim olsem brata bilong em na karim abus i kam long haus. Tewel man i singaut long yanpela meri susa, susa, mi kam pinis. Yu kam na lukim abus mi kilim long en.

Na meri i ting em i tru brata bilong em na kirap i go lukim abus. Meri i ting brata i kam kwik olsem wanem na askim em. "Brata, nau tasol yu go long bus na yu kilim ol abus olsem wanem? Bilong wanem yu kam bek hariap tumas long haus?"

Tewel man i tokim meri olsem, "mi laik sutim planti abus tasol wanpela samting i

go insait long ai bilong mi na mi kam. Susa yu kam na lukim wanem samting i stap insait long ai bilong mi. Yu kisim aut na mi go painim moa abus."

Man, yanpela meri ya i ting em i tok tru. Na meri ya i go klostu tru long tewel man na lukluk long ai bilong em na twel man i givim kis long em. Tupela i kis i go pinis meri ya krai na tokim tewel man olsem, mi susa tru bilong yu na bilong wanem yu mekim dispela kain pasin long mi? Na tewel man ya giaman daunim het bilong em na i no mekim wanpela tok. Bihain em i kirap na tokim meri olsem, 'em i namba wan taim bilong mi painim abus na mi mekim olsem. Ating ol samting nogut long bus i paulim mi na mi kam mekim pasin nogut long yu. Tasol nau yu tok olsem na mi sem olsem na mi go long bus long painim moa abus.

Meri ya i no ting long tewel

man em i ting brata bilong em i mekim na em i krai stap.

Taim tewel i go pinis tru brata bilong meri ya karim planti abus i kam na kirapim em tasol em i no kirap em i luk kros. Em i tokim brata bilong em olsem, husat i laik abus bilong yu na yu singaut planti i stap, yu yet kaikai mi no laik,

Man, brata bilong meri i wari tru tasol em i no save tewel man i kam na mekim pasin nogut long em. Em nau kirap na kilim pik bilong em long amamasim susa bilong em tasol i no inap long wanem tewel i mekim asua pinis. Trangu brata bilong em askim em long kam kaikai tasol em i strong moa yet na tok olsem, 'yu yet kaikai gutpela pik bilong yu husat i laikim gutpela pik bilong yu?'

Brata bilong em i belhat na askim susa olsem mi mekim

wanem pasin nogut na yu mekim olsem long mi? Orait yu no laik lukim, nau tasol mi lusim yu. Em tok olsem na kisim hap pik i go na sanap klostu long wanpela gutpela ples na gris bilong pik i go daun long graun na kamap wanpela raunwara.

Man susa i kam ausait ya nogat bikpela raunwara i raunim brata bilong em pinis. Meri singaut na tok, yu kam na mitupela marit tasol em i go daun pinis. Meri ya laik go holim nogat tait bilong wara i tromoi kam ausait gen long arere bilong raunwara. Na bihain em traim na i go insait long raunwara ya nogat wara i tromoi em long han diwi na em i dai pinis.

Nau tewel i mekim tupela susa na brata idai long wanpela taim tasol.

WEWAK IS SEPIK PROVINS



Mi gat wari na mi laikim helpim

Dia Laiplain,

Mi wanpela singel meri na mi no amamas long stap bilong mi long dispela taim.

Mi save kisim planti askim long go aut, tasol mi save tok nogat long ol. Mi kisim askim i go yet tasol mi no gat laik long go aut o bikhet nabaut. Tasol wanpela taim, mi no bin save na wanpela man bin kam insait long haus bilong mi na i mekim mi pret. Em bin tudak na mi no bin luksave long en tasol mi bin holim em long han na mi singaut long helpim na mi pusim em na pait long em i lusim mi. Mi wokim olsem na em bin katim han bilong mi na lusim mi.

Mi no pilim seif na mi krai planti long dispela kain pasin i kamap long mi. Mi toktok wantaim wanpela bikpela lain na ol i etvaisim mi olsem mi mas marit. Tasol mi no laikim dispela tingting.

Bai mi wokim wanem samting long lusim o daunim dispela hevi?

BITTER

Dia Pren,

Mipela i sori long harim kain samting olsem i kamap long yu. Em i no gutpela samting. I gat ol lain husat bai wokim dispela kain samting long narapela na



olsem, yumi i mas was gut long lukautim yumi yet. Planti lain i save pret na ol i no amamas olsem yu tasol. Ol i laikim ol samting, wankain olsem yu. Yumi ol man na yumi gat ol wankain laik, tingting na we long wokim samting.

Long leta, yu no bin tok sapos yu wok o nogat. Yu no stap long ples? I gutpela long save olsem i gat sampela o wanpela man o meri we yu ken toktok gut wantaim. Em i gutpela tu long glasim gut etvais bilong bikmeri tasol sampela taim, etvais i ken gutpela long helpim yu na tu, long narapela taim, em bai nogat. I no olgeta taim pasin bilong marit i stretim ol hevi. Tasol em i save opim rot long ol nupela sans long toktok.

Sapos yu no save long ol man meri i stap klostu long yu, bai yu no inap long

pilim gut. Taim yu no save long ol arapela lain i stap klostu long yu, wok wantaim yu o kain olsem, bai yu stap ausait long banis. Ol i kolim dispela long "vicious cycle".

I moabeta yu toktok na save long ol arapela man na meri. Tasol dispela i no min olsem bai yu tok yesa long askim bilong ol long go aut wantaim yu. Taim yu save gut long ol narapela manmeri, bai yu klia gut husat i gutpela na yu ken wokim disisen bilong yu long husat bai yu go aut wantaim. Na husat i askim yu long go aut long wanem ol i laik kamap gutpela poroman wantaim yu. Sapos yu save gut long ol arapela na wanpela bilong ol i askim yu long go aut, bai yu klia gut na neks taim em i askim yu, yu ken glasim em gut na tok yesa o nogat.

LAIPLAIN TOKSAVE

Sapos yu gat hevi o wari, rait i kam long Lifeline. P O Box 6047, Boroko, NCD. Yu ken ringim mipela tu long telpon namba 3260011. Mipela i no inap long autim trupela nem bilong yu long hia tasol taim yu rait long Lifeline, yu mas putim trupela nem na etres bilong yu na bai mipela i salim bekim long pas bilong yu.

Hap Hap Nius

Misima Gol Main givim K100 milien long PNG

PAS bilong Misima Gol Main bai lukim stop tu long mani ol pipel bilong Milen Be provins na nesenel ikonomi i save kisim, Maining Minista, Sam Akoitai i tok.

Mista Akoitai i tok olsem long laip bilong main, ol papagraun na ol pipel bilong Papua Niugini i kisim bikpela helpim long sait bilong mani bilong kantri, wok bilong ol pipel, ol hap han bisnis, infrastrukta olsem bris na rot, na ol sosel sevis.

"Misima Gol Main i bin givim K21 milien long ol pipel bilong Milen Be provins na K285 milien long nesenel ikonomi long taim em i bin stat long 15 yia i go pinis i kam inap long pas bilong en," Mista Akoitai i tok.

Em i tok olsem sapos ol i bungim wantaim olgeta narapela mani na helpim main i bin givim long kantri, em bai go long K100 milien.

Kamapim gutpela vanila

WANPELA 4 de woksop we i bin kamap las wik long Kaindi Tisas Koles long Is Sepik provins, i bin tok strong olsem ol groa i mas kamapim gutpela vanila.

Moa long 200 groa na ekspota o ol lain husat i save baim vanila long ol groa na salim i go ovasis, i bin stap long dispela woksop, we i lukluk long lainim ol long ol we bilong kamapim gutpela vanila na long luksave wanem vanila i gutpela o nogut.

Vanila Intanesenel Papua Niugini (VIP) - wanpela kampani we i stap long Wewak, i bin kamapim dispela woksop.

VIP i save helpim ol groa long ekspotim ol vanila bilong ol.

Adel Yousef, wanpela wokman wantaim VIP, i tok PNG i gat gutpela sans long developim gut vanila indastri bilong en mekim wol i luksave long dispela gutpela indastri em i gat.

Gavman i mas lukluk gen long Ok Tedi

...Ol pipel bilong Westen provins i no kisim wanpela gutpela developmen

OK TEDI main long Westen provins nogut bai pas sapos ol i no bungim sampela ol askim bilong Fly Riva Provinsel Gavman, Gavana bilong Westen provins, Dokta Bob Danaya, i tok.

Dokta Danaya i bin mekim dispela toktok long namba tu anuel jenerel miting bilong Sustenabol Developmen Progremlong (SDP) we i bin kamap long Pot Mosbi las Fonde.

Em i tok disisen long surukim taim we main i ken go het long wok i go long 21 moa yia, i kirapim bikpela wari long provinsel gavman na ol papagraun long

wanem ol i no wok long kisim wanpela gutpela samting long kampani.

Siaman bilong PNG SDP, Ross Gamaut, i tok ol lo bilong kampani we nesenel gavman i bin tok orait long en i bin tok olsem kampani i mas putim sampela mani ol i kisim i go insait long ol wok projek long kantri na long Westen provins.

Mista Gamaut i tok olsem em i lo kampani i wok long bihainim bihain long nesenel gavman i bin tok orait long en na bipo long kampani i bin kamap.

Dokta Danaya i tok kampani i

wok long yusim mani bilong ol pipel bilong Westen provins long kamapim ol narapela hap bilong kantri na i no wok long kamapim Westen provins.

"Plen bilong main long pas long yia 2005 i mas stop inap nesenel gavman i lukluk gen long ol wok bilong en na lukim sapos ol pipel bilong Westen provins i wok long kisim ol gutpela developmen," Dokta Danaya i tok.


Em i tok kampani i wok long putim mani i go insait long Hailans Haiwe na helpim long givim pawa long ol hap long Is Nu Briten provins na Wes Nu Briten

provins, tasol nogat wanpela kain developmen olsem i kamap long helpim ol pipel bilong Westen provins.

Dokta Danaya i tok olsem em i wok long redim wanpela pepa long givim long palamen neks mun long askim long mani mak we Westen provins i save kisim long kampani long i go antap.

Long nau yet, aninit long lo nesenel gavman i bin tok orait long en, mani mak we ol narapela hap bilong kantri i save kisim we i save kamap long ol projek i moa long mani mak we Westen provins i save kisim.

Woa bilong Wel?



I gat planti toktok olsem woa Amerika wantaim ol poro kantri bilong en i bin kirapim wantaim Irak em long wanem Amerika i laikim wel bilong Irak tasol, na as we ol i bin givim long kirapim woa, olsem lida bilong Irak long dispela taim, Saddam Hussein, i wok long tingting long bagarapim Amerika, i no as tru. Dispela katun piksa i soim Presiden bilong Amerika, George Bush (namel), olsem man nogut husat i wok long traim long stilim wel bilong ol Saudi Arabia na ol Irak. Long piksa Saddam Hussein i hait baksait long wel bilong em na putim was.

Bisnis bilong groim diwai long PNG

...Lukautim ol bus diwai we i stap pinis



2. Ol samting i stap long bus na graun we i kamapim developmen bilong renfores Biotik (Biotic Factor)

Biotic Factor i sut long ol enimol na ol liklik binatang insait long graun we i stap long dispela hap renfores na graun long dispela hap. Dispela i kamapim ol kainkain enimol o wel abus na ol man tu.

Ol lain i save wok wantaim fores i save brukim biotic factor long flora, fauna, micro organisms na man. Long tokaut long wok bilong ol man insait long renfores developmen, ol hevi bilong paia i save kamapim planti toktok long wanem samting ol man bai mekim long renfores.

Flora

Ol bus na diwai na ol samting long renfores i gat ol kainkain pasin na wei bilong ol long kamap. Ol i kamap long kainkain rot na wei bilong ol yet. Long dispela pan tropikal element na i go liklik moa em Antarctic element em ol bikpela samting. Long noten hap em Quercus (oak) i soim olsem em i kamap long pan tropikal element tasol em i save kisim bikpela developmen bilong em long noten temperesa hap o klaimet maski sampela i save kamap long tropiks.

Ating wanpela gutpela piksa em long kainkain renfores rijon long wol i ken sanap strong taim ol i kisim arapela bus samting na

planim olsem moa *eucalypts spp* ol i planim long Australia insait long bus. Taim ol i planim moa *eucalypts* insait long Saut Amerika, Esia na Afrika long hap we i gat renfores long en.

Olsem na bikpela luksave em kamap bilong renfores em i bihainim rait plen o pikinini diwai (flora) we i ken mekim kamap renfores long dispela hap ol i groa long en na mekim dispela hap ples i kamapim gutpela graun na klaimet. I gat planti hap olsem long saut westen Australia na Saut Afrika na saut Amerika we i gutpela long sapotim renfores. Sapos i nogat renfores ating em bikos i gat bikpela hap nambis i stap, ples i drai o deset we i stopim ol abus na ol samting we i save i go i kam long kainkain hap na kamapim renfores.

Long luksave long kamap bilong kainkain renfores i ken helpim long tokaut klia long ol hevi bilong silvicultural. Long Nu Silan renfores long hap i bin kamap long kainkain mikas ating olsem podocarps na ol dai. Ol i bin luksave long taim olsem podocarps i wok long dai isi isi long ol dispela bus. Mipela i ting olsem podocarps i bin kamap long bipo taim na ol diwai nau i kamap long dispela taim. Bikos long ol senis long bus graun na ol samting, dispela senis tu i sensim ol ol podocarps diwai wantaim ol open lip diwai long tude.

Stap bilong wanwan samting long ol hap ol i stap i bihainim stap gut bilong ol long dispela hap. Dispela em bikos ol i save pait na resis long kisim ples na stap long dispela hap.

Renfores menesmen i save kisim kainkain pasin bilong ol samting bilong dispela bus we i kamapim ol hevi. Ol kain hevi olsem,

- ol kainkain timba we i no wankain;
- kamap bilong ol i narakain long narapela;
- kamap bilong ol arapela samting we i no gutpela (kain olsem ol nil o posin diwai we i ken kilim kamap bilong ol arapela diwai).

Fauna

Birua we i save kamap long ol wel abus na long bus long renfores i save kamap bihainim ol bikpela abus tasol bikpela birua tru em ol binatang we i save karim ol sik olsem spaida, skopion, tik; maits o natnat na arapela moa na i save givim sik tu long ol man. Kain sik olsem tu i save daunim ol man long lukautim gut ol renfores we ol i ken yusim tu long helpim ol.

I gat planti rot we ol abus i save kamapim senis long developmen bilong renfores. Bikpela samting ol i save mekim em long brukim ol lip na ol diwai i go daun long graun we ol i sting na go bek long graun na kamap kaikai bilong ol arapela samting long kisim na kamap na dispela kain rot tasol em renfores i wok long kamap long olgeta hap graun.

Kamap bilong ol diwai na gras samting tu em ol abus i save karim flawa bilong ol i go long narapela diwai o gras na ol i kamapim nupela diwai o gras gen. Taim i nogat inap win long renfores eria, em i hat long win i helpim long karim ol flawa bilong diwai o gras i go long narapela long kamapim nupela diwai o gras samting. Olsem na i luk olsem planti diwai na ol gras i kamap em ol pisin na binatang i save karim flawa bilong ol i go i kam long narapela na ol i kamapim nupela diwai o gras samting.

Tasol i gat sampela bagarap tu ol abus i save kamapim tu long bus.

- ol nupela frut i lus bikos ol pisin na abus i kaikai,
- ol binatang i kaikai na bagarapim ol gras na diwai
- ol abus o binatang i kaikai ol plens.

Long ol nupela bus ples, kain bagarap olsem i save kamap na i gat liklik senis o developmen tasol i kamap long kirapim renfores. Tasol taim man i mekim wok bilong em tu long bus, ol bagarap tu i ken kamap.

Micro organisms

Dispela em bikpela samting we ol diwai na

samting i sting na go daun long graun. Insait long graun ol binatang bilong graun i stap bilong brukim ol dispela samting na mekim i kamap kaikai o gris bilong graun we arapela samting bai kisim long groa long en. Ol kainkain diwai i save groa na ol inap kisim dispela gris bilong graun long kamap o groa.

Man

Man i save kisim wanem samting em i laikim stret olsem liklik frut bilong diwai o katim liklik hap diwai long mekim wok bilong em. Man i no save kamapim bikpela bagarap tumas long ol samting bilong bus olsem ol bikpela enimol o abus olsem elepen we ol i brukim ol bus na diwai nabaut.

Tasol taim ol samting em i laikim i kamap planti o bikpela orait em i mas kisim moa samting long bus long stap laip na taim em i mekim olsem em i wok long bagarapim bikpela hap bilong renfores. Em i stat long laitim paia na kukim bus na ol samting. Taim man i bin stat long lainim long wok didiman em i stat long brukim bikpela hap bus na graun i go.

Sampela hap ol man i no save wok gaden tumas olsem na ol samting bilong bus i stap gut. Tasol sampela hap ol man i wok gaden na ol i brukim bus na graun wantaim tamiok na paia na mekim gaden.

Bihain ol larim graun i stap long kamap bus gen long sampela yia bihain tasol dispela i no kirapim bek wankain bus olsem bipo. Na dispela i save larim graun i stap na kamap olsem graslen o ples kunai o drai eria.

Moa wok agrikalsa i kamap na moa manmeri i kamap, ol i stat long tasim bus na renfores i stat long bungim hevi. Man i save kirapim paia na bagarapim renfores.

Tru man i kirapim paia tasol sampela taim laitning na volkeni tu i ken kamapim paia na bagarapim bus na ol samting. Sampela bikbus taim em i nupela yet i ken daunim paia.



Department of Prime Minister & NEC Public Sector Reform Management Unit

OL BIKPELA TINGTING LONG STIAIM GAVMAN LONG STRONGIM SENIS LONG PABLIK SEVIS RIFOM INSAIT LONG PAPUA NEW GUINEA 2003-2007

Nambawan Tingting Bilong Rifom

Nambawan wok bilong Pablik Sevis Rifom insait long Papua New Guinea em long daunima moni mak we Nesenol wantaim Provinsel Gavman i save yusim o westim nating, na long stretim pasin bilong yusim nating moni. Dispela kain wok bai inap long halivim gut Kantri long dispela taim nogut yumi igat bikpela hevi long wok moni bilong yumi.

Wanpela wok painim aut we lain Pablik Expendisa Riviu na Rikonsiliesen komiti ikarim aut long yia 2003, ibin tok klia long sampela samting bilong wokim long biahain taim long stopim wok bilong yusim nating na toromoi nating planti moni insait long Pablik Sevis. Dispela kain wok bai istap long han bilong ol egensi o woklain bilong Gavman na ol Provinsel Administresin. Ol Sentrel egensi imas go pas long givim strongpela halivim na gutpela save long kamapim dispela kain wok. Wanpela bikpela ting ting bilong Gavman em long strongim wok bilong Sentrel Egensi long karim aut dispela kain wok.

Nesenol Ikenomik na Fiskol Komisn bai pinisim ripot bilong em long yia 2004 long wanpela wok painim aut ol ibin wokim long galasim gut wok moni bilong Gavman. Gavman bai luk luk strong long ripot bilong dispela komisn na rausim ol samting we isave pasim rot bilong bringim ikam ol sevis long ol wan wan level bilong Gavman.

Ol namabawan ting ting long wok rifom ino stap tasol long wok moni bilong Gavman o long wei emi ronim wok bilong em. Bikpela hap wok istap long strongim na wokim wok igo het long kamapim gutpela sevis na bringim ol samting we bai halivim tru na kamapim gutpela sindaun bilong ol pipol.

Wok bilong kamapim akauntabiliti o lukautim gut moni na long go pas long wok na soim klia olgeta rot long wokim ol bikpela wok bilong Gavman imas go het yet. Dispela kain wok bai kamapim na strongim gut save long wokim kamap pasin bilong yusim na lukautim gut moni bilong Gavman. Bikpela as ting ting long wokim dispela kain wok em long bringim Gavman sevis igo hariap long ol pipol na ol komiuniti bai hamamas long sevis ol ikisim.

Long skelim gut ol dispela ting ting, yumi imas save gut olsem Nambawan ting ting insait long wok rifom em long strongim wok plen long:

- Daunim moni mak we Gavman emi yusim long ronim wok, lukautim gut pasin bilong yusim moni, kamapim gut wok bilong lukautim moni na stopim pasin bilong westim nating moni.
- Rausim ol samting we isave pasim rot bilong givim hariap moni na mekim ol kain kain wok insait long wan wan level bilong Gavman.
- Strongim wok bilong Gavman wantaim ol woklain bilong em long bringim senis o wok rifom igo long olgeta hap insait long wok bilong Gavman.
- Kamapim gut wok bilong Provinsel na Local Level Gavman long givim Gavman sevis igo long ol pipol.
- Strongim wok bilong lukautim gut moni, na igo pas long soim klia rot long wokim kamap gutpela wok moni bilong Gavman.

Long strongim ol Nambawan ting ting bilong Gavman, bai ol iwokim ol dispela wok:

- Kamapim wanplen wok plen na givim sapot long wok painim aut bilong PERR na wokim ol samting we ol imakim na Gavman ibin tok orait long wokim.
- Kamapim wanpela wok plen o program long strongim wok bilong ol Sentrel Egensi.
- Kamapim wok plen na givim sapot long strongim ol bisnis plan na putim Pablik Sekta Rifom plen igo insait long ol wok plen bilong olgeta Egensi na Provinsel Administresin.
- Kamapim wok plen long givim sapot igo long tupela Provins insait long yia 2004 na kamapim ol gutpela rot long bringim sevis, makim ol woklain, bihainim ol stretpla rot bilong wokim wok na lukautim gut ol wok.

Sampela egensi na provinsel administresin ibin sanapim pinis Rifom program bilong ol yet. Insait long narapela twelpela mun, olgeta egensi na provinsel administresin bai wokim wanpela Rifom plen na putim insait long Bisnis plen bilong ol yet.

Nambawan ting ting bilong dispela rifom plen bilong ol egensi o woklain bilong Gavman em long luk luk gut long wokim planti moa wok na katim daun moni ol yusim long wokim wok. Gavman bai givim sampela tingting long halivim wok bilong ol egensi wantaim ol Provinsel administresin long wokim dispela wok.

Gavman iwok long ting ting yet long wok painimaut PERR lain ibin kamapim. Tasol nau long dispela taim ol igat sampela wok em oli statim pinis na dispela imas go het moa. Dispela wok em long:

- Kamapim sampela rot bilong skelim pei oli usim bilong peim ol wokman/meri long pablik sevis.
- Pinisim wok bilong Ritrensmen o wok bilong katim daun namba bilong ol wok manmeri we igo het nau long dispela taim.
- Wok behainim rot em oli tokaut long ol pinis bilong wei bilong baem ol kaen saplai.
- Luk luk gut long ol rot long skelim wok bilong ol Gavman dipatmen na egensi we nau yet oli mekim ol wankaen wok.
- Lukluk gen long sampela rot we bai oli kamapim sampela tok-orait long ol pei bilong ol wokman/meri insait long pablik sevis.
- Givim strongpela sapot long ol Financial Controllers o ol man /meri husat igo pas long lukautim wok moni insait long ol bikpela Gavman Dipatmen.

Ridim namba 5 hap long ol toktok insait long ol tingting bilong stiaim Gavman long strongim ol senis insait long Pablik Sevis Rifom, long namba 17 de blong mun Jun.



Department of Prime Minister & NEC Public Sector reform Management Unit

LAGANI 2003 IA LAO 2007 PABLIK SEKTA RIFOM DURUA ENA PALANI

Reform o Senisi ena Gaukara Badana

Pablik sekta rifom o senisi abia mai palani ena gaukara badana ta be Papua New Guinea lalonai national bona provincial gavamani ena gaukara dekenai moni badaherea idia halusia kava ena kerere gabudia itaia bona idia koua, badina moni gaukaralaia kahanai kerere momo idia vara noho. Bema inai kerere idia hanmoa neganai tanobada dekenai durua badana do ia abia mai diba. Iseda tanobada ena moni gaukaralaia dalana hanmoa haraga be gaukara badana ta.

Lagani 2003 ena moni gaukaralaia ripoti o Public Expenditure Review and Rationalization (PERR) ripoti ese ia hedinarai moni negea kava ena gaukara koua ena dalana tamona be senisi abai mai gaukara ta idia haginia bona Central Agency oredia ese inai gaukara do idia gunalaia. Central Agencies o gavamani ena gaukara ia gunalaia orea badadia hegeregere Finance, Personal Management, National Planning bona haida danu edia gaukara dekenai goada henia vadaini senisi abia mai ena gaukara idia gunalaia bona aheua namonamo.

National Economic bona Fiscal Commission ena ripoti ese ia hedinarai danu gavamani lalonai moni gaukaralaia taravatu bema idia itaia namonamo bona auka gabudia idia kokia haraga vadaini Provincial bona Local Level Gavamani dekenai moni kahanai durua idia henia haraga diba.

Rifom o senisi abia mai ena gaukara badana be moni naria gaukara sibona dekenai lasi to taunimanima durua daladia ena kahanai bona unai nega tamona lalonai Provincial bona Local Level Gavamani ena durua henia gaukara dalana danu do idia hatubuade goada.

Gaukara lalonai gwaumaoro dalana, gaukara gunalaia dalana bona gaukara ia heau dalana idia hatubua namonamo neganai moni naria ena gaukara do ia hanmoa diba.

Gavamani ena laloa badana ta be taunimanima dekediai durua henia haraga ena dalana ta do idia haginia. Inai dalana amo gavamani ese hanua taudia dekenai durua namona idia henia diba.

Gavamani ese inai senisi abia mai gaukara lalonai ena laloa badana be gaukara karaia palani ia henia bona inai gaukara haida be:

- Gavamani ena gaukara ia karaia lalonai moni do ia naria namo namo bona dala maoro dekenai idia gaukaralaia bona moni negea kava dala dia idia koua.
- Gavamani oredia edia huanai gaukara karaia daladia bona durua henia moni abia haraga ena dala ia koua gaudia do idia kokia.
- Gavamani badana ena gaukara idia hatubua goada bona senisi abia mai gaukara do ia henia hanaia Gavamani oredia idau idau dekenai.
- Provincial bona Local Level Gavamani edia gaukara dalana hanmoa guna vadaini Gavamani ese taunimanima dekenai durua ia abia mai haraga diba.
- Gaukara lalonai gwaumaoro dalana, gaukara gunalaia dalana bona gaukara ia heau dalana idia hatubua namonamo neganai moni naria ena gaukara do ia hanmoa diba.

Gavamani ena laloa badadia durua totona inai gaukara daladia haida do idia karaia diba:

- Lagani 2003 lalonai Public Expenditure Review and Rationalisation orea ladana idia boiboi PERR orea ese tahua gaukara ta idia karaia amo gavamani ena gaukara hatubua daladia idia hedinarai bona durua henia gaukara palani ta idia haginia.
- Central Agencies o gavamani ena gaukara gunalaia orea badadia edia gaukara hatubua goada totona gaukara hebou ena program ta idia haginia,
- Pablik sekta rifom ena senisi abia mai palani bona bisnesi gaukara karaia palani idia durua henia vadaini gaukara oredia ibounai bona province ta ta edia gavamani gaukara lalonai palani idia ato bona gaukaralaia danu.
- Durua henia program ta do idia haginia lagani 2004 lalonai, province rua dekediai senisi abia mai daladia do idia gaukaralaia. Inai province rua lalonai tubudaekaua gaukara, hanua taudia durua henia dalana, gaukara dagi, gaukara karaia bona naria daladia do idia hatubua diba.

Gavamani ese ena gaukara oredia o agencies bona provincial gavamani edia administration dekediai durua do idia henia diba vaira hua gwauta rua lalonai senisi abia mai gaukara ena palani do idia haginia bona gaukaralaia edia oredia ta ta lalodai.

Gavamani ese senisi abia mai gaukara daladia momo idia do itaia noho to inai nega lalonai moni naria bona gaukaralaia ena kahanai gavamani ese dala haida idia ura haginia haraga bona inai daladia be:

- Gaukara taudia edia davana naria dalana hanmoa.
- Gaukara idia rakatania taudia durua henia daladia idia hamomokania.
- Rifom o senisi abia mai palani idia gaukaralaia namonamo bona maoro dalana idia badinaia.
- Gavamani department bona agnecies o gaukara oredia edia senisi abia mai gaukara karaia dala idau idau idia itaia.
- Pablik sevis lalonai gaukara karaia taudia edia davana karaia ena gwauhamata taravatu idia itaia lou.
- Gavamani department ta ta edia moni gaukara naria ena gunalaia.
- Taudia o Financial Controller dekenai durua henia edia idia gaukara karaia namo namo totona.

Hua June 17 lalonai Pablik Sekta Rifom ena lalohadai bona ena gaukara oi duhaia bona itaia namonamo.

HADIBAIA HEREA TALKBACK SHOW FM 100 LALONAI 10 KOLOK DABAI IA LAO 12 KOLOK ADORANI WEDNESDAY IBOUNAI PABLIK SEKTA RIFOM ENA PROGRESS DALANA OI KAMONAI.



Raun wantaim Kanage long olgeta wik!

Kanage bilong Mundu masalai hap sait long wara Simbu, Kundiawa, Simbu provins.

Wanpela taim Kanage i stap long ples i go na tingim nau em fotnait Fraide, mi mas i go raun long taun na painim sampela wantok na ol bai baim sampela buai bilong mi. Mi kaikai na kam bek long ples.

Em ting olsem pinis nau em i go long taun na em i go painim wanpela poro bilong em.

Nau tupela i holim han na wok-abaut i go daun long Gembogl bas stop.

Wanpela yangpela boi i ron i kam long Kanage wantaim poro bilong em na tok baim long liklik mani na bikipela spak.

Kanage i tingting i go na tingting i sot nating. Nau Kanage kirap na askim yangpela boi ya yu tok wanem? Boi kirap na tok baim long liklik mani na bikipela spak.

Em wanem ya, boi kirap rausim wanpela plastik 500ml coke na tok traim. Kanage kirap na tok em kol wara ya.

Boi i tok baim coke na miksim na dring, na Kanage wantaim poro bilong em tupela holim wanwan na wokabaut i go daun liklik nau Kanage lukim ol diwai na gras wok long muv.

Na tu ol manmeri i kamap tu long ai bilong em. Bihain long dispela em i lusim poro na laik i go bek long ples.

Em kam long hap rot na em lukim tupela yangpela meri i kam na Kanage kirap askim tupela, tupela i go we apinun pinis maket aut, yutupela laik kisim buai na kam?

Mi salim buai i stap. Mi salim 20 tea long tupela buai na wanpela longpela daka.

Em tromoi dispela nek, tupela meri ya singaut bikmaus na kra i wantaim i go long haus.

Ol brata i kam paitim Kanage nogut tru na nus maus i senis, em i no sanap na wokabaut em wok-abaut long bel i go long haus bilong brata bilong em na tok ol manki i kam pait long mi.

Brata lukim Kanage i kisim bikipela bagarap olsem na em kisim ol manki i go long kot.

Olgeta kamap long kot na ol lida skelim tok i go na tok Kanage i rong olgeta olsem na sori Kanage i kisim bikipela bagarap.

**HANGRA GOIYE
KAINANTU
ISTEN HAILENS PROVINS**

Kanage em i wanpela manki Siko Miks Y2K bilong 0.5 ples long Banz yet.

Long Niu Yia em i bin kilim skin long stim i go tulait bruk long Fonde na em sanap long Sigiri Maunten.

Wanpela kar i bin gat ol pasindia i kam stop na em lukim wanpela kekeni kum katim i stap long kar.

Kanage hariap tru holim dispela meri na kra i strong tru na tok em anti bilong em.

Olgeta pren bilong Kanage na ol pasindia bilong kar i paol olgeta. Samting tru ya, em i no save long dispela meri, em i wok long traim lak tasol.

**MATT DEDEBOH
BANZ
WESTEN HAILENS PROVINS**

Kanage wantaim meri bilong em tupela i yangpela marit na i bin i gat wanpela fes bon pikinini man olsem Kanage yet.

Pikinini ya i tupela mun tasol na ol save stap. Nau wanpela taim long moning, tupela Kanage na misis bilong em i kam ausait long haus na hatim skin bilong tupela long moning san na stori i go i kam i stap.

Nau i no long taim liklik, meri bilong Kanage i painim laus bilong Kanage na em i kisim filings na em i slip antap long tais bilong meri.

Em nau wanpela tingting i kisim Kanage na em i tromoi han i go na pulim susu bilong meri bilong em na

i dring i go i go na traipela susu bilong meri bilong en i slek hariap tru.

Bihain i no long taim liklik Kanage pilim nogut nau na em i kirap na laik sanap ya nogat em i trautim susu wara gen i kam aut long maus.

Meri bilong em lukim na em i sekim susu bilong em ya nogat susu nogat hevi na slek olgeta. Nau na em i singaut antap long Kanage na Kanage i tekov.

Trangu papa Kanage yet i dring na sotim saplai bilong pikinini bilong em. Bihain nau pikinini i kra i long susu i go i go na nek bilong em i pas olgeta.

**TOOVEY FEKAU
KAINANTU
ISTEN HAILENS PROVINS**

Kanage i save wok long Bintagor Trading long Goroka.

Em wanpela man bilong wok hat stret olsem na bosman bilong em i amamas long en na em i givim em tupela wik malolo na tokim em long go raun long Mosbi na bai kam bek.

Olsem na long 3 kilok em i lusim wok na go daun long haus bilong em long baksait long Lahanis Klab na tokim em long olsem bosman i tok olsem na tumoro bai mi go long Mosbi.

Nau meri bilong em i sore nogut tru long em nau na tupela i holim pas na silip istap.

Tasol tupela i no pasim dua bilong rum na pikinini meri bilong tupela i pilai long ausait i go i go na spit tasol insait na pusim rum dua ya nogat em i lukim tupela papamama i slip i stap.

Hariap tasol mama bilong em kirap na tokim em, nogat dedi bilong yu bai go Mosbi olsem na mi sore long en na holim pasim em ya yu pasin dua na go ausait.

Nau gel ya kam pasim dua na go ausait.

Bihain apinun ol kukim kaikai na kaikai pinis ol i slip long moning taim tru ol i kisim taun bas na i go antap long ples balus na long rot tupela dok i wok long mekim save i stap stret ol famili i pas bai long bas na liklik meri i lukim tupela dok na askim mama bilong em, mami tupela dok tu bai go long Mosbi a?

Na mama bilong em lap na tanim pes i go long papa Kanage. Kanage tu i lap na tokim em, yu pikinini meri ya na bihain bai yu save.

Dispela em ol enimo i ya ol bai no inap go long Mosbi.

**TOOVEY FEKAU
KAINANTU
ISTEN HAILENS PROVINS**

Raun wantaim KANAGE



RAUN WANTAIM EM TASOLI EM WE BILONG EMI

KANAGE EM WANPELA DRAG DILA LONG GOROKA TAUN...OLGETA POLIS LONG TAUN I SAVE GUT TRU LONG EM...



EH..SANIBOI..K2 TASOL INO PLANTI..

SORI TRUI.. MI NO SAVE SIMUKIM MARI-WANAI

LONG POLIS STESIN OL POLIS I PASIM TOK LONG SUTIM EM TAIM OL I BUNGIM EM...



...EM WANPELA ESKEIPI NA DRAG DILA..SUT TU KIL SAPOS YUPELA I BUNGIM EMI NOGAT MARIMARI!

POLICE N

WANTED KANAGE

ESCAPE DRAG DILA!!

ROBERY

KANAGE RAUN WANTAIM MERI BILONG EM LONG GOROKA SO GRAUN NA EM WOK LONG SALIM DRAG I STAP...LONG HAP OL POLIS TU I WOK LONG PAINIM EM...



AIYOOI OL POLIS I WOK LONG PAINIM MI.. BAI MI HAIT WE?

KANAGE PAINIM PLES LONG HAIT... EM KALAP I GO INSAIT LONG TRAIPELA BILUM BILONG MERI BILONG EM NA TOKIM EM LONG KARIM EM I GO LONG GET..OL POLIS TU I PUTIM WAS LONG GET...



HOI MISIS KANAGE! MIPELA I PAINIM MAN BILONG YU.. EM I STAP WE?

OL POLIS I LUKIM MERI BILONG KANAGE NA OL I STOPIM EM...

OL I NO SAVE OLSEM BOIROS I STAP INSAIT LONG BILONG NA EKT OLSEM BEIBI I STAP...



KILIM EM I DAI TASOL I HUSAT I BISI LONG EM..MI NO WARI LONG EM..INAP MI GO, BEIBI I KAIKAI PLANTI NA EMI HEVI TRU LONG KARIM YAH!

MAMI TUTU...

WANTOK

TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 8527 or Fax: Nogat yet EMAIL: wordadvertising@global.net.pg

BAIM GOL

Gol Baia - Metals Refining Operations

Givim gutpela prais insait long kauntri bilong yumi. Ino namel man ibaim long yu. Kam na salim gol bilong yu stret long opis bilong MRO.
MRO Istep long Seksen 451, Alotment 2, Kuila Estate, Kameron rot, Waigani
P.O. Box 3980, Boroko, NCD
Papua Niugini

Phone: 325 2647 or Fax: 325 2959

GOL BAIYA

KVDC GOLD LIMITED

1. Would you like to own a Gold Company that makes Money for you today?
2. Do you need money now? We believe you do. We can certainly help you repay all your loans if you join us today.
3. How about your current job? Is it secured and are you making money that you deserve? Call us now.
4. Is your future Financially secured? We don't think so. Call us now, do not delay.

We Specialise in:

- Buying & Selling Gold in PNG and Overseas using stronger currencies
- International Gold & Commodity Trading
- International money transfers
- Establishing OD Limits for PNG Rural people to do business
- Assisting PNG Rural People Start up Small Business

CALL US NOW!

Ph: 311 3445, 311 3444 or 311 3446
Fax: (675) 311 3447
PO Box 3183, BOROKO, NCD
Email: natwolaptru@datec.net.pg

FRESH SAGO AND VANILLA

EAST SEPIK FRESH SAGO - K20Kg Bag

Wewak / Madang Wewak / Hagen
Wewak / Lae wewak / Goroka
wewak / Moresby
Contact: Peter Devis - Ph/Fax: 856 2743
Email: pdevis@datec.net.pg

VANILLA VINE CUTTINGS

for sale, nearly to all destination in the country.
For price list contact Peter Devis on Ph/Fax: 856 2743, email: pdevis@datec.net.pg or postal address: P.O. Box 89 Wewak, ESP
how to make a good quality cured beans.
Book also Available
We also can be agents for vanilla bean buying companies.

MENESMEN SEVISES



MANPOWER

Management Services Limited
(Fast and Efficient Service)

- Training & Localisation programs
- Work Permits
- Visas
- Company Incorporations
- IPA Certifications
(Reminders automatically remitted)

Contact: Helen, Liz,
Telephone: 321 5491 / 321 5492
Facsimile: 321 5493
Email: manpower@daltron.com.pg



ISLANDS HR MANAGEMENT CONSULTANT LTD

Specialise in the following activities

- Recruitment & Labour Hire
- Business development
- Rural / NGO Funded projects
- Secretarial Service

We are located at
Suit 8 Level 1 Garden City, Angau Drive, Boroko

Email: hrmc@datec.com.pg
PO Box 889, Boroko, NCD
Ph/ Fax: 323 4799

PISIN TANIM TOK



TRANSLATION

WORD PUBLISHING IS OFFERING TRANSLATION SERVICES, TRANSLATE ENGLISH TO TOK PISIN & MOTU
FOR MORE INFORMATION CALL BONNER HUI ON
PHONE 325 2500 OR FAX 325 2579.
email: wordadvertising@global.net.pg

REKODING STUDIO



GMA RECORDING STUDIO

WE CAN OFFER

- Digital Recording
- High Speed Dubbing
- Album & Demo Production
- Commercial Audio Jingles
- Hire of Studio Equipment
- Public Address System
- Bulk Cassette & Compact Disk Orders
- In-house DJ Music
- Live Bank Entertainment

For any of the above services please contact Douglas on Tel/Fax: 326 1523 or write to: Manager, PO Box 339, UPNG

INSURANCE

PABLIK NOTIS HIH INSURANCE (PNG) LTD

Ol Dairekta blong HIH Insurance (PNG) Limited ("HIH PNG") (pastaim ol i save kolim MBf Assurance na FAI Insurance) i laik toksave long pablik olsem Kampani i kam klostu nau long pinisim ol wok blong em insait long PNG.

Olsem tasol, HIH PNG (wantaim MBf Assurance na FAI Insurance) i askim sapos husait man o meri i bilip olsem em i gat kleim we kampani i no stretim yet, orait em i mas salim kleim o wari blong em i kam long dispela adres; HIH Insurance (PNG) Limited, Level 2, Mogoru Moto Building, Champion Parade, Port Moresby, P O Box 507, Port Moresby o long Fax namba 321 2780 o long email kpmgpng@kpmgpng.com.pg kwik taim tasol.

Bod of Dairektas blong HIH PNG i autoraisim

SEKENHAN KLOS

FRIENDTEX LTD

P.O. BOX 5049 BOROKO
PHONE: 323 1471
FAX: 323 1479

Dealers & Wholesaler Secondhand Clothing
SPEND LESS FOR BEST PRE CHRISTMAS..... Specials
A Visit is a Must
ALL IN BALES OF 50KGS

- K595 Jean Trouser, Child Jean, Beach Shorts, Bedsheets, Skirts, Colour Jean Pants, Child Pants, Boy colour Jean, L/Tank Tops, S/Less Dress, 3/4 Disco Pants, Nylon Rummage, Sports Shorts, Hemmed Shorts, L/Zip Jackets, Boy Jeans, Ladies Tights, M/Tank Tops, L/Sleeve Polo, Capre, Blue Jean Jackets
- K770 Cotton Pants, Kids/TShirts, Denim Shirts
- K630 Child Mix, Collar T/Shirts, BS/PCK
- K550 RN Plain T/Shirts, Skirts Pants, Jean Shorts, Mix Shorts, Floppy Pants, Socks, Skirts, Tropical Pants, Pillowcases, S/Less Blouse, Flannel Shirts
- K880 Towels, Jean 100 PCs.

AVAILABLE & NEW STOCKS

Cargo Shorts, Cargo Trousers, Hunting Jackets, Rugby Polo, Jersey, Cotton Blouse, Mix Jersey, Ladies Bra, Ladies Suit, Denim Bermuda Shorts 3/4. Mixed Bales AA Supreme & special price. Special discount for bulk buyers.
Location: Kenmore Trade Centre
Unit 11 off Cameron Road
Next to Arnotts Biscuits Factory - Gordons

TREID NA EKSPOT

FAIRFAX EXPORTS LIMITED

LICENSED CROCODILE SKIN TRADERS AND EXPORTERS

We buy Crocodile Skins

MON - SAT

BURNS HOUSE
STANLEY ESPLANADE, PORT MORESBY

Tel: 321 4755

Fax: 321 4751

SURGEON ON CALL

SURGEON ON - CALL

(24 HRS DOCTOR IS AVAILABLE)

Do you need a surgeon urgently?

Do you need to have a private surgical operation? Are you tired of waiting for an operation to be done?

Do you need a second opinion on your illness?

Or just an anonymous advice?

Do you need any other medicine related assistance?

If you do then we are happy to help

Give us a call

Phone: 311 - 3440 BH


Phone: 311-3455 BH

Mobile: 686-8585 AH

Ringim Bonner Hui sapos yu laik advatais insait long Treid Dairektri bilong mipela.

Ph: 325 2500 Fax: 325 2579 -

Email: word@global.net.pg



Em Tim Bilong Mi

Raun 12 NRL Dro

Fraide, Jun 4 7.30 pm

Telstra Stadium

 Canterbury Bulldogs V Sydney City Roosters

*Lukim dispela gem long EMTV long hap pas 8 long Fraide nait.

Sarere, Jun 5

5.30pm, Olympic Park

 Melbourne Storm V West Tigers

7.30pm, WIN Stadium

 St George Dragons V NQ Cowboys

7.30pm, Energy Australia Stadium

 Newcastle Knights V Paramatta Eels

Sande, Jun 6

2.00pm, Ericsson Stadium

 NZ Warriors V Canberra Raiders

2.30pm, Brookevale Oval

 Manley Sea Eagles V Penrith Panthers

3:00pm Suncorp Stadium

 Brisbane Broncos V Cronulla Sharks

*Lukim dispela gem long EMTV long 4 kilok long apinun na putim iau long FM 100 sapos yu laik harim laip brodkas bilong dispela na ol arapela gem tu.

Rabbitohs - Malolo

Strong bilong ol tim i sanap olsem bihain long pilai bilong ol long Raun 12


Ol namba wan tim bilong brukim difens bilong ol arapela tim

Ol tim we difens bilong ol i winim ol arapela tim

- Storm
- Roosters
- Dragons
- Panthers
- Bulldogs



- Roosters
- Cowboys
- Dragons
- West Tigers
- Broncos



Hodges laik pilaia senta bilong Maroons


JUSTIN Hodges i pulim tingting bilong ol opisel bilong Kwinnslen State of Origin long putim em long pilaim senta long namba tu gem long Brisbane long dispela mun. Wan pilaia bilong em long Sydney Roosters Brett Finch i sapatim dispela tingting bihain long Hodges i pilaim gutpela gem tru long las wiken we i lukim tim bilong em i win 58-6 agensim NZ Warriors long Aussie Stadium long Sande.

Hodges i tokaut olsem em i bin painim hat tru long pilai long winga taim ol i lus long golden poin 9-8 long NSW long namba wan gem bilong Orijin long las wik Trinde. Askim sapos em i laik pilaim senta long Maroons, we em inap kisim ples bilong North Queensland Paul Bowman, Hodges i tok: "em posisen mi laik pilai long en."

"I luk olsem mi ken pilai gut long neks wik na kisim ples long senta na lusim winga."

"Gem bilong mi long las wik Trinde long winga i luk olsem mi painim hat long pilaim gem bilong mi."

Finch husat i bin pilai gut tru long win bilong Roosters agensim Warriors las wiken i tok Hodges i no pilai gut long



• Hodges (rait) i wok long pilai gut tru long senta wan-

winga na i no kisim inap bal tu long sait.

Em i mas pilaim senta bilong Kwinnslen, Finch i tok.

Em i wok long kisim bek pilai bilong em long las yia na taim em i wok long holim bal moa, gem bilong em i wok long kamap gut moa.

Long stat bilong NRL gem

dispela yia planti lain i tok Hodges i no pilai gut olsem bipo bihain long em bin kisim bagarap long lek bilong em na malolo longpela taim long las yia.

Ol manmeri i no save long bikpela hatwok yu mas mekim taim yu kam bek long bagarap olsem. Hodges i bin kisim bagarap long skru bilong em

las yia.

Hodges i tok Roosters i bin givim em malolo long las yia long go stretim ol hevi bilong em pastaim na bihain kam bek.

"Mi wok long orait nau long sampela hevi bilong mi yet," em i tok.

Kosa bilong Roosters Ricky Stuart i tok em i nogat tu bel yet long Hodges.

"Planti lain i toktok planti ya i no klia long bagarap Hodges i kisim long skru bilong em," Stuart i tok.

Finch tu em wanpela hapbek ol opisel bilong Nu Saut Wels i lukluk long makim em bihain long Craig Gower i kisim bagarap na i no inap pilai long namba tu State of Origin.

Cronulla kepten Brett Kimmorley tu i kisim singaut long kisim ples bilong Blues namba 7.


Finch i tok em i nogat ekspe-riens olsem Brett Kimmorley o Craig Gower husat i bin pilai long dispela level bipo na save gut long strong bilong dispela gem.

"Tasol mi pilim olsem mi wok long pilai gut wankain olsem ol tasol Kimmorley bin pilai gut long kantri bilong em na tu long stet planti taim pinis."

Ol Top Poin Skora bihain long raun 12

Pilaia Poin	Tim	Trai	Gol	Fil Gol	
Michael De Vere	Broncos	6	46	-	116
Hazem el Masri	Bulldogs	3	46	-	104
Andrew Walker	Sea Eagles	5	35	-	90
Brett Hodgson	Tigers	5	33	-	86
Brett Kimmorley	Sharks	2	37	-	82
Cameron Smith	Storm	2	37	-	82
Mark Riddell	Dragons	4	28	-	72
Josh Hannay	Cowboys	2	30	-	68
Luke Burt	Eels	3	28	-	68
Ryan Girdler	Panthers	2	27	-	62

Lukim neks wik long moa NRL stori na poto



Em Tim Bilong Mi

Ol sapota i laikim Paramatta kosa i risain

KOSA bilong Paramatta Brian Smith i kisim singaut long rausim em long kosa bilong klap bihain long Paramatta i lus nogut tru wantaim 33-6 pons long han bilong West Tigers las wiken long Leichhardt oval.

Dispela em namba 5 lus bilong ol insait long Nesenel Ragbi Lig resis long dispela yia. Ol sapota na biknem pilaia bilong Paramatta long bipo Brett Kenny i wok long singaut long Smith i mas pinis long Eels bihain long ol i bin lus tupela wik i go pinis long han bilong St George Illawarra wantaim 37-6 pons.

Sief Eksekutyiv Opisa bilong Eels Denis Fitzgerald i sanap strong olsem klap bai holim yet Smith bikos em i gat tupela yia kontrak i stap yet we i kos samting olsem \$375,000 long wanpela yia.

Tasol ol sapota i les pinis na i laik holim wanpela straik long tupela wik taim Eels i pilai long graun bilong ol yet.

Tasol i gat liklik sapot i stap yet long Smith bihain long ol i putim wanpela trai maski Tigers i skorim

6-pela trai olgeta long gem bilong las wiken.

Dispela win bilong West Tigers em wanpela bikpela win bilong ol agensim Eels abrusim 2002 win bilong ol agensim Eels we skoa i bin sanap long 22-16. Moa long 18,883 manmeri i bin kamap long lukim dispela pilai. Pilai bilong Paramatta long dispela de i no bin gutpela tru.

Ol i lusim bal agensim skram fit bilong ol yet, kikim bal i go taim ol i gat ful takol i stap yet taim ol i statim gem na mekim tupela bom kik taim ol i gat bikpela sans tru long putim tupela gutpela trai long dispela taim.

Parramatta hapbek Chris Thorman i bin dropim bal long wanpela gutpela bal ol i bin winim na winga Ash Graham i bin kikim wanpela bom taim em i isi trai bilong ol sapos em i karim bal i go het.

Tigers i go pas 18-0 long hap taim taim Benji Marshall lusim bal we Scott Prince i kikim i kam.

Ol sain bilong trabel i bin kamap long stat bilong gem taim Tigers i putim trai na go pas 8-0.

MICHAEL Sullivan i soim kain stail gem bilong em long strongim Cronulla Sharks taim em skorim ol trai long las wiken long mekim Sharks i nekim Souths Sydney 38-18 long Toyota Park las wiken.

Dispela em namba 8 lus bilong Souths na i kirapim planti toktok nau long kosa Paul Langmack long sait bilong kontrak bilong em wantaim klap.

Ol tok win i raun olsem bai eksekutyiv i rausim Langmack. Tasol kontrak bilong em i no inap pinis yet inap long pinis bilong dispela yia.

Rabbitohs nau i sindaun

aninit long lata bilong NRL salens taim Cronulla i kamapim namba 6 win bilong em insait long dispela sisen.

Sullivan i penim gras bilong em wantaim retpela pen long makim retpela kala bilong gras bilong mama bilong em husat i dai long las wik long sik kensa. Sullivan i bin skorim trai insait long las 25th na 55th minit na setim wanpela bilong winga Nathan Merritt long 67 minit bilong gem.

Dispela yangpela manki bilong Taree i kamapim gutpela pilai tru abrusim plei meka Brett Kimmorley husat bai pilai long Stet ov Orijin

gem 2 bikos hap bek Craig Gower i kisim bagarap long lek bilong em.

Tasol long stat bilong gem, Souths i soim ol sapota bilong Sharks long graun bilong ol olsem ol i kam long mekim bisnis. Olsem na ol i opim trai na go pas wantaim 12-0 pons long dispela taim.

Tasol insait long 25 minit bilong gem Sullivan i mekim wanpela kirap nogut ron long dami na i go insait long spes na giaman tromoi bal na go insait pundaun aninit long pos.

Kimmorley i kisim kik na surukim pons i kam antap long 12-6.

Klostu long hap taim winga bilong Sharks David Simmons i ron long kona na putim trai taim em i kisim bal i kam long Sullivan bihain long prop Jason Stevens i kisim bal long Ben MacDougall bilong Souths long wan tu wan takol.

Kimmorley i kikim konvesen na bal i go pas long pos na go ausait olsem na poin i sanap 12-10 long hap taim.

Cronulla i tekova na go pas wantaim 16-12 taim Kimmorley kikim 44 mita trai bilong Andrew Lomu we dispela em namba wan trai bilong Lomu long klap taim em i kisim lus bal long Sullivan taim em i kik na bal i go pas long lek bilong Rabbitohs pilaia, Brett Kearney.

Sullivan i kamapim namba tu trai bilong em long 55 minit taim Kimmorley i mekim wanpela bikpela bom kik i go antap na Tillott i nokim bal ya insait long in gol eria.

Kimmorley i surukim skoa bilong Sharks i go antap long 22-12.

Long 59 minit Ryan McGoldrick skorim trai bilong em bihain long fulbek David Peachey mekim wanpela pas insait long takol na Cronulla i go pas wantaim 26-12 long fran bilong 13,721 pipel husat i bin kamap na lukim dispela pilai.

13 minit bipo long fultaim Merritt skorim trai gen bihain long Sullivan i kisim bal long wanpela lus pas bilong Souths na givim long Merritt husat i ron 55 mita long skorim dispela trai.

Souths prop Glenn Hall i skorim trai bilong ol long las minit bipo long fultaim.



• Andrew Lomu i tromoi bal taim Cronulla Shark i bungim Eagles long raun 11 bilong NRL gem. Sharks nekim Eagles 30-28 long fultaim.

Poin Lata bilong NRL bihain long Raun 12

Namba	Klab	P	W	D	L	B	PD	PTS
1	Roosters	11	9	0	2	1	166	20
2	Broncos	11	8	0	3	1	61	18
3	Panthers	11	8	0	3	1	57	18
4	Bulldogs	11	7	0	4	1	29	16
5	Storm	11	6	0	5	1	92	14
6	West Tigers	11	6	0	5	1	7	14
7	Knights	11	6	0	5	1	2	14
8	Dragons	12	6	0	6	0	89	12
9	Raiders	11	5	0	6	1	-31	12
10	Sharks	12	6	0	6	0	-52	12
11	Cowboys	10	3	1	6	2	-10	11
12	Eels	11	4	0	7	1	-95	10
13	Sea Eagles	11	3	0	8	1	-55	8
14	Warriors	11	3	0	8	1	-98	8
15	Rabbitohs	11	2	1	8	1	-162	7

P: Pilai, W: Win, D: Dro, L: Lus, B: Bye o malolo, PD: Pons Diferens PTS: Pons

Givim Prince, Flannery, Bowen wanpela sans gen. Beetson i tok

MAN husat i save makim ol pilaia bilong Kwinslen Stet ov Orijin tim, Arthur Beetson i save olsem ol dispela yangpela pilaia Scott Prince, Chris Flannery na Matt Bowen bai kamapim bikpela senis long gem sapos ol i stap yet.

Tasol ol i mas senisim tripela bikpela hevi insait long Kwinslen Orijin sait. Maroons i wok long wok strong long stretim tupela bikpela posisen bilong ol bihain long Darren Lockyer na hap bek Brett Seymour i kisim bagarap long lek na banis bun na stap aut long namba gem bilong Stet ov Orijin las wik.

Posisen bilong fulbek tu i stap nating nau bihain long Darren Lockyer i lusim dispela posisen na go pilai long faiveit long dispela yia. Tasol Beetson i tok ol dispela yangpela pilaia bilong Maroons inap kamapim ol bikpela senis long nau taim ol i stat pilai long Mei 26 i kam.

Long posisen bilong faiveit, Beetson i tok: "ol i toktok long putim wanpela ruki long dispela posisen, sampela i tok yumi putim Ben Ikin i go bek long dispela posisen. Tasol mi ting ol i ken larim dispela posisen long han bilong Chris Flannery bikos sapos em i no bin kisim bagarap long solda bilong em long las yia em inap holim Queensland na Australia faiveit.

Lukim neks wik long moa NRL stori na poto

Yangpela Francis Kompaon winim disebol pilaiia awod

Dispela manki Tolai husat i skul long St Mary's Vuvu Hai Skul i painim amamas long spot. Hia em i tokaut long sindaun bilong em.

Paul Zuvani i raitim

FRANCIS Kompaon i no manki bilong pas na bung raun long ai bilong ol man. Nogat. Em i manki bilong sem .

I no sem nating tasol long em i no luk wankain olsem planti bilong mipela. Em i gat wanpela han tasol, lep han bilong em nogat.

Ol dokta i katim olgeta dispela han taim hevi i kamap.

Yes, sori tru long dispela sindaun bilong yangpela Kompaon tasol nau dispela kain sem i pinis.

Kompaon nau i ken raun na stap bung wantaim ol man na i ken toktok wantaim olgeta man.

Dispela manki bilong ples Lungalunga, Not Kos Rod Is Nu Britan i no inap wari long ol manki husat i gat gutpela lek han long taim bilong resis long ron. Em i redi tasol long traime wantaim ol na planti em i save abrusim ol gut.

Kompaon i save ron long 100 mita, 200m na 400m sprin. Nau long dispela taim em i save makim skul bilong em St Mary's Sekenderi Hai Skul long ol skul kanivol.

Em i stat pilai spot strong taim em i stap long Sekenderi skul na ol i makim em long pilai long wanpela skul kanivol long 2002. Dispela taim em i mekim gret 8.

Long las Sarere nait long Crowne Plaza Hotel, Pot Mosbi, we planti manmeri i kamap na lukim Papua Niugini Spot Fed-eresen i givim em 2004 SP Spot awod aninit long grup bilong Pilaia-I-Gat-Hevi-Long-Bodi long soim laik na strong em i gat long pi-



• **Kompaon, i soim rot bilong ol narapela husat i gat wankain hevi olsem em.**

Poto: JOE IVAHARIA

lai spot.

Bihain long taim bilong givim ol awod em i givim taim bilong em long ol spot nius man-

meri long toktok na kisim stori bilong em.

Wantok Niuspepa tu i kamap na askim em long wanem samting i mekim na em i kamap spotman maski em i gat hevi long bodi. Moa long dispela em i tokaut tu long tingting bilong em long winim 2004 SP Spot awod bilong em wanem samting em i save painim long pilai spot.

Dispela Gret 10 sumatin i tok olsem: "Mi amamas tru long winim dispela awod. Em i mekim mi pilim gut," Kompaon i tok taim em i painim hat long toktok long amamas em i gat long en.

"Bel bilong mi i pulap long amamas. Mi painim hat long tok stret long amamas mi gat. Mi laik givim moa taim bilong mi long spot.

"Mi laik pilai moa na laik makim kantri long narapela ol bikpela pilai.

Wanem samting em i save painim long spot?

"Em i save strongim mi. Mi stap strong long bodi na tingting," em i tok.

"Long taim mi stat pilai spot na bung wantaim planti ol arapela man tingting bilong mi i op.

"Mi no save sem olsem mi save sem bipo. Mi ken bung na toktok wantaim olgeta manmeri.

"Mi laik tokim ol narapela manmeri husat i gat wankain hevi olsem mi olsem ol i no ken sem o wari long bodi bilong ol.

"Yupela i mas kam aut na soim strong na save yupela i gat. Sapos mi na sampela manmeri olsem mi i ken kam aut long soim mipela yet orait yupela tu i ken mekim.

"Win i no save kamap isi. Em i save kisim taim. Sapos yu inap kisim taim, tingting na

strong bilong yu bai yu inap lukim kaikai bilong hatwok.

Long kamap olsem Kompaon i givim tok tenk yu long ol tisa bilong em husat i soim em long rot bilong pilai spot na long strongim tingting bilong em long pilai.

Em i givim tenk yu tu i go long Katolik egen-si- Callan Sevises, ol wan skul long gutpela toktok bilong ol na papamama long sapatim em long mani samting.

Kompaon i no ron long wanpela nesanel

"Spot i save strongim mi. Mi stap strong long bodi na tingting.

"Long taim mi stat pilai spot na bung wantaim planti ol arapela man, tingting bilong mi i go op.

"Mi no save sem olsem bipo. Mi ken bung na toktok wantaim olgeta manmeri.

sempionsip yet tasol em i save ron long Niugini Ailans Rijnol Sempionsip na las yia, 2003 i winim NGI Disebel Spot etletik resis.

Kompaon i namba tri pikinini insait long famili bilong foa. Papa bilong em em Bernard Manuau na em i dai long 2002. Nau yet mama Lyanne tasol i sapatim em wantaim ol arapela brata susa bilong em.

Ol narapela awod long narapela ol grup i go long dispela ol lain.

Long Spot-Man-Bilong-Yia grup em Ryan Pini (swimming). Pini i winim bilong las yia, 2003 na nau em i namba tu taim bilong em long win gen.

Long grup bilong gol medol:

Long Spotmeri-Bilong-Yia win i go long Dika Toua (wetlifting). Wankain olsem Pini, dispela em i namba tu yia bilong Dika long win.

Long PNG-Tim-Bilong-Yia win i go long PNG Presiden 13 (ragbi lig).

Long silva medol em Junia-Man-Etlit-Bilong-Yia- em Michael Rucklinga (skwas), Junia-Meri-Bilong-Yia em Dika Toua. Toua i win namba tu taim gen bihain long em i win long las yia. Long Junia Tim-Bilong-Yia em PNG Anda 19 Kriket tim. Na Distinguis-Sevis-Long-Spot awod i go long Martin Beni (boksing). Disebel spot awod i go aninit long dispela silva medol awod tu.

Long brons awod em Kos-Bilong-Yia awod em Ivan Ravu (Kosa bilong 2003 PNG Presiden 13), Spot-Edministreta em Tamzin Wardley (yoting) na Teknikol-Opisa awod i go long Ian Chow (suting).

Long totok long dispela nait ges spika Kevan Gosper bilong Australia na memba bilong Intenesenel Olimpik Komiti tokaut long we bilong stap strong na win.

Em i givim histori bilong em long winim gol medol long sprin long Komenwel Gems long Kenada 1954. Long Australia rilei tim em i winim silva medol long 1956 long Melbon na brons na silva medol long 1960 Olimpik Gems long Rom.

Em i strongim ol spotmanmeri bilong PNG na i tok komitmen na dedikesen em i bikpela samting long win.



• **Yangpela meri husat i bin winim junia spots meri bilong yia awod, Dika Toua, wantaim ol tropi bilong em em i bin winim long Osenia Sempionsip long dispela yia.**

Poto: PAUL ZUVANI

Waliya go pas long Mosbi ragbi lig

Joe Ivaharia i raitim

DEFENDING sempion Post Waliya nau i go pas long Pot Mosbi ragbi lig kompetisen bihain long ol i hamarim Paga Panthers 40-8 las Sande.

Long go pas long points lata bipo em Dobo Warriors.

Warriors i bin dro wantaim Millinium Brothers 14-14 long mein gem bilong ol long las Sande.

Tupela tim Waliya na Dobo Warriors i stap long 20 poin tasol long pesentej Waliya i go pas na Millinium Brothers i stap long namba tri ples.

Long ol arapela pilai Defence i winim Tarangau 26-16, Wari Vele Hawks i autim PCS West 36-24, DCA pasim ol boi Royals 34-18 na Souths i winim Magani 16-10.

Long mein gem Brothers wantaim ol bipo representativ pilai olsem bipo Kumul Raymond Karl, Andrew Norman na Leonard Tarum wantaim bipo Vipers pilai Chris Lome, Solomon Hui na Raphael Mua i bin go pas long tim.

Tasol dispela i no bin mekim ol manki Koiari i wari tumas.

Olsem kepten bilong Brothers Richard

Sinamoi i bin tok bihainim dispela dro, "mipela i mas noken tingim bikpela save bilong mipela". Ol (Warriors) i bin givim mipela hat taim tru long gem.

Dobo Warriors wantaim ol strongpela fowet pilai olsem Thomas Ninkama, Allan Mambo, Aaron Mulunga, Nobert Steven, Stanley Torato na Steven Clay i strongim sait bilong ol na givim wankain marasin i go long ol Brothers tu.

Mekim na insait long ten minit mak ol i skorim tupela trai i kam long senta Obert Gray na fulbek Enosi Geua long go pas 10-0 long skoa bod.

Tasol seken rowa bilong Brothers Raphael Mua i brukim difens bilong ol Warriors na putim namba wan trai bilong tim long mekim skoa i sanap long 10-4 i go long hap taim.

Bihainim dispela trai tupela tim i stat long pilai strong tru we refri Guma Opi i traim hat long kontrolim gem long wanem ol pilai bilong tupela tim wantaim i wok long salensim na askim em long sampela ol disisen bilong em.

Long seken hap Brothers i kam bek wantaim wanpela tingting long traim winim gem we i lukim faivet Leonard Tarum i slip antap long trai lain na fulbek

Nixon Nagle i kikim konvesen i go insait long levelim skoa 10-10.

Long dispela taim gem i stap long namel we tupela tim wantaim i traim olgeta kain pilai stail na save bilong ol long traim na skoa we i lukim planti gutpela na strongpela takol i kamap.

Brothers i bin laki taim ol i atek long trai lain bilong Warriors na salim lok fowet Chris Lome i go insait na putim trai long go pas long skoa we i stap long 14-10.

Dispela nau i mekim ol Warriors i kirap nogut na ol i stat long pilai strong we ol fowet i brukim difens bilong ol Brothers na i go insait long hap bilong ol.

Long wanpela kain pilai na ol i salim bal i go long beksait long beklain we i lukim winga Michael Niesi i skoa long kona na levelim skoa gen long 14-14 we dispela skoa i stap i go long fultaim.

Bihainim pinis bilong dispela raun 13 points lata i sanap olsem Post Waliya (20), Dobo Warriors (20), Souths (19), Brothers (18), Hawks (14), Defence (14), Kone Tigers (12), DCA (12), Magani (11), Hekari Tarangau (10), West (9), Royals (7) na Paga Panthers (4).

Dispela i bin wanpela stail gem tru.

PS Rutz autim Babaka long PMSA resis

YANGPELA nesanel pilai Eric Komeng i bin go pas long tim bilong em PS Rutz we i lukim em i skorim tripela gol long helpim tim bilong em winim Babaka 4-0 long Pot Mosbi primia soka resis long Sarere.

Komeng husat i bin wanpela memba bilong PNG soka tim i go long OFC Wol kap kwalifaia long Apia, Samoa long las mun i kam bek wantaim dispela strongpela pilai bilong em long skorim wanpela gol long fes hap na tupela long seken hap.

Narapela gol bilong PS Rutz i bin kam long Stanford Malagini. Dispela win nau i makim namba tri win bilong klap wantaim wanpela dro insait long kompetisen.

Ol boi Hula i no bin gat wanpela kain bekap pilai long pasim ol boi PS we ol i bin

gol risev pilai bilong PS Rutz Stanford Malagini i kam insait na lokim skoa long 4-0 bihain long ol difenda bilong Babaka i mekim wanpela mistek klostu long umben bilong ol na i larim boi Tari i skoa.

Risal bilong narapela gem long Sarere Kurti Andra i winim Blue Kumuls 2-0 we tupela gol bilong ol. Long ol pilai long Sande Cosmos i dro wantaim LBC Defence 2-2, Rapatona i winim Momase 1-0 na ANZ Uni i autim Naniu 4-0.

Na long ol primia gem bilong ol meri Telikom i winim Lamana GFN 1-0, Cosmos i autim Momase 1-0, WMI i strong yet na winim Rapatona 2-1, Souths nekim PS Rutz 1-0 na Annette Aisa wantaim Margaret Garibo i go pas long ANZ Uni long winim Guria 2-0.

Joseph i bilip PNG bai redi long Wol Kap

Paul Zuvani i raitim

PAPUA Niugini bai traim 2007 Wol Kap pilai. Dispela em toktok bilong PNG Anda-19 Kriket Tim kosa Paul Joseph.

Em i mekim dispela toktok long presentesen nait bilong 2004 SP Spot Awod long Crowne Plaza Hotel las Sarere.

PNG Anda-19 Kriket Tim i winim awod bilong Junia Tim grup.

Tim i winim dispela awod long wanem ol i mekim gut long ol pilai bilong ol inap long taim ol i kamap long Anda-19 Wol Kap pilai long Bangladesh long las yia.

Ol i bin traim tasol lus long ol arapela

kantri.

Tasol long taim bilong Kisim awod long luksave long strong bilong ol kosa Paul Joseph i tok sapos PNG Tim i laki na pilai long 2007 Wol Kap pilai em bai narakain.

Em i tok planti bilong ol pilai husat i stap long junia pilai nau bai gat gutpela save na strong bilong pilai sapos ol i stap long sinia tim.

"2005 bai i wanpela bikpela yia bilong mipela long wanem mipela bai wok long redi long 2007 Wol Kap pilai," Joseph i tok.

Joseph i tok olsem long PNG long go insait long Wol Kap ol i mas pilai gut long ol arapela kompetisen.



Ol spot man bung Ivan Ravu (rait) i sanap wantaim Joe Boino, brata bilong PNG hedol rana Mowen Boino long presentesen nait bilong PNG Spots Awod long Crowne plaza. Ravu i winim Kosa bilong 2004 SP Spot nait. Foto: JOE IVAHARIA

Mosbi bai holim 2004 Nesanel Tas sempionsip

Joe Ivaharia i raitim

MOA long 63 tim i tokaut long tingting bilong ol long pilai insait long 2004 Nesanel Tas Sempionsip.

Dispela sempionsip bai kamap long Pot Mosbi long Jun 12-14 long Kwins Betdei wiken.

Bihainim pinis bilong dispela sempionsip ol nesanel selekta bai makim ol pilai

long go pilai long tupela intanesenel gem we bai kamap long 2005.

Ol bai makim tripela tim bilong ol Dvelopmen Skwat long go long Arafura Gems na tripela tim bai i kam long ol Nesanel Skwat long go pilai long Osenia Kap long Samoa.

Long wankain taim tu ol selekta bai lukluk long stail na strong bilong ol pilai husat i bin pilai long SP gems las yia long makim ol tu long ol i ken stap insait long dispela ol skwat.

Ol asosiesen husat i givim nem pinis em; Sabama wantaim nainpela tim, Sentral nainpela tim, Pom Touch nainpela tim, Lae Touch faivpela tim, Gigo long Kimbe foapela tim, Lae Corporate Touch tripela tim, Wewak tripela tim, Namatanai tripela tim, Sauni bilong Kokoda tupela tim, Porgera Mine tupela tim, Porgera Paiala tupela tim, Kokopo tupela, Kimbe Black Ants tupela tim, Madang tupela, Raluana (Rabaul) tupela tim na wanpela tim bai i kam yet long Kimbe Sentral, Popondetta, Lihir na Wasted Youth bilong Popondetta.

Narapela tupela asosiesen husat i no tokaut yet long laik bilong ol em Gelegele na ENBYDF bilong Is Nu Briten.

Namel long dispela ol tim i gat tripela (3) anda 18 junia tim bilong ol gets, eipela junia tim bilong ol manki, nainpela openmiks divisen tim, sikspela tim long open divisen bilong ol meri, 18-pela tim bilong ol man long open divisen, faivpela tim

long sinia-miks divisen, tripela (3) tim insait long sinia divisen bilong ol meri, sevenpela long sinia divisen bilong ol man na foapela tim long masters divisen husat bai pilai insait long tonamen.

Presiden bilong PNG Tas Federesen Micah Vele i tok olgeta wok redi bilong stretim ples bilong pilai i wok long go het yet we ol bai yusim pilai eria bilong Murray Barracks. Dispela sempionsip bai lukim moa long 1000 spot manmeri wantaim ol yangpela i kamap long en na em bai i bikpela tru.

Em i singaut tu i go long ol bisnis haus husat i laik kam na sapotim dispela tonamen long lukim em eksekutiv bilong em hariap long wanem tupela wik tasol i stap nau.

Na long wankain taim tu ol asosiesen i mas toksave long ol eksekutiv long wokabout bilong ol hariap tu we oganaising komiti i ken stretim wari olsem ples bilong slip na kaikai long Mdsbi.

Maski em i no longpela tumas tasol ol boi Hula i kirap nogut taim em i kalap na hetim bal i go insait long umben na surukim skoa bilong ol i go long 3-0.

mekim planti mistek na givim planti bal i go long oposisen bilong ol.

Kain pilai i mekim na Komeng i bin skorim fes gol bilong em insait long 38 minit bihainim wanpela set pilai i kam long ol midfilda we em i abrusim difens bilong Babaka na pairapim umben na lid 1-0. Dispela skoa i bin stap olsem i go insait long hap taim.


Tasol long seken hap ol boi PS i apim pilai bilong ol long pasim stret Babaka we i lukim Komeng gen wantaim gutpela spit bilong em i winim wanpela gutpela bal i kam long Nathan Vincent insait long 18 mita boks. Em i abrusim tupela difenda na pairapim umben long skorim seken gol bilong em we gol-kipa bilong Babaka Renagi Kin i no inap long pasim.

I no long taim gen na boi nogut bilong Kairuru Allan i skoarim namba tri gol bilong em we i bin kam long wanpela kona kik. Maski em i no longpela tumas tasol ol boi Hula i kirap nogut taim em i kalap na hetim bal i go insait long umben na surukim skoa bilong ol i go long 3-0.


Bihain long dispela

Long ol arapela nius Pot Mosbi Soka Asosiesen i makim pinis trenin skwat bilong ol meri long go pilai long PNGFA Cup Nesanel Sempionsip we bai kamap long Madang long kwins betdei wiken long Jun 12-14.

Ol pilai em; Roxanne Komeng, Annette Aisa, Josephine Waiwai, Charlene Lawton, Juanita Kalip, Edith Sabaewa, Serah Guyu, Tokoi Norrie, Margaret Garibo, Mary-Anne Padio, Ludy Sabaewa, Lilly Mutuyani (University), Judith Sauto, Patricia Logha, Julie Alau, Margaret Aka, Karen Dobbin, Nialel Lucas, Cesly Dobbin, Regina Sui (Telikom), Lydia Barnabas, Taura Inova, Movi Kaperu, Ambang Eric, Ivonne Manaha, Diane Sape (Lamana), Dianne Tasion, Deslyn Siniu, Martha Kiapin, (Rapatona), Molley Roy, Mirriam Lanta, Flosie Makeu (Cosmos), Cathy Saleau, May Liosi, Melanie Modagai (WMI), Samantha Peninsa (Guria) na Joyce Komeng (PS Rutz).



WANTOK Spots



Ol meri mas gat soka opis

Yakam Kelo i raitim

PAPUA Niugini i mas gat soka asosiesen bilong ol meri yet long lukim trupela developmen bilong soka i kamap long ol meri. Dispela em tingting bilong olupela PNG soka kosa na Pot Mosbi Soka Asosiesen teknikal komiti Stalin Jawa.

Stalin i tok taim yumi toktok long yut developmen, em olgeta program na lukluk em long ol man tasol na i no ol meri. Olsem na ol meri i nogat gutpela developmen long junia level i go antap long sinia level.


Stalin i strongim dispela toktok bilong em olsem long skul soka tude insait long kantri, ol lokol soka asosiesen olsem PMSA na Lae i mas go insait long wanwan taim na givim sampela trening long ol. Kain trening olsem wei bilong stopim na ranim gut bal long lek, wei bilong hetim gut bal na ol kain trening olsem. Taim ol dispela junia i go antap long mak bilong anda 16, orait i mas gat ol nesanel soka tonamen bilong ol insait long kantri long strongim ol long holim soka strong long intres bilong ol long dispela taim. Em nau junia developmen bilong ol meri na man i ken gat as bilong statim developmen program bilong ol long dispela hap i go antap long anda 18 we ol i ken go long ol nesanel sempionsip na kwalifai long sinia divisien.

Wanpela sinia na olupela soka meri tu i soim wanbel bilong em long dispela tingting bilong kamapim soka edministresen bilong ol meri yet. Em i tok olgeta program na developmen em bilong ol man tasol. Ol meri i ken ranim soka edministresen bilong ol yet tasol nau yet i nogat soka graun bilong ol em i tok.

Narapela samting tu Stalin i tok olsem Papua Niugini soka i mas sanapim tim bilong em antap long strong bilong dispela tim bilong ol man husat i bin go pilai long Samoa long las mun. Dispela skwat i bin kirapim bek strong na nem bilong PNG long Osenia kwalifai tonamen we i gat ol miks pilaia bilong developmen skwat na ol sinia pilai i stap wantaim.

Em i tok asua PNG i mekim pinis i mas pinis nau. Mipela i mas makim rait kosa wantaim pasin na eksperiens. Planti taim ol gutpela pilaia i save sindaun long arere o i no save stap long skwat. Nau mipela i mas yusim gut ol pilaia bilong mipela. Kamap wantaim rait 11 pilaia stret we kantri i ken kamapim na yusim ol gut. Stalin i tok.

Kain stail yumi wok long mekim nau i olsem givim gem long olgeta pilaia we i nogat samting i ron tasol mipela i mas yusim gut ol pilaia long gem na i no straika i pilai long fulbek o midfil o kain olsem.



Blue pawa! Fowet Willie Mason i laik brukim stret Matt Bowen na Justin Hodges long las wik stet ov Origin gem we Blues i salim Maroons i go wantaim bikpela wari long 9 - 8 skoa long ekstra taim.

Nupela Spot Polisi bai strongim gut- pela sindaun

Paul Zuvani i ratim

BIHAINIM tingting bilong Yunaited Nesen we i tok spot em i samting bilong kamapim developmen na wanbel pasin, Papua Niugini nau i gat nupela spot polisi.

Dispela nupela polisi bai mas lukim ol pipel bilong PNG i gat gutpela helt, edukesen gutpela sindaun na i gat tingting long stap long strong bilong ol yet.

Dispela spot polisi- Spot Polisi 2004 na Plen 2004-2008 em Minista bilong Komyuniti Afeas na Spot Ledi Carol Kidu i tokaut long en taim ol i ridim toktok bilong em long nait bilong 2004 SP Spot Awod long Crowne long las Sarere.

Minista yet i no stap long dispela nait long wanem em i stap long Komonwol Kibung bilong ol meri long Fiji.

Em i toktok long kain sindaun long kantri we ol manmeri i pas long ol pasin olsem spak, kism smok nogut na i no was gut long bodi bilong ol we i lukim sik HIV AIDS i go bikpela we nau i mekim komyuniti i wari. Na olsem Dipatmen bilong em husat i wok bung wantaim ol grup i go pas long wok bilong spot long kamap wantaim dispela polisi long helpim ol pipel.

Em i tok spot helpim olgeta samting long laip bilong man, long bodi, tingting na spir-it.

"Pasin bilong stap insait long pilai i developim ol yangpela long kamapim gutpela helt long bodi na tingting na mekim ol i wok bung wantaim narapela narapela." Ledi Carol i tok.

"Em (spot) i kamapim sans we ol manmeri i pilai na soim strong, save na opim tingting bilong ol."

Em i tok polisi bilong Yunaited Nesen long spot i tok olsem spot i gat strong na olsem em i wanpela samting we komyuniti i yusim long kamapim developmen na wanbel pasin.

Long wanpela painim aut wok we UN i bin mekim i no longtaim i go pinis i painim olsem spot i kamapim sans we ol manmeri taim ol i pas long spot i lainim long ol samting olsem gutpela pasin, bilip long ol yet na lainim long kamap gutpela lida.

Mother's Day
Brian Bell
at Shop with a friend

DEI BILONG MAMA PROMOSEN WINAS CONGRATULATIONS LONG OL MAMA I WIN

OLGETA WINA MAS GO LONG BRIAN BELL STOA NA KISIM MOA TOKSAVE LONG PRAIS.
TENK YU TRU LONG OLGETA MANMERI HUSAT ISTAP LONG DISPELA RESIS.

BIKPELA PRAIS WINA:
WOKABAUT BILONG MAMA IGO LONG CAIRNS

VARINA IOBUNA
c/ Arniel Passam

wantaim balus tiket, ples long silip, kaikai, na poket moni long raun bilong tupela pipol.

HAMAMAS PRAIS: I gat ples long silip na kaikai bilong tupela.
MANA BAI MALOLO LONG WANPELA HOTEL LONG PNG

BRANCH
PORT MORESBY
LAE
GOROKA
MT. HAGEN
MADANG
KOKOPO

WINNER (MOTHER)
BERNITHA c/ Beno Erepan
PEPE c/ Polowe Oli
CHRISTINEA c/ Billy Langanaso
ALICE TOMAI c/ John Dom
ROSE MOMOA
GEMA BALBAL

HOTEL/RESORT
Loloata Island Resort
Melanesian Hotel
Bird of Paradise Hotel
Highlander Hotel
Jais Aben Resort
Queen Emma Lodge

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.